

Ե. ԽԱԼԵՅԱՆ

ՍՈՎԵՏԱԿԱՆ ՄԻՈՒԹՅԱՆ ՀԵՐՈՍ

**ՀՈՒՆԱՆ
ԱՎԵՏԻՍՅԱՆ**



ԵՐԵՎԱՆ

1950





АКАДЕМИЯ НАУК АРМЯНСКОЙ ССР
ИНСТИТУТ ИСТОРИИ

№

МАТЕРИАЛЫ ПО ИСТОРИИ
ВЕЛИКОЙ ОТЕЧЕСТВЕННОЙ ВОЙНЫ

4

Е. ХАЛЕЯН

ГЕРОЙ СОВЕТСКОГО СОЮЗА
УНАН АВЕТИСЯН

Биографический очерк и документы

ИЗДАТЕЛЬСТВО АКАДЕМИИ НАУК АРМЯНСКОЙ ССР
ЕРЕВАН

1950

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Պ Ա Տ Մ Ո Ւ Թ Յ Ա Ն Ի Ն Ս Տ Ի Տ Ո Ւ Տ

№

ՆՅՈՒԹԵՐ ՀԱՅՐԵՆԱԿԱՆ ՄԵԾ
ՊԱՏԵՐԱԶՄԻ ՊԱՏՄՈՒԹՅԱՆ

4

355.331(47.925)(092Ավանդական)

Խ-17

Ե. ԽԱԼԵՅԱՆ

ՍՏՈՒԳՎԱԾ Է 1961 թ.

ՍՈՎԵՏԱԿԱՆ ՄԻՈՒԹՅԱՆ ՀԵՐՈՍ ՀՈՒՆԱՆ ԱՎԵՏԻՍՅԱՆ

Կեմադրական ակնարկ և փաստաթղթեր

ԷՅԻԻ



ՀԱՅԿԱԿԱՆ ՍՍՌ ԳԱ ՀՐԱՏԱՐԱԿԶՈՒԹՅՈՒՆ

Ե Ր Ե Վ Ա Ն

1950

UNIVERSITY OF CHICAGO LIBRARY

1864

THE UNIVERSITY OF CHICAGO LIBRARY

1864

UNIVERSITY OF CHICAGO LIBRARY

1864

UNIVERSITY OF CHICAGO LIBRARY

A $\frac{v}{1864}$



UNIVERSITY OF CHICAGO LIBRARY

1864

«Հավե՛րժ փառք մեր հայրենիքի
ազատության եւ անկախության
համար մղված մարտերում
զոհված հերոսներին».

Ի. ՄՏԱԼԻՆ



Սովետական Միության Հերոս Հուհան Ավետիսյան



ՀՈՒՆԱՆ ԱՎԵՏԻՍՅԱՆ

Սիրելի առաջնորդ և զորավար ընկեր Ստալինի գլխավորությամբ Հայրենական Մեծ պատերազմի ռազմաճակատներում ֆաշիստական զավթիչների դեմ Սովետական Միության բոլոր ժողովուրդների ռազմիկ զավակների հետ ուս-ուսի տված մարտնչում էին նաև հայ ժողովրդի հազարավոր զավակներ: Պատերազմի ամեն մի օր մարտնչողների շարքերում ծնվում էին նորանոր խիզախներ, նորանոր հերոսներ, որոնք հավատարիմ էին խի—Ստալինի պարտիային, իրենց զինվորական սրբազան երդմանը, անձնուրաց կերպով կռվում էին հանուն մեր սոցիալիստական մեծ Հայրենիքի ազատության ու անկախության:

Մեր գործն արդար էր, մենք հաղթեցինք: Այդ հաղթանակը սովետական ժողովուրդը ձեռք բերեց անսահման զոհաբերությունների և զրկանքների գնով, հազարավոր լավագույն մարդկանց առատորեն թափած արյան դնով:

Մեր այսօրվա ազատ և երջանիկ կյանքի համար իրենց կյանքը զոհած այդ հերոսների հիշատակը միշտ վառ պահելով, մեր ժողովուրդը իր սրտում երախտագիտության անմահ հուշարձան է կերտել, որի վրա անջնջելի տառերով գրված են առաջնորդի հավիտյան առկայծող խոսքերը՝

«... Հաճելի և բերկրալի է գիտենալ, որ մեր մարդկանց առատորեն թափած արյունը ապարդյուն չի անցել, որ այդ արյունն իր արդյունքներն է տվել»:^{*}

Լենինի—Ստալինի պարտիայի և կոմերիտմիության դաստիարակած սովետական ջերմ հայրենասերների, Սովետական Միության հերոսների փառապանծ պլեյադայում իրենց վեհ և ազնիվ

^{*} Ի. Վ. Ստալին, «Զեկուցում ՍՍՄ Միության Սահմանադրության նախագծի մասին», Կուսհրատ, 1936 թ., էջ 63:

մահով դուրսացվածների փառքի հասան, մասսայական հերոսության օրինակ ծառայեցին օդաչու Գաստելոն, շարքային մարտիկ Մատրոսովը, Զոյա Կոսմոդեմյանսկայան, հայ ժողովրդի անվահեր զավակ, ավագ սերժանտ Հոնան Ավետիսյանը և շատ ուրիշները։ Նրանք դիտակցորեն գնացին դեպի մահը, զոհվեցին մեր Հայրենիքի ազատության համար։

1943 թ. փետրվարի թեժ մարտերից մեկում ռուս մեծ ժողովրդի զավակ շարքային Ալեքսանդր Մատրոսովը իր ընկերների կյանքը փրկելու, նրանց առաջընթացումը խանգարող թշնամու գնդացրային կրակը խափանելու համար, դիտակցորեն դեպի մահը գնալով՝ իր մարմնով փակեց թշնամու հրակնատը, հնարավորություն տվեց ստորաբաժանմանը առաջ շարժվելու և կատարելու մարտական առաջադրանքը։

Սովետական կառավարությանը բարձր գնահատելով Մատրոսովի անձնազոհ քայլը, Սովետական Միության Հերոսի կոչում շնորհեց նրան, իսկ Գերագույն Դիվանի շնորհաբանությամբ Ստալինը 1943 թվականի սեպտեմբերի 8-ին իր հրամանում հավերժացնելով նրա հիշատակը, գրեց.

«Ընկեր Մատրոսովի մեծ սխրագործությունը զինվորական ֆաջուրյան և հերոսության օրինակ սլոտի ծառայի Սովետական Բանակի բոլոր ռազմիկների համար»։

Այդ հրամանով 56-րդ զվարդիական դիվիզիայի 254-րդ հրաձգային դնդին տրվեց Սովետական Միության Հերոս Մատրոսովի անունը։ Հերոսի անունը առհավետ մտցվեց այդ գնդի առաջին վաշտի ցուցակի մեջ։

Մատրոսովի անունը դարձավ հերոսության, հաղթանակի սիմվոլ։ Ռազմիկները մարտերի ամենակրիտիկական մոմենտներին հիշելով Մատրոսովի օրինակը առաջ էին սլանում անվախ և աներկյուղ, և եթե նույնիսկ անհրաժեշտ էր լինում՝ զոհել իրենց կյանքը ի փառս հայրենիքի։ Նրանք այդպես էլ անում էին՝ փոթորկալի կովի կրակի միջով առաջ էին տանում Սովետական Միության հաղթանակի դրոշմը։

1943 թ. սեպտեմբերի 16-ին Նովոռոսիյսկի ազատագրման համար մղվող թեժ մարտում հայ ժողովրդի փառապանծ զավակ ավագ սերժանտ Հոնան Մակիչի Ավետիսյանը կրկնեց Ալեքսանդր Մատրոսովի անմահ սխրագործությունը։

Հունանը արժանացավ Սովետական Միության Հերոսի քարձր կոչման: 1949 թ. ապրիլի 22-ին ՍՍՌՄ Զինված Ուժերի մինիստրի հրամանով Հունան Մակիչի Ավետիսյանի անունը նույնպես առհավետ գրանցվեց այն ստորաբաժանման ցուցակում, որի շարքերում անձնագրո՞հ հայրենասերը մարտնչում էր ֆաշիստական զավթիչների դեմ:

Այդ մասին 1949 թ. մայիսի 8-ին ՍՍՌՄ-ի Զինված Ուժերի մինիստրության կենտրոնական օրգան «Կրասնայա Զվեզդա» լրագիրը «Սովետական հայրենասերի սխրագործությունը» վերնագրի տակ տպագրեց հետևյալ հաղորդումը.

«Մ զորամասի ռազմիկները սրբությամբ են մեծարում հայրենիքի համար մղված մարտերում հերոսի մահով զոհված իրենց խիզախ համազնդեցի՝ Հունան Ավետիսյանի հիշատակը: Նրա անհուն նվիրվածությունը սոցիալիստական Հայրենիքին և անսահման հավատարմությունը երդմանը, օրինակ է ծառայում մարտիկների, սերժանտների և սպաների համար:

Վերջերս ՍՍՌՄ Զինված Ուժերի մինիստրի հրամանով Սովետական Միության Հերոս Հ. Մ. Ավետիսյանի անունը առհավետ գրանցվեց Մ զորամասի ցուցակում»:

Ո՞վ էր Հունանը, և ինչպե՞ս կատարեց նա այդ դյուցազնական սխրագործությունը, որի համար անմահության փառքի հասավ: Համառոտակիորեն ծանոթանանք նրա կյանքի և մարտական գործունեության հետ:

* * *

Հունան Մակիչի Ավետիսյանը ծնվել է 1914 թ. Ղափանի շրջանի Մավ գյուղում, չքավոր գյուղացու ընտանիքում: Նրա հայրը, Մկրտիչ խաչատուրի Ավետիսյանը, համեստ և աշխատավոր հողագործ էր: Նախասովետական կարգերի ժամանակ նա օրնիրուն կռիվ էր տալիս քարի ու հողի հետ, աշխատում էր, և իր տնարար կնոջ՝ խանումի հետ միասին մի կերպ քարշ էին տալիս 10 շնչից բաղկացած իրենց ընտանիքի գոյությունը:

* „Красная Звезда“ № 107, մայիսի 8, 1949 թ.:

Մկրտիչը և Խանումը ունեին 6 տղա, 2 աղջիկ, բոլորն էլ փոքրահասակ, կարիքի ու զրկանքի մեջ:

Տնտեսական ծանր պայմանները հնարավորություն չտվին ինչպես մյուս եղբայրներին, նույնպես և Հունանին, սովորելու և կրթություն ձեռք բերելու: Դեռ գյուղական տարրական դպրոցի նախնական դասարաններից, մանկահասակ փոքրիկ Հունանը ըստիպված է լինում ընտանիքին օգնելու համար թողնել ուսումը և բատրակություն անել գյուղի հարուստների մոտ:

Հայաստանում սովետական կարգերի հաստատումով միայն նոր կյանքի ուղի բացվեց ինչպես հարյուր հազարավոր աշխատավորների զավակների, այնպես էլ Հունան Ավետիսյանի համար:

Հունան Ավետիսյանը սկզբում բանվորություն է անում Մինջեանի երկաթուղագծի կառուցման շինարարության վրա, իսկ հետո՝ Ղափանի պղնձաձուլական կոմբինատում:

1928 թվականից Հունանը ընդունվում է Լենինյան-Ստալինյան կոմերիտմիության շարքերը, ակտիվորեն մասնակցում է հասարակական աշխատանքներին: Միաժամանակ նա սիստեմատիկաբար զբաղվում է ֆիզկուլտուրայով և ռազմասպորտային խաղերով: Ինչպես մայրն է սլատում, այդ տարիներից էլ Հունանը առանձին սեր է ցուցաբերել դեպի զինվորական գործը, նա զինվորական խաղեր է կազմակերպել, հորից ծածուկ, տանը եղած հրացանը վերցնելով, վարժություններ է կատարել:

Հետագայում Հունանը դառնում է գյուղի լավագույն որսկաններից մեկը, որի գնդակը երբեք չէր վրիպում: Նա կենսախինդ էր և համարձակ. մեկ հատ էր կոխ բռնելու մեջ, լավ ջիգիդ էր, և գյուղի «անհնազանդ» բոլոր ձիերը համարյա նրա տակովն էին անցնում: Ծախ թեթևությամբ թռչելով ձիու մերկ մեջքին, այնպես էր կաշում նրան, որ կարծեք թե այդ տեղից լինեք բուսած: Իր սև ու խոշոր աչքերը փայլատակելով, զվարթ երգեր երգելով, քամու առագուկյամբ սլանում էր, խնկոքացնում ու վարժեցնում էր նրանց. այդ էր պատճառը, որ գյուղում իրավամբ Հունանին ամենքը «փայլելիք» էին անվանում, սիրում և գովում էին որպես հունարով ու սրտոտ տղայի: Ծախ էր սիրում գրագ բռնել, երբեմն մենմենակ ուշ գիշերներին անթափանցելի խավարում նա գնացել է

Ծավ գյուղից մի քանի կիլոմետր հեռու գտնվող «Նավա» կոլեկտիվիչը, թիֆերի ու քարերի միջով բարձրացել է նրա ահավոր գազաթը և այնտեղից նշան է բերել ընկերներին, ցույց տալով իր սրբապատկերները և անվախությունը:

Հունանը այս լավ հատկությունների հետ միաժամանակ զգայուն և նուրբ հոգու տեր մարդ էր, ազնիվ հայրենասեր էր:

Հունանը որոշ շափով գիտեր իր երկրի հերոսական պատմությունը, նրա անցյալը, Զանգեզուրի բանվորների և գյուղացիների պայքարը ցարական և դաշնակցական բռնադատիչների ու շահագործողների դեմ, գիտեր և 1920—1921 թ. թ. Մայիսյան ապրիստամբուլյան— քաղաքացիական կռիվներին դաշնակների ձեռքով Ղափանում, Զանգեզուրում գնդակահարված բոլշևիկների Բագրատ Հարությունյանի*, Մաշուրի և շատերի մասին, որոնք թշնամու դեմ-հանդիման, հավատարիմ բոլշևիկյան գաղափարներին, հերոսաբար մարտնչեցին և զոհվեցին Հայաստանի աշխատավորների ազատագրության մեծ գործի համար, ազատագրություն, որը հայ ժողովուրդը ձեռք բերեց Լենինի—Ստալինի ղեկավարությամբ, ռուս մեծ ժողովրդի եղբայրական օգնությամբ: Հունանը երախտագիտությամբ միշտ հիշում էր այս բոլորը, և դաստիարակվելով Լենինյան-Ստալինյան կոմերիտմիության շարքերում, օրըստօրե հասունանալով նա իր մեջ նյութում էր տոկուն լեռնցու սովետական մարտիկի հատկությունները: Ատելությամբ լցված դեպի հին կարգերն ու բոլոր շահագործողները, իր դասակարգային ինքնագիտակցությամբ նա պատրաստ էր կրծքով պաշտպանելու սովետական իշխանության բոլոր ձեռնարկումները, ջախջախել հակառակորդներին, ովքեր կհամարձակվեին ձեռք բարձրացնել ազատագրված բանվորների և գյուղացիների իշխանություն դնել:

Հունանը այդ ապացույցեց իր գործով, իր երիտասարդ կյանքով:

1929 թիվն է...

Սովետական աշխատավոր գյուղացիությունը բոլշևիկների պարտիայի ղեկավարությամբ մասսայաբար ոտք էր դրել գյուղատնտեսության կոլեկտիվացման ուղին:

* Հունանի ծննդավայր Ծավ գյուղի կոլեկտիվ տնտեսությունը կրում է Ղափանում զոհված բոլշևիկ Բ. Հարությունյանի անունը:

1929 թվականին կոլեկտիվ տնտեսություն է կազմակերպվում նաև Ծավ գյուղում: Կոմերիտական Հունան Ավետիսյանը առաջինների թվում իր հոր և եղբայրների հետ իրենց բազմանդամ ընտանիքով մտան կոլեկտիվ տնտեսությունը և սկսեցին նոր կյանք վարել:

1932 թ. Հունանը կանչվում է Սովետական Բանակի շարքերը: Երկու տարի նա ծառայում է հայկական հրաձիգ դիվիզիայի հեծյալ գնդում: Կարմիր Բանակը նրան, ինչպես և շատ շատերի համար, դպրոց դարձավ, նա ձեռք բերեց հաստատակամություն, գիտակցական բարձր կարգապահություն, զինվեց ռազմական և քաղաքական որոշ գիտելիքներով: 1935 թվականին Հունանը երբ քանակից տուն վերադարձավ, բոլորովին այլ մարդ էր դարձել: Գյուղում Հունանին նշանակեցին կոլխոզի բրիգադիր, որտեղ նա եռանդով ընդունելով աշխատանքը, երկու տարի սլատվով կատարեց այդ դործը, և մի քանի անգամ արժանացավ գովասանքների ու խորախուսանքների:

Հունանը լինելով կոլխոզի առաջավոր բրիգադիր, միաժամանակ ակտիվորեն մասնակցում է կոմերիտական-հասարակական աշխատանքներին: 1937 թ. հանձնում է «Եղիր սլատրաստ աշխատանքի և պաշտպանության» նորմաները, մասնակցում է հրաձգչին մրցումներին, որտեղ իր դիպուկ նշանառությամբ առաջին տեղը գրավելով, Պաշտպանության Կենտրոնական խորհրդի կողմից արժանանում է «Վորոշիլովյան հրաձիգ» կոչմանը, սլարգևատրվում է «ԵՊԱՊ»-ի և «Վորոշիլովյան հրաձիգ» կրծքանշաններով:*

Հունանը մեծ ձգտում ուներ նաև դեպի քաղաքական, գյուղատնտեսական գիտելիքները, կոլխոզշինարարության աշխատանքները: Գյուղի պարտկազմակերպությունը և կոլխոզի վարչությունը նրա մեջ տեսնելով այդ ձգտումները, իրենց հերթին ամեն կերպ աշխատում էին ընդառաջել նրան: 1938 թ. նոյեմբերից Հունանը գործուղվում է կուրսեր: Սրեք ամիս հաճախում է Գորիսի միջշրջանային կոլխոզ աշխատողների որակավորման դպրոցը: Դպրո-

* «Հրաձգչին գրքույկը» և կրծքանշանները սլավում են Հայկական ՍՍՌ Գիտությունների Ակադեմիայի Պատմության Ինստիտուտի Հայրենական պատերազմի պատմության կարելիստի արխիվում, Սովետական Միության Հերոս Հ. Ավետիսյանի դործում:

ցում գերազանց և լավ գնահատականներով սովորում է մի շարք առարկաներ՝ հայոց լեզու, մաթեմատիկա, ՍՍՌ Միության ժողովուրդների պատմություն, կոլեկտիվ տնտեսության Կանոնադրություն, Սովետական Սոցիալիստական Ռեսպուբլիկաների Միության Կոնստիտուցիա, ագրոտեխնիկա, զոոտեխնիկա և ուրիշները:

Դպրոցում յուրաքանչյուր դաս Հունանի համար մեծ ուրախություն էր պատճառում, որոնք նորանոր դիտելիքներ էին բաց անում նրա առջև: Լսողություն դարձած Հունանը համիշտակությամբ յուրացնում էր ուսուցիչների բերանից դուրս եկած ամեն մի խոսքը և ամեն մի միտքը: Հենց դասընթացումն էլ Հունանի մեջ բուռն ցանկություն է դարձնում բարձրագույն մասնագիտական կրթություն ստանալու մասին: Նա այդ մասին հետագայում հաճախ խորհրդակցում է ընկերների հետ, ծրագրեր է մշակում Երևանի գյուղատնտեսական ինստիտուտում սովորելու ուղղությամբ:

1939 թ. փետրվարի 2-ին Հունանը հաջող քննություններ տալով ավարտում է Գորիսի միջշրջանային կոլխոզ աշխատողների որակավորման լրիվ դասընթացը և ստանում է համապատասխան վկայական:

Սխտեմատիկ ուսումից զուրկ Հունանի համար այս մի մեծ նվաճում էր: Նա նոր լիցք ստացած վերադառնում է գյուղ, կոլեկտիվ տնտեսության մեջ աշխատելու:

1939 թ. մահանում է Հունանի հայրը, բայց Հունանը չի ընկճվում: Քրտնաջան աշխատանքով կոլխոզում նա ընտանիքի համար ստեղծում է ասլոուստի լավագույն պայմաններ, որդիական սիրով գուրգուրում և մխիթարում է իր վշտահար և բաղձաշարչար մորը:

Հայաստանում նոր կազմակերպված այգեգործական սովխոզների համար կոլխոզներից բանվորական ուժի հավաքագրում էր կատարվում: 1939 թ. Հունանը Ծավ գյուղից իր մի խումբ հայրենակիցների հետ միասին փոխադրվում է Հոկտեմբերյանի շրջանը, Միկոյանի անվան այգեգործական 3-րդ սովխոզը: 1941 թ. այնտեղ են փոխադրվում նաև Հունանի մյուս երկու եղբայրները, և բնակարան, աշխատանք ստանալով, հիմնավորվում են իրենց նոր բնակավայրում, որպես սովխոզի բանվորներ:

Սովխոզում Հունանը աշխատում է որպես դաշտավարական

բրիգադայի բրիգադիր: Իր ազնիվ ստախանովական աշխատանքով նա շուտով դառնում է առաջավորներից մեկը և մի քանի անգամ արժանանում է շրջանային թերթի գովասանքներին:

Հոկտեմբերյանի № 3 սովխոզի աշխատողները երախտագիտությամբ են նշում Հունանի աշխատանքները սովխոզում:

— Նա իր աշխատասիրությամբ վարակում էր ամենքին, ուժեր չէր խնայում, — ասում են նրանք, — որպեսզի շրջանում մեր սովխոզը լիներ բոլորից ունեւորը և առաջավորը: Շատ օրեր է պատահել, որ նա գիշերները դաշտից տուն չէր գալիս՝ այգիների ջրելը չընդհատելու, աշխատանքը կիսատ չթողնելու պատճառով:

Բայց ահա ընդհատվում է Հունանի խաղաղ աշխատանքը: 1941 թ. հունիսի 22-ին ուստադրժոբեն մեր երկրի վրա են հարձակվում գերմանա-ֆաշիստական զավթիչները — սկսվում է Սովետական Միության Հայրենական Մեծ պատերազմը:

Սովետական Հայրենիքը պաշտպանելու համար շատ-շատների հետ 1941 թ. օգոստոսի 4-ին բանակ է դնում նաև կոմերիտական Հունան Սվետլոսլանը: Հունանը նշանակվում է հայ ռազմիկներից բաղկացած հրաձգային № զորամասի ստորաբաժանումներից մեկում:

Սկզբնական շրջանում, քանի դեռ ստորաբաժանումը ռազմաճակատ չէր մեկնել, երբեմն-երբեմն տակտիկական պարապմունքներ էր անցկացնում 3-րդ սովխոզի շրջակայքի տերիտորիայում: Հունանին այդ մեծ ուրախություն էր պատճառում, մի կողմից՝ հենց այդ օրերին ծնված իր որդուն — Հենզելիկին տեսնելու, մյուս կողմից՝ նա առիթ էր ունենում հպարտության ղգացումով լի ցույց տալու ընկերներին սովխոզում իրենց ժրջան աշխատանքի արդյունքները, բարգավաճ այգիները, որոնց երիտասարդ ծառերը, խաղողի թփերը տնքում էին առատ բերքի ծանրության տակ:

Մայրը Բաբկեն Առաքելյանը որպես ականատեսի հիշելով Հունանի այդ օրերի մասին, հետևյալն է գրել՝

«Նրբ նա (Հունանը — Ն. Ն.) այդու մեջ կանգնած նայում էր խաղողի հասուն ողիւղիւղների մարդարտաշար հատիկներին, նրա սիրտը լցվում էր բերկրանքով և ինչ-որ ջերմ հուզմունքով: Այդ նա էր մշակում այդին իր հոգատար ձեռքերով: Պարզ, համեստ և

խոհեմ մարդ էր Հունանը: Ո՞վ կմտածեր, թի նա անջնջելի հիշատակ է թողնելու մեր ժողովրդի տարեգրության մեջ»:^{*}

Մանկությունից կոփված, շարքաշ Հունանի համար երթերն ու ռազմական վարժությունները բոլորովին ծանր չէին, մանավանդ որ նա դեռ 1932—1935 թվականներին ծառայել էր, ծանոթ էր զինվորական կարգ ու կանոնին: Բանակ մեկնելու առաջին իսկ օրերից մորը գրած նամակներում հիշեցնելով այդ մասին, հավատացնում է, որ այդ բոլորը «ինձ կոփեցին և սովորեցրին բանակում կանգ չառնել ոչ մի դժվարության առաջ: Մարտական երթի ժամանակ առաջինն եմ, հրաձգության մեջ հետ չեմ մնում ոչ ոքից, էնպես որ, մամա ջան, քաջ տղա ես բերել...»:^{**}

Այդ շրջանում համագյուղացիների միջոցով տեղեկանալով իր մեծ եղբոր կնոջ՝ Վարդուհու հարազատներից մեկի՝ Նավասարդի զոհվելու մասին, Վարդուհուն նոսմակ գրելով, հանդիսավոր կերպով խոսք է տալիս նրան, որ երբ մարտերի մեջ մտնի, Նավասարդին սպանող գաղաղած ֆաշիստներից անպայման բազմապատիկ վրեժ կլուծի:

1941—1942 թ. թ. մի ամբողջ տարի հայկական զորամասերից մեկի կազմում գտնվելով, կատարելագործելով իր ռազմական և քաղաքական գիտելիքները, ջոկի հրամանատար ավագ սերժանտ Հունան Ավետիսյանը 1942 թ. օգոստոսի սկզբներին իր մարտական ընկերների հետ միասին մասնակցեց Նրեանի լեռնի հրապարակում տեղի ունեցած հանդիսավոր երգմանը, որտեղ ռազմաճակատ մեկնող զորամասերն ընդունեցին կառավարության կողմից իրենց հանձնվող մարտական դրոշմ:

Ռազմաճակատ մեկնելու կապակցությամբ Հունանը իր հարազատներին գրած մի նամակում հայտնում է՝

«Մեկնում եմ ճակատ, գիտցած եղեք, որ ձեզ ամոթով չեմ թողնի... ես երգվեցի՝ պատվով ու սրբությամբ կատարել իմ պարտքս հայրենիքիս առաջ, պարտիայի և հայր Ստալինի առաջ»:^{***}

^{*} Հայկական ՍՍՌ Գիտությունների Ակադեմիայի Պատմության ինստիտուտի Հայրենական սլատերադմի պատմության կաբինետ (այսուհետև այս աղբյուրը կհիշատակվի կրճատ՝ ՀՊՊԿ), գործ Սովետական Միության Հերոս Հունան Ավետիսյանի:

^{**} «Լեռնիյան Դրոշ» հայերեն բանակային թերթ № 62, մայիսի 22, 1949 թ.:

^{***} Նույն տեղում:

1942 թ. օգոստոսի 7-ին Հոռնանը զորամասի հետ միասին մեկնեց Հյուսիսային Կովկասի ռազմաճակատը: Ռազմաճակատ էին մեկնել նաև նրա ավագ և կրտսեր բոլոր 4 եղբայրները:*

Ինչպես թիկունքում, ռազմական և քաղաքական պատրաստության մեջ, նույնպես և ռազմաճակատում մարտերի մեջ Հոռնանը օրինակելի և կարգապահ ռազմիկի համբավ ստացավ:

Կովկասի պաշտպանության լարված օրերն էին...

Հայերը, վրացիները, ադրբեջանցիները, Կովկասի բոլոր ժողովուրդները մի հոգի, մի շունչ դարձած իրենց ավագ եղբոր՝ ռուս մեծ ժողովրդի ղավակների հետ միասին պաշտպանում էին Կովկասի դարպասները:

Մարտերի մեջ էր գտնվում նաև կոմերիտական ավագ սերժանտ Հոռնան Ավետիսյանը: Խոհեմ և շրջահայաց հայրենասուները ամբողջապես ապրում էր իր երկրի վիշտը, ժամանակավոր անհաջողությունները, բայց չէր հուսահատվում, և մարտական հրացանից հարվածում էր թշնամուն:

Հոռնանը հասկանում էր, որ թշնամու ճանապարհը դեպի Ռաբոլ՝ դա նշանակում է նաև ճանապարհ դեպի Թբիլիսի, Երևան, հայրենի Մայլ դուռը, Հոկտեմբերյանը, իր հարազատները:

— Ոչ, այդ չի լինի. ընկեր Ստալինը այդ երեք չի թույլ տա... Սովետական Բանակը չի թողնի, մենք չպետք է թողնենք:

Սովետական Բանակը արյունահեղ մարտերում կանգնեցրեց թշնամու հուրդաններին, հյուծեց, արյունաքամ արեց նրանց:

Այդ օրերին Ռեբերի բնագծում մղվող կատաղի մարտերում մի շարք զորամասերի թվում գրոհային ակտիվ դործողություններ ծավալելով դեպի հաջողությունների հասավ նաև հայկական միավորումը:

Մարտերի մասնակից Հոռնանը հրճվանքի մեջ էր... այդ հաջողություններին զուգահեռ նաև Երևանից ռազմաճակատ եկած պատգամավորների այցը, որոնք ողբշնչող քաղցր լուրեր էին բերել սիրելի Հայաստանից, հարազատներից:

Ռազմաճակատի և թիկունքի կապը Հոռնանի և բոլոր մարտիկների մեջ անխախտ հավատ էր ներշնչում, որ իրոք իրենցից ամեն մեկի մեջքին կանգնած է բազմամիլիոն հզոր սովետական

* Նրանց վեցերորդ եղբայրը՝ Հայկազ Ավետիսյանը զոհվել էր 1939 թ. նոյեմբերի դեմ մղված կովում:

Ժողովուրդը՝ Սովետական Բանակի ամուր հենարանը, հաղթանակների այդ անսպառ աղբյուրը:

Մարտերի մեջ մտնելով՝ առաջին իսկ օրերից Հունանը իրար հետևից սիրալիր նամակներ էր ուղարկում տունը: Նրանց մեջ հաղթանակի անհողողող կամք արտահայտելով, սիրտ տալով մորը, կնոջը, հավատացնում էր, թե իրեն ոչինչ չի պատահի, և որ հաղթանակն անսպալման մերը կլինի:

«Շեշտում եմ,— գրում է Հունանը 1942 թ. օգոստոսի 19-ի թվակիր նամակում,— որ ինձ համար շատածեք, ես ուր ուզում աս լինեմ, լավ կլինեմ... հիմա ես դառնում եմ ֆրոնտում և աշխատում եմ դասակի հրամանատարի օդնական, հաղթանակը մերն է, շատածեք»:

Մի ուրիշ նամակում, 1943 թ. հոկտեմբերի 4-ին, հայտնում է. «Որեք անգամ դեացել եմ գրոհի» և անվնաս դուրս եմ եկել, «ինձ համար չեմ մտածում... ես կրակի տակ նամակ եմ գրում, որ դուք շատածեք»: Իր հերթին թախանձադին խնդրում է տանեցոց նամակներ գրել «եղբայրներիս և ձեր մասին»:

Մարտերը քանի դնում կատաղի և արյունահեղ բնույթ էին ընդունում, բայց Հունանի կամքը մաղաչալի անգամ չէր տատանվում, չէր ընկճվում նրա ոգին: Ռազմաճակատում նա մի խնդիր ուներ՝ ջախջախել թշնամուն, հաղթել և այդպես միայն տուն վերադառնալ: Անձնական շահերից բարձր դասելով հայրենիքի ազատության գործը, որ մեծ զոհեր էր պահանջում, ինքը և իր շուրս եղբայրները դրանից չպիտի խուսափեն,— այսպես էր դատում Հունանը:

Այդ մասին Հունանը իր մտքերը գեղեցիկ կերպով դրսևորել է մորը գրած մի շարք նամակներում: Մոր նամակի այն խոսքերին՝ թե իր բոլոր 5 որդիները բանակ գնալով իրեն թողել են մեռնակ, Հունանը որդիական սիրով և խոր ակնածանքով պատասխանում է.

«Մայրիկ ջան, ես գիտեմ, որ մենք 5 եղբայր ենք և քո որդիներն ենք, մեկս էլ քեզ մոտ չկանք, ոչինչ...»

* ՀՊՊԿ, գործ Սովետական Միության Հերոս Հունան Ավետիսյանի, փաստաթուղթ № 1273:

** Նույն տեղում:



Անմոռանալի մայրիկ ջան... չմտածես, որ մեզ տարել են բանակ, քանի որ միայն մենք չենք, մեզ պես են բոլորը, աշխարհքն է էդպես»։ Մխիթարելով մորը, խնդրում է վերջ տալ մտածմունքներին. ընտանիքը «հավաքիր քո շուրջը,— առում է Հունանը,— ապա, ի՞նչ պետք է անեք, որ լավ ապրեք... մայրիկ ջան, այդ խոսքը պետք է դու ասես, քանի որ քան զեկավարը դու ես»։*

Իսկ մոր այն հարցին, թե արդյոք ե՞րբ իր որդիները տուն պիտի վերադառնան, Հունանը դրա համար ուներ կարճ և լակոնական պատասխան՝ «Այս դաշան թշնամուն, այս շներին,— դրո՞ւմ է Հունանը 1942 թ. հոկտեմբերի 17-ին,— պետք է ոչնչացնենք, հետ շարտենք, նոր միայն առույզ վերադառնամ տուն»։**

1942 թ. դեկտեմբերի ամիսն էր... Հունանը այրվում էր մարտական որևէ ինքնուրույն առաջադրանք կատարելու ցանկությամբ։ Այդ մասին նա հաճախ խոսում էր իր մարտիկների հետ, դասակի հրամանատարի միջոցով հիշեցնում էր վաշտի հրամանատարին։ Սրանք էլ իրենց հերթին Հունանին ճանաչում էին իրոք որպես ճարպիկ, հնարագետ ռազմիկի, ծառայության կանոնները գիտցողի, որին կարելի էր և պետք էր առաջադրանք տալ։

Եվ ահա դեկտեմբերի սկզբներին ներկայանում է այդպիսի հարմար առիթ. հրամանատարությունը Հունանին հանձնարարում է մի խումբ մարտիկների հետ խորանալ թշնամու դասավորության մեջ, հետախուզել նրա գիրքերը, և այդ բոլորի մասին մանրամասն տեղեկություններ բերել միավորմանը, մեր հարձակվող զորամասերին։ Հունանը, որ այդ ժամանակ արդեն դասակի հրամանատարի օգնական էր, իր ընկերների հետ անցնում է մարտական խնդրի կատարմանը։ Մեկնելուց առաջ վաշտի հրամանատարի մոտ զնալով, նա խնդրում է.

— Ընկեր հրամանատար, դնում եմ մարտական առաջադրանք կատարելու, հավատացած եմ, որ հաջողությամբ հետ կդամ, բայց եթե, բան է, զոհվեցի, խնդրում եմ հայտնեցեք հարազատներիս, որ ես ընկա Հայրենիքի աղատության համար մղած մարտերում, հավատարիմ իմ երդմանը։

* Հ. Գ. Կ., դործ Սովետական Միության Հերոս Հունան Ավետիսյանի, փաստաթուղթ № 1281 և 1272։

** Նույն տեղում։

Գիշերը վրա հասնելուն պես Հունանը իր կտրիճներով ճամփա է ընկնում, թափանցում է թշնամու թիկունքը: Բայց չնայած ձեռք առած զգուշության բոլոր միջոցների, այնուամենայնիվ թրշնամին շուտով նկատում է մեր հետախուզներին, կտրելով նրանց վերադարձի ճանապարհը, շրջապատում է, տեղատարափ կրակի տակ վերցնելով նրանց, աշխատում է ոչնչացնել բոլորին: Բայց այդ չի հաջողվում թշնամուն:

Թշնամու թիկունքում մարտերով կատարած հետախուզությունը և շրջապատումից դուրս գալու սպաքարը տեսնում է մի քանի օր:

— Զոհվեց մեր Հունանը իր կտրիճներով, — մտածում էին ընկերները:

Անցնում է երեք օր... մարտերով ու դեպքերով լի ռազմաճակատային օրեր, բայց Հունանը և հետախուզները չկան ու չկան... Հրամանատարը խորը ափսոսանքով, կսկիծը սրտում ցավելով Հունանի և մարտիկների համար, միաժամանակ վստահ է լինում, որ նրանք անպայման կենդանի կվերադառնան: Չնայած սրան, Հունանի համազնդեցի մարտիկներից ոմանք, շտապելով, նամակներ են դրում գլուղը և հայտնում են, որ «Հունանը հավատարիմ դինվորական երդմանը, սոցիալիստական Հայրենիքի ազատության և անկախության համար մղվող մարտում հրամանատարության մարտական առաջադրանքը կատարելիս հերոսի մահով զոհվեց»:

Բայց Հունանը կենդանի էր. նույն այդ օրերին նա իր մարդկանց հետ, հիմնական զորամասերից կտրված, անընդհատ մարտեր մղելով շարժվում էր մի տեղից մյուսը, խուսափելով հակառակորդի մեծ ուժերին հանդիպելուց, հարվածներ հասցնելով՝ ամեն կերպ ձգտում էր ճեղքել թշնամու օղակումը:

Մի քանի օրվա համառ մարտերից հետո Հունանը իր մարտիկներին անլնաս դուրս է բերում թշնամու թիկունքից, հաջողվում է հետ շարտել, ճեղքել հակառակորդի առաջավոր գիծը և գիշերով հասնել պաշտպանության մեջ դառնվող իրենց զորամասերին: Գործողությունների ժամանակ աջ ոտքից և մեջքից վիրավորվելով, շարքից չի հեռանում, և ընդհանրապես մարտերի մեջ արտակարգ դիմացկունություն ու հմտություն հանդես բերելով, անձամբ ոչնչացնում է 25 հիտլերական:

1942 թ. դեկտեմբերի 17-ին և 19-ին նամակներ գրելով տուն, այդ մասին կնոջը հայտնում է հետևյալը՝

«Իմ թանկադին, սիրելի, անմոռանալի Բալասանում ջան, ես 5 ամիս է, որ գտնվում եմ Ֆրոնտում, բայց դեկտեմբեր ամսից վրաս կային վերքեր աջ ոտիս և մեջքիս, բայց արդեն լավանում ամ... ևս իմ ձեռքովս, իմ մարտական հրացանով ոչնչացրել եմ 25 ֆաշիստ, Բալասանում ջան, դեռ քիչ եմ ոչնչացրել. դեռ նպատակ ունեմ՝ որ վերքս լավանա, դնամ իմ սրտիս ռիսը հանեմ... դուք ինձ համար շմտածեք, ես ուր ուզում ամ լինեմ՝ լավ կլինեմ»։*

Հունանի պետերից գնդի հրամանատարի տեղակալ, անվանի ռազմիկ Մամիկոն Խաչանյանը,** որը գումարտակի և վաշտերի հրամանատարների հետ միասին ղեկավարում էր ստորաբաժանումների գրոհային գործողությունները, Հունանին և նրա դասակի մարտիկներին ճանաչում էր որպես գնդում աչքի ընկած խիզախների։ Խաչանյանը 1942 թ. դեկտեմբերի 14-ին իր գրած նամակներից մեկում ի միջի այլոց նկարագրում է դեկտեմբերի 6-ի գրոհները։ Այդ գործողությունների ընթացքում Հունանի խմբի՝ հակառակորդի թիկունք դուրս գալու, այնտեղից հիտլերականներին հարվածելու և հետ վերադառնալու մասին Խաչանյանը հիացմունք արտահայտելով, հետևյալն է գրում՝

«Ամսի վեցին (դեկտեմբերի— Ն. Ն.) ես մի քանի ստորաբաժանումներով հարձակման անցաւ։ Իմ թևային ստորաբաժանման մի խումբը ձեռնամարտի բռնվեց։ Մի քանի քաջարի բանակայիներ անցան (թիկունքից) օդնության և բավական հեռու կտրված տարածության վրա մի քանի անգամ գերազանցող հակառակորդին ետ շարտեցին ու իրենց ընկերներին ազատեցին։ Եթե դու լսեիր այդ գազանային ոռնոցները և տեսներ, թի սարի գազաթից ինչպե՞ս էին զլորվում այդ շուն ֆրիցները, ուղղակի կսարսափեիր... Այդ քաջարի բանակայիները հաղթանակով վերադարձան ինձ մոտ (խոսքը Հունանի խմբի մասին է, որ մի քանի օր մնացել էր ընդամու օղակի մեջ և գործում էր նրա թիկունքում— Ն. Ն.)։

* Հողի, գործ Սովետական Միության Հերոս Հ. Ավետիսյանի, փաստաթուղթ № 1272։

** Մ. Խաչանյանը հերոսաբար զոհվեց 1944 թ. հունվարի 28-ին Կերչում։

Դա չտեսնված հերոսություն է, որ կատարում են մեր քաջարի բանակայինները»։*

Հունանի և նրա ընկերների հաղթանակը և կենդանի վերադառնալը ուրախություն է պատճառում ամենքին։ Առաջին օրերին Հունանը սկսում է իր վերքերի բուժմամբ ղեպավել։ Այդ ժամանակաշրջանում նրա մոտ են գալիս ընկերները և հատկապես համագյուղացիները, որոնցից նա հիշում է Սամվելին, Սավադին** և ուրիշներին։ Ուրախության արցունքն աչքերին նրանք գրկախառնվելով համբուրվում են Հունանի հետ և սկսում են քաղցր ու անուշ զրույցի բռնվել։

— Հունա՛ն, երևի խեղճ մայրիկդ հիմա վատ երազներ տեսած կլինի,— ասում է Սամվելը։

— Էդ ինչ դնդակ պիտի լիներ, որ ինձ սպաներ,— կատակի տալով պատասխանում է Հունանը։ Ես ասել եմ, որ էլ ուզում արեմ, միշտ կենդանի դուրս կգամ։ Այ, դուք պիտի տեսներիք, թե ոնց իրար հետևից գյուլախորով անելով սարից ցած էինք գլորում ֆրիցներին։ Դե, դուք գիտեք որսկանի իմ գյուլի հունարը, իհարկե, մենք էլ շատ դժվար օրիք տեսանք. մեր գլխին դնդակների անձրև էր թափվում, բայց ինչպես տեսնում եք, ճեղքեցինք և կենդանի դուրս եկանք։

— Այ տղա,— խոսքը վրա բերելով ասում է Սավադը,— մոռացա ասել, որ քեզ սպանված համարելուց հետո, հրամանատարը ձեր տանեցոց վրա կարծեմ նամակ ա գրել և հայտնել է, որ դու զոհվել ես։

— Ի՞նչ,— երկարացնելով հարց է տալիս Հունանը։

Սավադը նույն բանը մանրամասն կրկնում է։ Հունանը իր սև և մեծ աչքերը չռած, հազար ու մի մտքի մեջ է ընկնում...

Նա մտածում է, թե հիմա ինչ սուղ ու շիվան սարքած կլինեն մայրը, կինը, հարազատները, իսկ ինքը բանից անտեղյակ, հանգիստ նստել ու ոչինչ չի գրում նրանց։ Այս խոսակցությունից անմիջապես հետո Հունանը գործի է անցնում։ «Անդրկովկասյան լեռնային բարեններ» ուղարկելով տանեցոց՝ «նամակ, թուր հասիր իմ յարիս»,— տենչանքով լի իրար հետևից մի քանի նամակներ է

* ՀՊՊԿ, գործ փոխ-գնդապետ Մ. Խաչանյանի, փաստաթուղթ № 4690։

** Սավադը զոհվել է Հայրենական Մեծ պատերազմում։

գրում, հայտնում է իր ողջ և առողջ լինելու մասին, պարզում է տեղի ունեցած թյուրիմացությունը:

«... Երբ որ դուրս ենք եկել ակրոժենու միջից, ես իմացել եմ, որ մեր հրամանատարներն ձեզ վրա թուղթ են ուղարկել, որ ես չկամ, բայց ես առողջ ազատվեցի գազալած շնորից»,* — գրում է Հունանը իր 1943 թ. փետրվարի նամակում, իսկ մի ուրիշ նամակում ավելի մանրամասն պատմելով այդ մասին, ասում է. «Մի կողմով ճեղքել դուրս ենք եկել, հետ ենք շարտել թշնամուն. վերալորված, հիվանդանոցում պառկած էի, իսկ հիմա առողջացել եմ և շատ լավ եմ»:**

Հիվանդանոցում կարճ ժամանակով բուժվելուց հետո Հունանը դարձյալ նետվում է ռազմաճակատ, մասնակցում է 1943 թվականի սկզբներին Կովկասի ազատագրման համար սկսված հարձակողական մարտերին և կատարում է նորանոր սխրագործություններ: Նա իսկական հերոս էր մարտի մեջ, վախ չուներ, այդ մասին ռազմաճակատային «Կարմիր Զինվոր» բանակային հայերեն թերթը գրում է՝ «Ավետիսյանը բազմիցս աչքի է ընկել խիզախ սրխագործությամբ»:***

Հունանը համարյա միշտ ուրախ տրամադրությամբ մեջ էր, իր անձնական օրինակով ոգևորում և սրտասնդում էր դասակի մարտիկներին և իր ընկերներին: Տխուր մոմենտներ էր ապրում նա այն ժամանակ, երբ ուշանում էին տանից սպասվող նամակները: Նա վառ հայրենասեր լինելով՝ միաժամանակ գործադուլ՝ հայր էր, սիրող ամուսին:

«Այս նամակը, որ ես գրում եմ, — գրում է Հունանը իր կնոջը, — դիտիս մըրայով գնում ա թնդանոթների արկերը և պայթում է իմ կողքին, բայց ես չեմ վախենում... կրակի տակ պառկած նամակ եմ գրում ձեզ, բայց դուք, որ ազատ ժամանակ ունեք, չեք ուզում որ նամակ գրեք»:****

Այս հանդիմանությունը արտահայտում էր Հունանի կարոտից այրվող սրտի սերը: Նա շատ էր սիրում իր ընտանիքը, երիտա-

* ՀՊՊԿ, գործ Սովետական Միության Հերոս Հ. Ավետիսյանի, փաստաթուղթ № 1264:

** Նույն տեղում, փաստաթուղթ № 1278:

*** «Կարմիր Զինվոր» № 91, սեպտեմբեր 1943 թ.:

**** ՀՊՊԿ, փաստաթուղթ № 1270:

սարդ կնոջը, նորածին երեխային, որին ինչպես հարկն էր չէր էլ գուրգուրել: Իր ամբողջ կարտուր նա դառնում էր տանից ստացած նամակների մեջ: Դարձյալ և դարձյալ հավատացնում էր, որ ռազմաճակատում իր հետ ոչինչ չի պատահի, միայն թե տանեցիք ժամանակին նամակներ գրեն, իր սիրտը հանգիստ պահեն: Մնացած ամեն բանը նորմալ կգնա, նա ավելի լավ կկուլի, և մարտի արհավիրքները նրա համար բոլորովին սարսափելի չեն:

Մարտի ծանր պայմաններում հաճախ մոռանալով իր մասին, կատարելով դինվորսական իր սյուրտքը, միաժամանակ մտահոգվում էր ընտանիքի տնդամ ամենամանր հոգսերով, հետաքրքրվում և հարցնում էր կնոջը. «կգրես, թե լուսամուտի շուշեք գցե՞լ ես, թե՞ չէ», հոգում էր, որ իր սիրած կինը, իր նորածին բալիկը վրա հասած ձմռան ցրտերին չմրսեն:



Ստալինգրադյան հաղթական մարտերի լուրը, Գերազույն Գլխավոր Հրամանատար ընկեր Ստալինի պլանով սովետական զորքերի կողմից շրջապատված ֆաշիստական բանակների ջախջախումը թևավորել էին Կովկասյան ռազմաճակատի զորքերին, որոնք 1943 թվականի սկզբին հարձակման անցնելով՝ սկսեցին դուրս վճռել օկուպանտներին հարազատ Կովկասից:

Գործող բանակի միավորումների թվում հարձակման անցավ նաև հայկական միավորումը: Հունվարի 3-ին դրոհով ազատագրեց Մալգոբեկ քաղաքը, անցավ Բերեք գետը և Հյուսիսային Կովկասում կրակակոխ հետապնդելով թշնամուն, մասնակցեց շատ քնակավայրերի ազատագրմանը: Այդ թվում 38 օր մարտեր մղելով Հյուսիսային Կովկասում, Կուբանի տերիտորիայում՝ կտրեց և անցավ ավելի քան 800 կիլոմետր տարածություն:

Թշնամուն ջախջախելը և հետապնդելը կատարվում էր ճահիճների, ցելսի ու խոնավության հաղթահարման, ձմեռվա ձյան ու ցրտաշունչ սառնամանիքների պայմաններում: Մարտերով շարժվող այս երթի մեջ մի ամբողջ շղթա է կազմում հայ մարտիկների սխրագործությունները:

Հունանը այդ մարտերում ավելի, քան նախորդ շրջանում, ցույց

տվեց իրենն որպէս լավագույն, դիմացիկուն ռազմիկի, կարգապահ, հոգատար կրտսեր հրամանատարի, որի դասակի ջոկերն ու մարտիկները ավանդարդում ընթանալով՝ սպառնում էին կատարում իրենց մարտական խնդիրը: Դասակի հրամանատարի տեղակալ լինելով, նա միաժամանակ ազիտատոր էր, իր ձեռքից բաց չէր թողնում բանակային «Լարմիր Զինվոր» թերթը: Շարունակ մարտիկների մեջ, խրամատներում գտնվելով՝ մասսայականացնում էր ընկեր Ստալինի հրամանները, ղեկուղումները, Սովետական Ինֆորմյուրոյի հաղորդումները, Ստալինգրադի և Հյուսիսային Կովկասի զորքերի հաջողութունները: Նա իր պարապմունքների նյութը հիմնականում կառուցում էր՝ «Երեկակոխ հետապնդենք գազանին: Ոչ մի հիտլերական կենդանի չպետք է գնա սովետական հողից»: «... Որքան ուժեղ հարվածենք թշնամուն, քանքան ավելի շուտ կմոտենա հաղթանակի ժամը»: Բանակային թերթում տպագրված նյութերի հիման վրա նա մատնացույց էր անում աչքի ընկած ռուս, վրացի, ադրբեջանական և հայ հերոսների խիզախութունները, փառաբանում էր նրանց, կոչ էր անում իր մարտիկներին նմանվել նրանց, բազմապատկել խիզախների թիվը:

Հունանի մարտական ընկերներից կրտսեր հրամանատար Ֆարմանյանը, հիշելով Հունանի հետ անցկացրած այդ օրերը, հետեւյալն է պատմում.

— 1943 թվականի հունվար ամսից ես ծանոթացա Հունան Ավետիսյանի հետ. նա շատ հայրենասեր մարդ էր, շատ էր ուրախանում, որ հայ մարտիկները լավ էին կռվում, և որ կան շատ հայ հերոսներ, գեներալներ. մեզ նա միշտ ասում էր. «մենք պետք է բարձր պահենք մեր հայ ժողովրդի անունը»:

Նա նրան շատ էի սիրում, քանի որ նա շատ ընկերասեր տղա էր, լավ ձայն ուներ և լավ էլ երգում էր: Ոչ մի դժվարութունից չէր վախենում, կռվում էր խիզախորեն: Նրան հատկապես շատ էին սիրում իր զինվորները, որովհետև նա սովորեցնում էր անվախ կռվել, ինքն էլ միշտ կենդանի օրինակ էր ծառայում նրանց համար:

... Լինում էին դեպքեր, երբ թեթև վիրավորվում էր ռումբի բեկորից, բայց երբեք չէր գնում սանիտարական մասը. երբ ասում էինք— Հունան, գնա բժշկի, նա մեզ պատասխանում էր.—



Սովետական Միության Հերոս Հռենոն Ավետիսյանի որդի Հենդիկիկը իր տատ՝ Սանուսի հետ

Ի՞նչ պետք է անեմ բժիշկը, թողնեմ մարտը և գնամ բժշկի՞: Հարձակումներից առաջ մարտիկներին միշտ հորդորում էր. «տղերք ջան, լավ կռվենք, շուտ հաղթանակ տանենք»:

1943 թ. փետրվարի 10-ին Կուբանի հարթավայրում Վերխնե-Պոդին և Նովո-Ջերելիեկա բնակավայրի մոտ վաղ լուսաբացին հայկական միավորումը ծանր և արյունահեղ մարտերի մեջ է ընկնում, ենթարկվում է դադանակալ թշնամու տանկային և հետևակային գերազանց ուժերի կատաղի հարձակմանը: Երթից կարճատև հանգըստի նստած մեր զորամասերը լուրջ փորձության օրեր ապրեցին, ճակատամարտը կրում էր դաժան և արյունահեղ բնույթ: Անցյալում նահանջի տխուր օրեր ապրած ռազմիկները, որոնք սրտատրոփ սպասում էին հարձակողական մարտերի այդ օրերին, ոչ մի կերպ չէին հանդուրժում ձեռքից բաց թողնել զրոհի և հաղթանակի նախաձեռնությունը: Գնդերի հրամանատարության, սպանների և մարտիկների անձնազոհ զործունեությամբ, հարևան զորամասերի օգնությամբ հաջողվում է հետ մղել թշնամու ուժերը, ճգմել և ապա ջախջախել նրանց:

Մարտի դաշտում շատ ռազմիկների թվում Հունանը իր մարտիկների հետ միասին ցույց տվեցին իսկական հերոսության օրինակներ: Ծանր փորձությունն ապրելով՝ նրանք կրակ էին կտրել, անդուսպ մղումով նետվում էին դեպի մարտը, նրանց բոլորի սրտերն այրվում էր վրեժխնդրության կրակով, մարտի դաշտում հերոսի մահով զոհված ընկերների արյան համար:

Այս մարտերից հետո առաջխաղաղով Ստեպանյա և Կուլբի-շեսկայա բնակավայրերի ուղղությամբ, միավորումը ռազմաճակատի հրամանատարության առաջադրանքով անցնում է հանգստի և վերապատրաստության: Միավորման նոր հրամանատար է նշանակվում Հայրենական պատերազմի բոցերում կռիված անվանի գրեհապետ Նովեր Սաֆարյանը:^{**} Նոր հրամանատարի ղեկավարությամբ — միավորումը պաշտպանության հատված է ընդունում Ազովի ծովի հյուսիս-արևելյան ափը: Սկզբից ևեթ հրամանատարությունը ձեռնամուխ է լինում ընկեր Ստալինի 1943 թ. փետրվարի 23-ին Սովետական Բանակի 25-րդ տարեդարձի առ-

* ՀՊՊՀ, Ֆարմանյանի սղագրությունից:

** 1943 թ. դեկտեմբերից գեներալ-մայոր:

Թիվ № 95 հրամանում առաջադրած խնդիրների կենսագործմանը՝ է՛լ ավելի բարձրացնել հրամանատարական անձնակազմի, զորամասերի ու ստորաբաժանումների կարգապահությանը, նրանց ռազմական արվեստը, զենքի տիրապետումը, որպես զրավական դավիթ նոր մարտերի հաջողության համար:

Միջին հրամանատարական կազմի հետ պարապել է սկսում ինքը պնդապետը իր օղնականների հետ միասին, իսկ կրտսեր հրամակալ՝ վերապատրաստվում է զորամասերում և ստորաբաժանումներում: Այս կարգով վաղ պարնանից միավորման մեջ ամենուրեք սկսում են եռալ վերապատրաստության աշխատանքները:

Հունանը լավագույն սերժանտների և կրտսեր հրամանատարների թվում, իր հմուտ աշխատանքով շուտով արժանանում է պենդապետ Սաֆարյանի և իր զորամասի հրամանատարների ուշադրությանը: Պարապելով իր վրա, միաժամանակ պասակի պարամունքներին համընթաց նա ձեռնամուխ է լինում անցած մարտական փորձի ուսումնասիրությանն ու մասնաշաղկապմանը: Նա ջանք չի խնայում բարձրացնելու իր մարտիկների զգոնությունը, ռազմական և քաղաքական մակարդակը, կատարելագործելու վարժատավորման, դիպուկ հրաձգության, հարձակման ժամանակ կուզե-կուզ վազելու, փորսող գնալու, տրանշեյը նետվելու և հակառակորդին սվինահար անելու ռազմական արվեստը:

Այդ բոլոր աշխատանքների ժամանակ Հունանը միշտ հագնելոված էր լինում կոկիկ, դինվորականին վայել կարգապահությանը: Մարտական պայմանները նրան չէին շեղում իր սովորությունից. կարգապահ էր, պահանջկոտ և բուռիս լայն իմաստով հոգատար հայր էր իր մարտիկների համար: Նրա մարտական քննիչներից միևնույն զորամասում ծառայած ռուս մեծ ժողովրդի զավակ կրտսեր հրամանատար Տկաչենկոն անմոռանալի հուշեր է պահել Հունանի մասին:

«Բանակ զորակոչվելով,— ասում է Տկաչենկոն,— ես գործուղվեցի այն զորամասը, որտեղ ծառայում էր Հունան Ավետիսյանը... Ի՞նչը ինձ դուր եկավ Հունանի բնավորության մեջ. նա հաստատակամ և կայուն հրամանատար էր, պահանջկոտ իր և իրեն ննթականների նկատմամբ, դիպուկ հրաձիգ, լավ գիտեր զին-

վորական կանոնները»։ Նույն զորամասից կապիտան Հրանտ Մադոյանը պատմում է. — Ձեռ (Հունանը — Ն. Խ.) խելոք տղա էր, կարգապահ և համեմատած իր կրթությանը քաղաքականապես պատրաստված։ Ազատ ժամերին բանակայիններին միշտ հավաքում և զրույց էր անցկացնում։ Երբ նոր բանակայիններ էին գալիս նրա մոտ, նրանց պատմում էր Մալիկոբեկի, Մոզդոկի տակ միավորման մղած մարտերի մասին և աշխատում էր այդ միջոցով նրանց դարձնել փորձառու մարտիկներ։ Ապա պատմում էր նրանց հետախուզության և գիշերային մարտերի մասին։ Նա ինքը հաճախակի գնում էր հետախուզության... Նրա համար հրամանատարի հրամանը՝ դա Հայրենիքի հրամանն էր։ Հունանը գիշերները 10—20 բռնի մեկ անգամ մտնում էր խրամատները և ստուգում մարտիկների մարտական վիճակը, չնայած ինքը դասակի հրամանատարի տեղակալ էր, բայց ավելի շատ էր զբաղվում իր դասակով։ Նա գիտեր, թե որ մարտիկի հետ ինչպես պիտի վարվի. օրինակ, եթե պատահում էր, որ մի մարտիկ կռվի ծանր մոմենտին միերքի ու Հասնելու պատճառով իր մոտ եղած պարենով չէր կշտանում, նա իր բաժնից տալիս էր նրան, որպեսզի քաղցած չմնա։ Չափազանց նվիրված հայրենասեր էր, ռիսկոտ, իր կարգապահ և օրինակելի աշխատանքով միշտ աչքի էր ընկնում»։*

Այդ օրերին՝ ռազմաճակատի հայ ռազմիկների կյանքում նրանց մարտական և քաղաքական պատրաստության կատարելագործման, լինամուն ապելու և հաղթելու գործում մեծ դեր խաղաց 1943 թ. փետրվարին «Պրավդայում» լույս տեսած «Հայ ժողովրդի նամակը»։ 1943 թ. մարտի 3-ին «Կարմիր Զինվորի» էջերում տպագրվեց և խրամատները հասավ ռազմաճակատի բոլոր հայ զինվորներին ու հրամանատարներին ուղղված հայ ժողովրդի այդ երևելի նամակը։ Նամակը ցնցող տպավորություն գործեց ամենքի՝ նրանց թվում և ավագ սերժանտ Հունան Ավետիսյանի վրա։ Զորամասերում և ստորաբաժանումներում կազմակերպված ժողովներում և հավաքույթներում ամենուրեք քննվում է նամակը, մշակվում են գործնական միջոցներ՝ հայ ժողովրդի նախաձեռնություններն կենսագործելու համար։ Արտահայտելով զնդապետ Սաֆարյանի միավորման ամբողջ անձնակազմի ցանկությունը, ելույթ

* ՀԳԳԿ, Տկաչենկոյի և կապիտան Հ. Մադոյանի սզադրույթուններին։

ունեցող հրամանատարներն ու մարտիկները միաբերան երգելում են.

— Ձեր վերագառնա տուն, մինչև շոշնացնենք վերջին հիսլերականներին:

Այս խոսքերը կարծեք Հունանի հոգու խորքերիցն էին բխում. նա այդ ասել էր ռազմաճակատ դալու առաջին իսկ օրերից, հարազատներին գրած իր բաղմաթիվ նամակներում:

Հայ ժողովրդի նամակը Հունանը պահում էր ծոցում, ամեն քայլափոխում նա հիշում էր մայր հայրենիքի նակաղը: Նրան թվում էր, որ անվերջ իր ականջի տակ նակաղի խոսքերն են շրջընջում իր մայր՝ խանումը, կինը, իր սիրելի որդին՝ Հենգելիկը, համադյուղացիները, ընկերները, որոնց նա խոսք տվեց պատվով կատարելու իր պարտքը Հայրենիքի հանդեպ՝ թշնամուհ հաղթած տուն վերագառնալ:

Հունանը իր հերթին հայ ժողովրդի նամակը հանգամանորեն մասսայականացնելով դասակում, հաճախ առանձնանալով կրկին ու կրկին մանրամասն ընթերցում էր նրա ընդարձակ տեքստը, ժողովրդի սրտի հուզվերով գրված, հոգի հրդեհող այդ խոսքերը՝

«... Ձեր կատարած սխրագործությունների յուրաքանչյուր լուրը, — կարդում էր Հունանը նամակում, — հրճվանքով է լցնում մեր սրտերը, ոգևորում է մեզ՝ անդուլ, անձնազոհ աշխատանքի: Մենք անխոնջ աշխատանքով դործարաններում, կոլխոզներում, սովխոզներում, գիտական լաբորատորիաներում օգնում ենք ռազմաճակատին՝ մոտեցնելու մեր արդար դործի հաղթանակի ժամը: Մեր մեծ առաջնորդ և սիրելի ղորավար ընկեր Ստալինը 1942 թվականի նոյեմբերի 7-ի իր պատմական հրամանում ասաց. «Հեռու չէ այն օրը, երբ թշնամին կիմանա Կարմիր Բանակի նոր հարվածների ուժը»:

Այդ օրը հասավ: Հյուսիսում, Լենինգրադի մոտ, Դոնբասում, Ադովի և Սև ծովերի ափին Սովետական Բանակը հզոր հարվածներ է հասցնում հիտլերյան ավազակներին:

Մենք հպարտանում ենք, որ հարձակվող Սովետական Բանակի շարքերում կռվում ենք նաև դուք, մեր ժողովրդի հավատարիմ զավակներդ:

... Հազարամյակներ շարունակ իր սուրը պատյան չի դրել մեր ժողովուրդը: Նա հաղթահարել է շատ տառապանքներ, մինչև

որ հասել է այն երջանկությանը, որ սովետական իշխանությունն է բերել նրան...

Հայ մարտիկներ.

Ատեցե՛ք թշնամուն ձեր հոգու ամբողջ ուժով: Թող այդ ատե-լությունը ձեր կրծքերը դարձնի պողպատակուտ զրահ, ձեր բա-զուկներին տա անսպառ կարողություն:

Ոչնչացրե՛ք ֆաշիստական ոհմակը:

Ամեն մի ընտանիք լուր է սպասում, թե քանի՞ ֆաշիստ է ոչնչացրել իր տանից գնացած մարտիկը...

Հազարավոր հայ մարտիկներ իրենց հերոսությամբ բարձր են պահում իրենց ժողովրդի պատիվը, հայ ռազմիկի պատիվը: Այդ-պիսի անմահ հերոսների գործերն է գովել հայ ժողովուրդը իր մեծ բանաստեղծ Հովհաննես Թումանյանի խոսքերով.—

«Գործն է անմահ, լա՛վ իմացեք,

Որ խոսվում է դարեդար,

Երնե՛կ նրան, ով իր գործով

Կապրի անվերջ, անդադար»:

Սովետական Հայրենիքի քաջարի պաշտպաններ.

Մեր Հայրենիքը հզոր է սովետական ժողովուրդների ստալի-նյան բարեկամությամբ: Մեր ավազ եղբայր ռուս մեծ ժողովրդի գլխավորությամբ մարտնչեցեք թշնամու դեմ, մեր եղբայրական ժողովուրդների զավակների հետ կողք-կողքի, ձեռք-ձեռքի տը-ված: Ամրապնդեցեք ռազմաճակատում անխախտ բարեկամու-թյունն ու եղբայրությունը:

... Սրբորեն, ժամանակին կատարեցեք ձեր հրամանատար-ների ու պետերի հրամանները:

... Հանուն Սովետական Հայրենիքի, հանուն մայր Հայաստա-նի, հանուն մեր Ստալինի մի՛ վսնայեք ձեր կյանքը, հարվածեցե՛ք թշնամուն մինչև վերջին կաթիլ արյունը»:

Հունանը ավարտելով այս թևավոր խոսքերը, երկար-երկար մտածում էր գալիք մարտերի մեջ իր կատարելիք սխրագործու-թյունների, հարազատ ժողովրդի հրամանի կատարման մասին:

Նակաղի մեջ թիկունքի հերոսական աշխատանքի մասին ար-ձանագրված փաստերի տպավորության տակ, Հունանը իր նամակ-

ներում բարձր գնահատելով գյուղում ինտենսիվ աշխատանքի անցած հարազատներին, քաջալերելով նրանց, ասում է՝

«Գիտեմ, որ դու արդեն աշխատում ես, — դրում է նա իր կնոջը 1943 թ. մայիսի 11-ի նամակում, — հոգնած գալիս ես աշխատանքից, երեխան քեզ նեղույթուն ա տալիս... բայց ոչինչ, պատերազմ ա, պետք է ամեն դժվարություն քաշես։ Ես ֆրոնտում ամեն դժվարություն քաշել եմ... շուտով պատերազմը կվերջանա, հաղթանակը մերն ա, հենց որ մենք (խոսքը իր և եղբայրների մասին է — Յ. Խ.) դանք տուն, ձեզ միանգամայն կթեթևանանք։

Ես քեզ և մայրիկին արձակուրդ կտամ... Բայց որ հիմա մարդ չկա՝ դուք լավ աշխատեք, տունը լավ պահեք, երեխաներին լավ պահեք»։*

Ինչպես կտեսնենք, Հայրենիքին անհունորեն նվիրված Հունաներ սրբությունք կատարեց ժողովրդի այս նախալը։ Նրա հայրենասիրական նվիրական հատկությունները խտացրած գույներով և հուղիչ սխրագործություններով առավել ևս հանդես եկան ֆաշիստական զավթիչներից մեր սրբազան հողը մաքրելու համար մղված հետադա հերոսամարտերում, որի համար նա իր մարտիկների հետ օրուգիշեր պատրաստվում էր։

1943 թ. մայիսին ստորաբաժանումների և ամբողջ մարտիկների ուշադրության կենտրոնում էր գտնվում Գերագույն Դիտավոր Հրամանատար ընկեր Ստալինի մայիսմեկյան № 195 հրամանը 1942—1943 թվականների ձմեռային կամպանիայի արդյունքները մասին, կամպանիայի, որի ընթացքում Սովետական Բանակը լուրջ պարտության մատնեց հիտլերյան բանակին, ոչնչացրեց մեծ թվով նրա տեխնիկան ու կենդանի ուժը և զերի վերցրեց ավելի քան 300.000 զինվոր ու սպա։ Հրամանում ընդգծում է ֆաշիստական լադերի ձգնաժամը, Սովետական Միության ուժերի և Սովետական Բանակի հարվածների օրըստօրե աճող թափը։ Հրամանը նախքան բանակային թերթերում տպագրվելը, Հունանը և իր ընկերները առաջին անգամ դեղի ռադիոընդունիչի մոտ լսում են հրամանի՝ եղրափակիչ այն խոսքերը, ուր ընկեր Ստալինը ասում է. «Թշնամին արդեն ճանաչեց մեր զորքերի ջախջախիչ հարվածի

* Հղղի, գործ՝ Սովետական Միության Հերոս Հ. Ավետիսյանի, փառաթուղթ № 1263։

ուժը: Մոտենում է այն ժամանակը, երբ Կարմիր Բանակը... կր-
փշրի ֆաշիստական դադանի ողնաշարը»^{*} Առաջնորդի հրամանի
այս խոսքերը ուրախության և անսահման հպարտության զգաց-
մունքով լցրեցին Հունանի սիրտը:

«Ռադիոհաղորդումը լսելուց հետո,— ասում է Հունանի մար-
տական ընկերներից սերժանտ Կարապետ Մաթևոսյանը,— Հունա-
նը մեզ ասաց.— Եկեք, տղերք, լավ կռվենք, պատվով ու հաղթա-
նակով վերադառնանք տուն: Այդ զորույցից հետո մենք հեռացանք
հաղթանակի հավատը մեր սրտերում պահած»:^{**}

1943 թ. օգոստոսին տեղի է ունենում միավորման զորամասե-
րի ստորաբաժանումների վերապատրաստության արդյունքների
ստուգումը: Գնդապետ Սաֆարյանի հրամանատարությամբ գործող
զորամասը բանակում գրավում է առաջին տեղերից մեկը:

— Շնորհավորում եմ, դնդապետ: Միավորումը այժմ ամուր
ոտքերի վրա է կանգնած,— ասում է ռազմաճակատի հրամանա-
տար, բանակի դեներալ Պետրովը, որ մեծ հոգատարությամբ հետե-
վում էր նախապատրաստությունների աշխատանքներին և անձամբ
ստուգել էր ռազմա-քաղաքական ուսուցման արդյունքները:

Այդ արդյունքի մեջ իրենց արժանի բաժինն ունեին միավոր-
ման միջին և կրտսեր բոլոր հրամանատարները, իր համեստ բա-
ժինն ուներ նաև դասակի հրամանատարի տեղակալ ավագ սեր-
ժանտ Հունան Ավետիսյանը:

— Տղե՛րք, ջանս եռ է դալիս, սրտանց կարոտել եմ թե՛
մարտերի,— ասում էր Հունանը իր մարտիկների հետ զրուցե-
լիս,— էս անգամ էնպես դաս պիտի տամ ֆրիցներին, որ երբեք
չմոռանան: Բանակայինները համամիտ իրենց հրամանատարի
հետ, նրան հիշեցնում են հրաձգության, խրամատավորման, տակ-
տիկական և քաղաքական պատրաստության իրենց կատարելա-
գործման մասին, միաբերան պատրաստակամություն են հայտնում
նոր մարտերի մեջ մտնելու համար:

Շատ շուտով կատարվում է Հունանի և հայ ռազմիկների իղ-
ձը: Օգոստոսի վերջերից ռազմաճակատի հրամանատարության ա-

^{*} Ի. Վ. Ստալին «Սովետական Միության Հայրենական Մեծ պա-
տերազմի մասին», Հայպետհրատ, 1946 թ., էջ 114:

^{**} ՀԳՊԿ, ավագ լեյտենանտ Կ. Մաթևոսյանի սղազրույթունը:

ռաջադրանքով հայկական միավորումը մտնելով № բանակի կազմի մեջ, որի հրամանատարն էր վրաց ժողովրդի անվեհեր զավակ դեներալ-լեյտենանտ Լեսելիձեն,* պաշտպանության նոր հատված է դրավում Նովորոսիյսկի քաղաքից հյուսիս-արևելք ընկնող անտառապատ լեռների շրջանում, գերմանական «կասպուլստ դիծ» կոչված ամրությունների դիմաց:

Սկսվում են Նովորոսիյսկի և Բաման թերակղզու ազատագրման արյունահեղ մարտերը:

Գրամարտակներին և նրա ստորաբաժանումներին խնդիր է տրվում՝ ակտիվ կրակ վարել և հետախուզական մարտեր մղել գլխավորապես Դուդայա լեռան և Սախարնայա Գոլովկա կոչված բարձունքների ուղղությամբ, հայտնաբերել թշնամու ուժերը, կրակահետքերի դասավորությունը, ամրությունների սիստեմը, աստիճանաբար ոչնչացնել դրանք, պատրաստ լինել ընդհանուր հարձակման համար՝ վճռական հարվածով գրավելու Դուդայա լեռը և Սախարնայա Գոլովկայի բարձունքները, որոնք համարվում էին Սևծովյան կարևոր նավահանգիստ Նովորոսիյսկի քաղաքի բանալիները: Հունանը իր դասակով պաշտպանության բնագիծ է ընդունում անտառապատ լեռների մոտ, որոնք իրենց անմատչելիությամբ և ճանապարհադրկությամբ շատ նման էին Ղափանի և Լոռվա շրջադ անտառապատ լեռներին: Այստեղ լեռների անտառների հետ միասին առկա էր նաև դեղածիծաղ Սև ծովի զովաշունչ քամին, որը շոյում էր Հունանի և հայ ռազմիկների արևակիզ, բրոնզի դուշն ստացած առնական դեմքերը:

—Հունան, հա՛մ արա, տե՛ս, խաղող էլ կա այստեղ,— ասում էին քանակայինները, տեղական կիսահաս խաղողից բաժին հանելով նրան: Անսովոր համ ստանալով խաղողից, Հունանը ընկերներին ասում է.

* Լեսելիձե Կոստանդին Նիկոլայեվիչը Հայրենական Մեծ պատերազմի տոաջին իսկ օրերից, որպես № բանակի հրետանու հրամանատար, մասնակցեց մեր Հայրենիքի անկախության և սովետական համար մղած մարտերին: Նրա ղեկավարած միավորումները հաղթական մարտեր մղեցին Բլաշսկի անտառներում, Մոսկովայի մատույցներում, Հյուսիսային Կովկասում և Ուկրաինայի ազատագրման համար:

Լեսելիձեն գնդապետի կոչումից հասավ գեներալ-գնդապետի ղինվորապետի ճանի, բանակի հրամանատարի պաշտոնին: Մարտական պոստում մահացավ 1944 թ. հունվարի 18-ին:

— Է՛հ, ուրիշ բան է մեր սովխողի խաղողը. տղերք, մի քիչ էլ համբերեք, պատերազմը կվերջանա, տուն կգնանք, ես ձեզ հյուր կկանչեմ Հոկտեմբերյան. այ, էն ժամանակ կտեսնեք, թե ի՞նչ խաղող կուտացնեմ ձեզ, խաղող, որի համը բերաններիցդ չգնա:

Արդեն աշնան սկիզբն էր... բաղմբերանգ գունեքով դարդարվում էին նովորոսիյսկի և Կուբանի անտառները: Լեռնաշխարհի զավակները Հայաստանի բնությունը հիշեցնող հարազատ միջավայրում դտնվելով շատ ուրախ էին: Պաշտպանության մեջ նրանք հարմար առիթներին թշնամու աչքից հեռու անտառի ապահով բացատում երբեմն ուրախ ժամանցներ էին կազմակերպում: Լսում էին բանակային ինքնագործ խմբակի ելույթները, կովկասյան թառի և քյամանչայի հուղալի մեկողիաների ձայնակցությունը երգում կամ աշխույժ եղանակներով սլարում և ուրախանում էին, հիշելով սիրելի Հայաստանը, հարազատներին...

Հունանը իրենց ստորաբաժանման մեջ այդ ուրախությունների հոգին էր, ձեռնարկողն ու կազմակերպիչներից մեկը:

Ռազմաճակատային զինվորական թերթերի լիցենզիաները հաճախ էին լինում գործող բանակի ստորաբաժանումներում, անձամբ շփման մեջ էին առաջավոր դժի ռազմիկների հետ: Նրանցից մեկը Դոլգայա լեռան ստորոտում պաշտպանության մեջ դտնվող Հունանի և նրա մարտիկների այդ ուրախ ժամանցների մասին Անդրկովկասի ռազմաճակատային «Բանվորագյուղացիական Կարմիր Բանակի Մարտիկ» բանակային թերթում տպագրած «Դյուցազներ» վերնագիրը կրող օչերկի մեջ այսպես է նկարագրում.

— Տղերք, ծափ տվեք. էլի՛, էլի՛, ամենի՛ ուժեղ:

Եվ ծափերն ուժեղանում էին իր՝ պարողի պահանջով: Աշնանային երեկոյան, անտառային բացատում, բանակայինները շրջապատել էին թեթևաշարժ և ձկուն պարողին: Թվում էր, թե այդ ամրակազմ, թիկնեղ ու մկտնուտ ռազմիկը չի կարող այդպիսի արագ ու թեթև շարժումներ կատարել: Սակայն նա վարպետ ու ջլուտ պարողի նման ծալում էր ոտները, համարյա կաշում գետնին, ապա վայրկենապես վեր թռչում, հողմապտույտ տալիս: Քրտինքը կաթիլ առ կաթիլ ծորում էր նրա լայն դեմքից, և թոխ աչքերը վառվում էին երջանկությամբ:

— Հունան ջա՛ն, քեզ մատաղ, քո հոգուն մատաղ,— լսվում էին խրախուսանքի փաղաքշող ձայներ:

Ու շարժումներն ավելի էին արագանում, հասնելով անտեսանելիության:

— Ինչքան կենսուրախ տղա է Հունանը: Եվ դեռ ինչքան կենսուրախ եղած կլիներ նա խաղաղ պայմաններում, իր հայրենի օջախում, — մտածում էին ռադիկները: Ու նոր մարտիկներ էին ասպարեզ դալիս պարելու:

Այդ ժամանակ Հունանը քաշվում էր պարողների միջից, նրստում աշնանաթափ տերևների վրա, հանգստանում ու երազում:

— Ձէ, հեռու չեն խաղաղ ու երջանիկ օրերը, հեռու չեն...

Մթնշաղն իջնում էր լեռների ու հովիտների վրա: Ու Հունանի լայն կրծքից բխում էին ժողովրդական մելոդիայի թովիչ հրնշյունները: Նրա խրոխտ ու առնական ձայնը դառնում էր մեղմ ու հուզական, և թվում էր, թե անտառային խաղաղ երեկոն լցվում էր Հայրենիքի բույրով ու երանգով: Հեռվում արծադանքում էին թովիչ հրգի հնչյունները.

Աղբյուր, աղբյուր, ջան աղբյուր,

Ջուրդ գլգլան աղբյուր...

Եվ մարտիկների երեակայության առաջ կարկաչում էին հայրենի լեռների զուլալ աղբյուրները: Փոքրիկ բացատն ընդարձակվում էր նրանց աչքին: Մարդիկ անտառի դեղնավուն ու կապույտ հորիզոնի վրա տեսնում էին իրենց հայրենի կապտամշուշ լեռնաշխարհը, փիրուղյա Սեանը, սպիտակափառ Մասիս հսկան, հայրենի սիրառատ ու խաղաղ օջախները և լսում հանդից վերադարձող կոմերի բառաշը...»:

Սեպտեմբերին Թամանյան դերմանական պլացդարմի դեմ սկսվում է մեր զորքերի հարձակումը: Հարձակման է անցնում նաև հայկական միավորումը: Դուրգալս լեռան ամբողջունների ուղղությամբ գրոհող զորամասի մեջ էին գործում Հունան Ավետիսյանի դասակը, նրա անվեհեր մարտիկները: Հարձակվողների համար աննպաստ էին պայմանները, որովհետև անտառապատ սեպածե բարձունքները, որոնք խլվել էին ալիքաձև լեռնաշղթայի մեջ, գտնվում էին թշնամու ձեռքին և տեղանքի վրա իշխող դիրքեր էին

* «ԲԳԿԲ Մարտիկ» (Անդրկովկասյան ռադիսակառի բանակային հայերեն թերթ) № 13, փետրվարի 17, 1944 թ.:

տվել նրան: Բշնամին պատրաստել էր երկար ժամանակվա խոր էջելոնացված պաշտպանական բնագիծ՝ հենակետերով և դիմադրովյան հանդուցներով, հագեցված կրակային ուժեղ միջոցներով: Պաշտպանության այդ «կապույտ գիծը» անխոցելի դարձնելու համար նա բնական դիրքին ավելացրել էր խորը փորված տրանշեյներ, մի քանի մետր առաջ պատրաստել էր ականապատված դաշտեր՝ պաշտպանված փշալարերի խիտ ցանցապատ շղթայով, իսկ դրանց հաջորդում էին հսկա ծառերից պատրաստված հակահետևակային արգելակներ:

Դերմանացիները այդ գիծը համարում էին անառիկ, որովհետև ամրություններին հասնելու համար նախ պետք էր հաղթահարել շատ արգելանքներ. բացի այդ, դեպի ամրություններն ընկած տարածության յուրաքանչյուր մետրը ստուգված և խաչաձև կրակի տակ էր առնված:

Մեկ տարի անընդհատ կատաղի մարտեր էին մղվել այդ բարձունքներում: Չնայած թշնամու նպաստավոր դիրքին, բազմաթիվ համառ գրոհներին, սովետական մարտիկները նրանց թույլ չէին տվել առաջ շարժվելու:

Հայկական զորամասերը եկան փոխարինելու երկար ժամանակ կատաղի մարտերի մեջ գտնվող հին զորամասերին, որոնց հրամանատարներից էր մարտերում աչքի ընկած փոխ-գնդապետ Բլբուլյանը:՝ Վերջինս հանձնելով պաշտպանության գիծը հայկական ստորաբաժանումներին և ուրախացած հալ ռազմիկներով, որոնց մեջ էր նաև Հունանը, վստահ իրեն փոխարինողների քաջությունը, ասում է՝

— Ձե՛ղ տեսնեմ, իմ հայրենակիցներ, բարձր պահեցե՛ք հայկ պատիվն ու նամուսը, սրբություն՝ կատարեցե՛ք ձեր պարտքը Հայրենիքի հանդեպ»:՝

— Ոչ միայն կպահենք ձեր պաշտպանած դիրքերը, այլ շուտով կլսեք, ընկեր փոխ-գնդապետ, որ ամրություններից քշել ենք էդ զազաններին և բարձունքը մերը կլինի,— միաբերան պատասխանեցին Հունանի բանակայինները:

* Բլբուլյանը հերոսի մահով գոհվեց 1944 թ. Լեհաստանի ազատագրման համար Սովետական Բանակի մղած համառ մարտերում:

** Ս. Նալբանդյան—«Հայ թամանյիներ», Հայկական ՍՍՌ-ԳԱ հրատա-քակչություն, Երևան, 1947 թ., էջ 41—42:

Դուրսացա լեռան գրավման հարձակումները կատարվում էին ներքևից, փոքրիկ գրոհային խմբերով:

Հունանը իր դասակով ամբողջապես գործում էր այդ տակտիկայով: Հակառակորդի ղեկի բոլոր տեսակների մրրկային կրակի տակ լեռների որդիները՝ լուռացի, սասունցի, զանգեզուրցի, զարաքաղցի նրա մարտիկները, որոնք սովոր էին թևաշարժ մագլցել քարափները, իջնել անդնդախոր ծմակները, գրոհային խմբեր կազմած, ավտոմատներով և նռնակներով զինված, թևերից մոտենում էին թշնամուն, կամ դուրս էին դալիս նրա թիկունքը և պայթեցնում ամրությունները:

Այդ մարտերը, որոնք հաճախ փոխվում էին ձևափոխությունների, տեղի էին ունենում թե՛ ցերեկ և թե՛ գիշեր: Գիշերային ժամերին առաջավոր դիրքեր վրա շարունակ կախված էր լինում թշնամու լուսատու հրթիռները, որովհետև սարսափի մեջ գտնվող թշնամին բարձունքներում անգամ իրեն ասպհով չէր զգում, ճգնում էր ամեն միջոցներով պահպանել իր դիրքերը, կանխել սովետական մարտիկների իրար հետևից կրկնվող անակնկալ և համարձակ գրոհները:

Հունանի մարտական ընկերները հիացմունքով են հիշում Հունանի հետ անցկացրած այդ օրերը.

«Նա ինձ սովորեցնում էր հաղթահարել բոլոր դժվարությունները, և երբեք չընկճվել»,* — ասում է Տկաչենկոն, և ապա պատմելով դասակի հրամանատարի տեղակալ Հունանի հետ կապված մի էպիզոդի մասին, իր անձնական հուշերում հետևյալն է գրում.

«Հիշում եմ մարտական հրամանատարի հետ մեր միասին անցկացրած մեկ երեկոյի մասին: «Լեզու» քերելու հրաման ստանալով, Հունանը զինվորներին ասում էր՝

— Հիշեցեք մեր պայմանը, դործել առանց պղմունկի, վստահ, անվրեպ: Փոքրագին, վախկոտը թշնամու թիկունքում ոչինչ չունի անելու, ինքը կզոհվի և ընկերներին էլ վտանգի կենթարկի:

— Պարզ է, ընկեր ավագ սերժանտ, հրամանդ կկատարենք, ֆրիցին քաշ տալով կբերենք, — պատասխանեցին զինվորները:

Զինվորները իրենց խոսքը կատարեցին, առավոտյան մոտա-

* «Լենինյան Դրոշ» № 62, մայիսի 22, 1949 թ.:

վորասպետ ժամի 8-ին նրանք վերադարձան, բերելով գերի վերցրած զերմանացուն»։*

Մարտերի լարված մոմենտներին անգամ Հունանը չէր մոռանում զինվորական և կոմերիտական իր պարտքը։ Հենց խրամատներում հարմար առիթ գտնելով զրույցներ էր անցկացնում մարտիկների հետ։

Սեպտեմբերի ամբողջ առաջին կեսը նրա ազդեցություն աշխատանքների հիմնական նյութն էր կազմում Սովետական Բանակի հաղթական հարձակումների և Ալեքսանդր Մատրոսովի մասին Պաշտպանության Ժողովրդական Կոմիսար ընկեր Ստալինի հրամանի բարձրաձայն ընթերցումն ու մասսայականացումը։ Սրանց հետ մեկտեղ Հունանի ուշադրությունից չէր վրիպում հրամանատարներին և ազդեցատուրներին վերաբերող՝ պարտիայի և Սովետական կառավարության ղեկավարների ասած ամեն մի խոսքը։

«Յուրաքանչյուր ժողովուրդ ունի իր ազգային հերոսները, թող դրանք ավելի շատանան,— կարդում է Հունանը սեպտեմբերի 9-ի «Կարմիր Զինվոր» թերթում տպած Մ. Ի. Կալինինի՝ ազդեցատուրների հետ ունեցած զրույցից մեջ քերած այս տողերը,— պատերազմ է գնում և նա, ինչպես հայտնի է, ծնում է հերոսներ։ Ձեր աշխատանքով դաստիարակեցեք համարձակ, քաջարի զինվորներ»։**

Հունանը ազդեցատուրի իր համեստ ուժերով բանակային թերթի էջերում տպագրված այս թեմաների շուրջը մարտիկների համար զրույցներ կազմակերպելով, օրինակներ է բերում մարտերում աչքի ընկած Սովետական Միության հերոսների, իրենց միավորման խիղախների մասին. դրա հետ մեկտեղ նա «հաճախ հիշում էր, թե հայերը հնում ինչպիսի հերոսություններ են արել, ինչպես են կռվել օտար բռնակալների դեմ և քաղաքացիական կռիւների ժամանակ,— ասում է Հունանի մարտական ընկերներից ավագ լեյտենանտ Մաթևոսյանը,— և իր զրույցը վերջացնում էր այսպես՝ որ հարկավոր է մենք էլ կռվենք մեր նախնիների նման»։***

* ՀՊՊԿ, Տկաչենկոյի հուշերը։

** «Կարմիր Զինվոր» թերթ № 81, սեպտեմբերի 9, 1943 թ.։

*** ՀՊՊԿ, գործ Ն. Ավետիսյանի, ավագ լեյտենանտ Կարապետ Մաթևոսյանի սղագրությունը։

Հունանը ոչ միայն հայրենասեր և քաջակորույժ ռազմիկ էր, այլ նաև հմուտ կրտսեր հրամանատար: Նա դիտեր, որ հաղթանակը ինքն իրեն չի դա, նրան պետք է նվաճել, իսկ նրա նվաճելը նշանակում էր նախապատրաստել, նախապայմաններ ստեղծել, ժամանակին հոգալ մարտիկների մասին, նրանց զենքի ու հանդերձանքի մասին և այլն: «Հունանը,— շարունակում է ավագ լեյտենանտ Մաթևոսյանը,— մինչև հարձակման անցնելը, ստուգում էր իր մարտիկների հագուստը, հանդերձանքը, նրանց զենքի ու զինամթերքի վիճակը և այն ամենը, թե արդյո՞ք զինվորները պատրաստ են մարտի: Նթի պատահում էր, որ մի զինվոր ճաշ չէր կերել, կամ թե հրացանն անպետք էր, անմիջապես զեկուցում էր իր դասակի հրամանատարին: Այսպիսի հարցերը կարգավորելուց հետո նոր իր մարտիկներին տանում էր մարտի:

... Հունան Ավետիսյանի հրամանը օրենք էր. բոլոր մարտիկները լսում և կատարում էին նրա բոլոր հրամանները»:՝* Այդ էր պատճառը, որ հենց Հունանին շատ էին սիրում իրենց գնդի, գումարտակի, ինչպես նաև վաշտի հրամանատարները: Նրան որպես քաջ և առաջավոր զինվորի անձամբ գիտեր և որդիական խնամք էր տանում նրա մասին միավորման հրամանատարը՝ գնդապետ Նվեր Սաֆարյանը: «Հունանը սիրում էր ռազմական գործը,— գրում է Ն. Սաֆարյանը,— անձամբ ղեկավարում էր թշնամու հետախուզություններ, մշտական ղգաստ, սրբություններ նվիրված դեպի մեր մեծ Հայրենիքը, համբելություններ հաղթահարում էր պատերազմի բոլոր դժվարությունները... որպես կրտսեր հրամանատար անձամբ ղեկավարում էր դասակի մարտական պատրաստություններ... պատրաստ էր լուծելու ամենագլխավոր մարտական խնդիրը»:՝*

Սաֆարյանը առաջավոր գծում մի քանի անգամ անձամբ եղել է Հունանի մոտ, խրամատներում, սրտադին զրույց է ունեցել առաջին վաշտի հրամանատար Վարդան Զուրաբյանի, նրա 1-ին դասակի հրամանատարի տեղակալ Հունան Ավետիսյանի ու նրանց մարտիկների հետ: Միավորման հրամանատարի հանդես բերած հոգատարությունը միշտ էլ մարտիկներին և հրամանատարներին ոգեշնչում էր հերոսական սխրագործությունների:

* ՀՊՊԿ, գործ Հ. Ավետիսյանի, ավագ լեյտենանտ Կ. Մաթևոսյանի սղագրությունը:

** ՀՊՊԿ, գործ գեներալ-մայոր Ն. Սաֆարյանի:

Դուրաջա լեռան «կապույտ գիծը» ճեղքելու հարձակումից երեք օր առաջ, երբ հարձակման համար նախապատրաստություններ էին տեսնվում զորամասերում, Սաֆարյանը դարձյալ այդպիսի մի հանդիպում է ունենում Հունանի հետ, նրանից, որպես հրամուտ ռազմիկի, տեղեկություն է վերցնում: Այդ մասին Սաֆարյանը հետևյալն է գրում. «Նրբ ես սեպտեմբերի 16-ի գրոհից առաջ շրջում էի ստորաբաժանումները, մոտենալով ամենակարևոր նշանակություն ունեցող Դուրաջա բարձունքի հյուսիսային լանջի պաշտպանության գծին, որտեղ թշնամին ուներ ավելի ուժեղ ամրություններ, հարցրի վաշտի հրամանատարին, թե ո՞ր գրոհային խումբն է գործելու այս ուղղությամբ, նա պատասխանեց. «ամենաուժեղ գրոհային խումբը, դասակի հրամանատարի տեղակալ ավագ սերժանտ Ավետիսյանի ղեկավարությամբ», և նրան ներկայացրեց ինձ, դա Ավետիսյան Հունանն էր... նա ինձ վրա բացառիկ տպավորություն թողեց. նա շատ լավ էր իմանում թշնամու դասավորությունը և իր մարտական բոլոր խնդիրները»:

Հանդիպման ներկա գտնվող կապիտան Հայկազ Մադոյանը իր հուշերի մեջ շեշտելով Սաֆարյանի և Հունանի միջև տեղի ունեցած այս հանդիպման մասին, հայտնում է նրանց խոսակցության հետևյալ մանրամասնությունները՝

— Ընկեր ավագ սերժանտ,— դիմելով Հունանին ասում է նվեր Սաֆարյանը:

— Լսում եմ, ընկեր ղեկավար,— պատասխանում է Հունանը, և վայելուչ ու ձգված հոստիով ուղիղ կանգնում է միավորման հրամանատարի առաջ:

— Ասացեք տեսնեմ,— շարունակում է Սաֆարյանը,— թրշնամու ի՞նչպիսի կրակային կետեր կան ձեր դիմաց, որոնք կարող են իսնգարել դասակի առաջխաղացումը դեպի այս բարձունքի գրավման ճանապարհին:

— Թշնամին մեզնից շատ մոտ է,— պատասխանում է Հունանը,— մենք արդեն համարյա գիտենք գործող կրակակետերի տեղերը, բայց նրանց անձնակազմի բազմամարդությունը նկատի ունենալով մենք կարծում ենք, որ թշնամին ունի այնպիսի կրակակետեր, որոնք դեռ մեզ ցույց չի տվել: Լավ կլիներ, ընկեր ղեկա-

* ՀՊՊԿ, գործ գեներալ-մայոր Ն. Սաֆարյանի:

սկետ, թույլ տալիք, որ ես իմ դասակով էլի մի քանի մարտական հետախուզություններ կատարեմ. խոսք եմ տալիս կորուստներ չունենալ և անալոյժման սլարդել նրանց բոլորի տեղերը:

— Ի՞նչ եք կարծում, ընկեր ավագ սերժանտ, հարձակման ժամանակ ձեր դասակը կարո՞ղ է իր խնդիրը կատարել: Ժամանակի տեսակետից ձեզ համար հարձակումը ե՞րբ է հարմար կատարել, գիշե՞րը, թե՞ ցերեկը:

— Ընկեր գեղապետ, մեր դասակի բանակայինների տրամադրությունը շատ բարձր է, խոսք եմ տալիս, որ մենք մեր առաջադրանքը կկատարենք լիովին: Նթե ուզում եք իմանալ, — քաշվելով ասում է Հունանը, — բանակայինները ձանձրացած են զգում իրենց, որ արդեն 15 օր է կանգնած են այս բնագծում, բացի մի քոր գործողություններից, հրաման չի լինում առաջ շարժվելու: Մենք շատ լավ ուսումնասիրել ենք մեր դիմաց կանգնած հակառակորդի դիրմորենքին, խիստ վախկոտներ են, մեր սնայակները, իհարկե, հանգիստ չեն տալիս նրանց, հենց որ խրամատից գլուխ են բարձրացնում, գլորում ենք, ֆրիցները վախից այնպես կոմիկական շարժումներ են անում, որ մենք բոլորս թուլանում ենք ծիծաղելուց:

Մարտիկները զսպված ծիծաղով գլխի շարժումներով հաստատում են Հունանի պատմածը: — Ի՞նչ վերաբերում է հարձակման ժամանակին, ընկեր գեղապետ, մեզ համար հարմար է առավոտյան լույսը բացվելուց առաջ, — ասում է Հունանը:

Սաֆարյանը հաշվի առնելով մարտական խնդրի կատարման դժվարությունը, առաջադրանքը դնում է գումարտակի վրա, որի հրամանատարն էր հրիտասարդ կապիտան Միշա Մուրադյանը, այն գումարտակի, որի շարքերումն էր գործում ավագ սերժանտ Հունան Ավետիսյանի դասակը:*

Առաջավոր դժում, ընթացիկ դիրքերից այդքան մոտիկ տարածության վրա միավորման հրամանատարի հետ ունեցած ջերմ հանդիպման համար անշափ գոհ էին մարտիկները, Հունանը: Արիստիտ հրամանատարը, որ այցելում և մանրամասն ղննում էր փրամատները, ստուգում էր բանակայինների զգեստները, կենցաղը, դիտում ընթացիկ դիրքերը, սովորեցնում էր մարտիկներին քիչ կո-

* Այս խոսակցության մանրամասնությունները տես ՀԳԳԿ, կապիտան Հ. Մադոյանի սղադրությունում:

ըրևատով, հմտորեն և անվրեպ կռիվելու արվեստը, խորը սիրո և եղախտագիտության զգացմունքով էր լցնում բանակայինների սրտերը:

Այդ ամբողջ ժամանակամիջոցում Հունանը զրուցում և շտապ միջոցներ էր ձեռք առնում պահպանելու սիրելի հրամանատարի կյանքը, չլինի թե թշնամու սնայակերը հանկարծ նկատի նրան խրամատում: Բանակայիները անձնվիրաբար աշխատում էին իրենց մարմնով ծածկել գնդապետին, պատրաստ էին իրենց վրա ընդունելու սնայակերի արձակած դիզակը: Սաֆարյանը նկատելով այդ, ժպտում է:

— Բալիկներս, ինձ ոչինչ չի պատահի, մի անհանգստացեք, ձեր գործին մտիկ տվեք, — ասում է նա, անցնելով խրամատի երկայնքով, Հունանի բանակայիների սեղմ, կողք-կողքի կանգնած, պատնեշ կապած շարքի առջևից:

— Ընկեր գնդապետ, ձեր կյանքը շատ թանկ է մեզ համար, — ասում է Հունանը, — հայրենիքը, ղինվորական պարտքը պահանջում են մեզնից պահպանել մեր հրամանատարների կյանքը:

Քշախոս հրամանատարը չպատասխանելով Հունանին, հուզված և գոհ սրտով հեռանում է դասակի սաշտպանության վայրից:

1943 թ. սեպտեմբերի 10-ին Թամանյան պլացդարմի ամբողջ ճակատով սկսվում է հարձակման նախապատրաստությունը:

Մի քանի օր շարունակ սաշտպանության գծով մեկ ուղիով են սովետական բոլոր տրամաշափի հրանոթները, գվարդիական ականանետները, գնդացիները, որոնք քարուքանդ են անում ֆաշիստական ամրությունները, նրանց բլինդաժներն ու ԴՂՕՏ-երը, սաշտպանության «կապույտ գծի» հանգույցները:

Գործողության մեջ են մտնում սակրավորները և հետևակը: Դուզայա լեռան քարձուռներն է գրոհում գումարտակի և վաշտերի ստորաբաժանումների հետ նաև Հունանի դասակը իր ջոկերով: Հարձակման գործողությունները ղեկավարում է գնդի հրամանատարի տեղակալ մայոր Մամիկոն խաչանյանը: Նա անվախ և աներկյուղ միշտ նետվում էր ամենավտանգավոր տեղերը և իր անձնական օրինակով ապահովում մարտի հաջողությունը:

— Ապրես Հունան, թող հալալ լինի քեզ մորդ կաթը, այ, այդպես, սակրավորները կտրեցին փշալարը, նրանց հետևից առաջ

խցկվիր, մի վախենա, ժամանակ մի՝ տուր թշնամուն ուշքի գալու, օգտվիր հրետանու ուժեղ կրակից, — ասում է խաչանյանը, տեսնելով Հունանի ջոկերի հաջող դործողությունները:

Թշնամին սկզբում խարդախություններ լուծում է, բայց երբ մեր հետևակը առաջ է շարժվում, սկսում է մրրկային կրակ տեղալ բոլոր տեսակի զենքերից: Վառուդի ծուխը, հողի փոշին բռնում են սար ու ձորը, մարտերը չթուլացույ տեմպով շարունակվում էին նաև գիշերները, թշնամու պարաշյուտավոր հրթիռները գիշերային մեծ կանթեղների պես կախվում են երկնակամարից, ցերեկվա նման լուսավորում են մարտադաշտը, շրջակայքը: Հրետանային համադարկը ծիածան է կապում երկնքում: Մեծ տրամաչափի արկերը մոնշալով ընկնում, խրվում էին երկրի կուրծքը, ահավոր ուժով պայթում, ավերում, տակնուվրա են անում ամեն ինչ: Մեկը մյուսի հետևից շառաչունով դետին են գլորվում դարավոր կադնիները. մերթ ալստեղ, մերթ ալստեղ անտառային հրդեհներ են բռնկվում, որոնք տևում են շաբաթներ:

Այդ աղմուկի, հրդեհների հրաշեկ բոցերի մեջ թունավոր օձերի պես շվացող գնդակների տարափի տակ գրոհում են Հունանի մարտիկները:

— Տղերք, ձեր հոգուն մատաղ, ամոթով չանեք մեր ժողովրդին: Իմացեք, մեզ են նայում հրամանատարները, մեր ուս ընկերները, որոնց համար անհաղթելի արդելք չկա, դժվարություն չկա, դնում են հա՛ դնում... մենք էլ պետք է նմանվենք նրանց, — ասում է Հունանը և առաջ տանում իր մարտիկներին թշնամու գնդացիների խիստ խանդավոր խաչաձև կրակի տակով:

Նրա դասակը շարժվում էր ուղիղ այն ԴՁՕՏ-ի ուղղությամբ, որը դեռ մի քանի օր առաջ գնդի հրամանատար Կարապետյանը խրամատները դալով՝ վաշտի հրամանատար Վարդանյանին և 1-ին դասակի հրամանատարի տեղակալ Հունան Ավետիսյանին մատնացույց էր արել դրավելու, որպես բարձունքին տիրապետելու առաջնահերթ խնդիր:

«Տեղում ցույց տվեցի վաշտի հրամանատար Վարդանյան Զուրաբին, որտեղ ներկա էր նաև Հունան Ավետիսյանը, — ասում է գնդի հրամանատար Ե. Կարապետյանը, — որ այդ բարձունքի ԴՁՕՏ-ը պետք է անպայման վերցնել: Հունանը խոսք տվեց, որ

ինքն իր վրա է վերցնում այդ ԴՁՈՏ-ի դրավման առաջադրանքը»։*
Հրամանի համաձայն գրոհումը նշանակված էր սեպտեմբերի 16-ին,
առավոտյան ժամը 7-ին։ Սեպտեմբերի 15-ի գիշերը Ավետիսյանի
դասակի ջոկերից մեկը արդեն ընդհուպ մոտենում է այդ ցույց
տված ԴՁՈՏ-ին։

Իր վրա վերցնելով ԴՁՈՏ-ի դրավման ղեկավարությունը,
Հունանը սեպտեմբերի 15-ին դասակի հրամանատարի հետ միա-
սին վաշտի հրամանատարի գետնափորը մտնելով, գործնական և
չերմ խոսակցություն է ունենում, պայմանավորվում են գրոհային
հատուկ խմբակ կազմելու մասին։

— Հունան, խառնեցիր հաշիվները,— կատակին տալով ա-
սում է դասակի հրամանատարը,— ես որոշել էի գրոհային խմբի
հրամանատար առաջադրել Գաբրիելին։

— Չեմ առարկում, ընկեր դասակի հրամանատար, Գաբրիելը
իզիթ տղա է, սուրը բերանը տանես, չի վախենա, բայց որ ինձ է
բաժին ընկել գրոհելու բախտը, երկուսիցդ էլ խնդրում եմ, թույլ
տվեք, որ ես ինքս էլ ջոկեմ գրոհային խմբի անդամներին, գործը
հաջող գնալու համար։

— Թող այդ էլ քո ցանկությունք էլինի, Հունան,— տեղի է
տալիս վաշտի հրամանատարը,— անմիջապես գործի անցիր, ժա-
մանակը կարճ է,— և ապա մի քանի խոսքով ամրություններին
մոտենալու կանոնները բացատրելով, ճամփու է դնում նրանց։

Նա այժմ այրվում էր մեկ ցանկությունք— հաղթահարել
դժվարությունները, կատարել իր հայրենասիրական պարտքը, հե-
րոսանալ իր ժողովրդի, իր հայրենիքի Սովետական Բանակի առաջ,
ցույց տալ իրեն տրված առաջադրանքը կատարելու հմտությունը։

Վերադառնալով իրենց ստորաբաժանումը, Հունանը դասակի
հրամանատարի հետ անցնում են խրամատները, որտեղ արթուն և
զգաստ բանակայինները մարտնչում էին իրենց դիրքերում։ Փոք-
րիկ ստուգումից հետո, նրանք բլինդաժը մտնելով սկսեցին պատ-
րաստվել գիշերային մարտական գործողությանը։ Մոմենտը խոր-
հրդավոր էր...

— Հունան ջան, մենք վերջին հանգստից հետո միասին ար-
դեն 23 օր է, որ պատվով մարտերի ենք տարել մեր դասակը, ֆա-

* ԶԳԳ, ղնդապետ Ե. Կարապետյանի սղագրությունից։

շիստական օձերից հարազատ Կուբանի հողը աղատագրելով՝ այսօրվա օրը եկել հասել ենք էս սարին, մյուս դորամասերի հետ միասին նաև մեր փոքրիկ դասակի վաղվա գրոհի հաջողությունից է կախված Կովկասի համար մեր մղած մարտերի ավարտումը։ Թեև եղել էր այստեղ ղոհվելու էլ լինենք, մենք պետք է կատարենք առաջադրանքը, — ասում է դասակի հրամանատար Ալինյանը և մտադրալ ծխում, քուլա-քուլա ծովսը բաց է թողնում բերանից։

— Ընկեր դասակի հրամանատար...

— Չէ, Հունան, հի այս մի քանի բոլակներ քանդում եմ քո անունով կոչենք, — ընդհատում է խոսակցությունը դասակի հրամանատարը։

— Ալին* ջան, բարձունքը կգրավենք։ Չգիտեմ ինչպես ասեմ, որ հասկանաս, էդ լեռը ինձ մագնիսի նման դեպի իրեն է քաշում։ Խոսք եմ առնում, մահացու կերպով էլ որ վիրավորվեմ, շարքից դուրս չեմ դա, մինչև որ չոչնչացնեմ մեր դասակի ուղղությունը։ Դործող թշնամու ԴՕՏ-երն ու ԴՁՕՏ-երը, — պատասխանում է Հունանը։

— Հունան, տանից նոր նամակ ունե՞ս, ի՞նչ են գրում ձերոնք։

— Անցյալ օրը մորիցս նամակ ստացա, ինչպես երևում է, ձագերը կորցրած թռչունի նման թևաթափ է եղել խեղճ մայրս, անհամբեր սպասում է պատերազմի ավարտմանը, իր 5 որդիների ռազմաճակատից տուն վերադառնալուն։ Դրում է բալիկիս, Հենդելիկիս մասին, որ մեծացել և շատ է նմանվել ինձ, մեր բոլորիս կարոտը նրանից է առնում։

— Մայրը ուրիշ բան է, Հունան։ Մենք շատ ենք պարտական նրանց, — ասում է լեյտենանտ Ալինյանը և մի փոքր մտածելուց հետո ընկերոջը դառնալով ասում է։

— Հունան, շատ եմ խնդրում, թե սիրում ես ինձ, մի կամաց ձայնով Զիվանու «Մայրիկը» երգիր, սիրտս էնպես է կարոտել մորս, որ էլ չսսած...

Դասակի հրամանատարը իր այդ ցանկությունը կարծես Հունանի սրտիցը խոսեց։ Հունանը կկոցելով իր սև և մեծ աչքերը, նստած տեղում հարմարվելով, սկսում է կամաց և քաղցր ձայնով երգել, մի երգ, որը նա շատ էր սիրում և շատ անգամներ էր երգել ընկերների համար։

* Ալինյան։

... Ինձ համար հոյակապ կազմդ ես մաշել,
Հրճվել, ուրախացել, վրաս ես աշել,
Մինչև մեծանալս ինչե՛ր ես քաշել,
Մնացել ես անքուն, անդադար մայրիկ,
անդադար մայրիկ...

Սրտահույզ երգի խոսքերը լսանում էին հրաձգություն ուժեղ կրակոցների աղմուկից: Իսկ Հունանը երգում էր ու մտքով թռել էր դեպի տուն... դեպի հարազատները...

— Ապրես, Հունան, ձայնդ տնսպառ, քաղցր է մայրենի երգը, մեր հարազատները, մեր սովնտական Հայրենիքը, այո, արժե մեռնել նրանց համար,— ասում է դասակի հրամանատարը, նայելով իր երգը ավարտած Հունանին, որը դեռ ալեկոծվում էր երգի հույզերով:

— Այո, արժե մեռնել էլ, ապրել էլ,— վրա է բերում Հունանը և ավելացնում.— ընկեր Սչինյան, երեկ ես դիմում գրեցի պարտիայի շարքերն սոցնեկու համար, խնդրում եմ, եթե սպանվեցի, ինձ համարեցեք պարտիայի անդամ:

Դասակի հրամանատարը հուզված վեր է կենում, գրկախառնվում է Հունանի հետ, և նրանք ամուր-ամուր համբուրվում են բաժանման մոմենտին, դա Հունանի հետ նրա վերջին հանդիպումն էր:

Դասակի հրամանատարի հետ կարգի բերելով ջոկերը, որոշելով նրանց շարժման ուղղությունը, կոնկրետ խնդիրները, Հունանը գրոհային խմբի գլուխն անցած, գիշերով դասակի առաջն ընկած շարժվում է դեպի Դուգայա լեռան ամրությունները:

Ամբողջ սեպտեմբեր ամիսը հրաշալի արևոտ և պարզ կա եղանակ էր՝ արել: Բայց գրոհի նախօրյակին, դեպի ամրությունները մերձենալու գիշերը ուժեղ անձրև էր եկել: Անձրևային այդ խավար գիշերը անձայն ու անշշուկ Դուգայա լեռան գերմանական ամրությունների վրա են շարժվում Հունանի մարտիկները:

Նրանց թուրի առջևից, ավտոմատը ձեռքին և նռնակներով բեռնված, քայլում էր գրոհային խմբի հրամանատարը՝ ավագ սերժանտ Հունան Ավետիսյանը,— գրում է ռազմաճակատային թերթը վերևում նշված «Դյուցազն» օջերկում, նկարագրելով Հունանի գրոհային խմբի 1943 թվի սեպտեմբերի 15-ի գիշերվա գոր-

ծողովյունը,— նրան անմիջապես հետևում էին պարթևահասակ, թիկնեղ, սև ու խոշոր աչքերով մի երիտասարդ, Հուլա սեգ լեռնաշխարհի զավակ Վասիլ Սաքանյանը, ձեռքի գնդացրորդ Ջաֆարաբեկյի Մերուն Գրիգորյանը, ալափարսցի Գրիգորը, զափանցի սնայակեր Հրանտը, եղովանցի Սարգիսը, եղվարդցի Նահապետը, զազախեցի Հայկազը, Զավենը, Սիանոսը, Հաբեթը և ուրիշները:

Արդեն նրանք առաջացել էին սարն ի վեր, երբ կարմիր, կապույտ, դեղնավուն ու կանաչավուն հրթիռներ արձակվեցին երկնակամարի խավար օվկիանոսի մեջ և լուսավորեցին ռազմադաշտը:

Հունանն անմիջապես մեխվեց դեմոնին: Նրա օրինակին հետևվեցին Վասիլը, Մերունը, գրոհային խմբի բոլոր անդամները: Ըստ երևույթին, թշնամին նկատել էր ստվերների շարժումները: ԴՕՏ-երից և ԴԶՕՏ-երից դերմանական հաստոցավոր ու ձեռքի գնդացիրներն սկսեցին սանրել այն տեղամասը, որտեղ գրոհային խմբի մարտիկներն էին պառկել:

— Տղերք, շատ եմ խնդրում՝ վիրավորվելու դեպքում ձայն ու ծալտուն չհանել, թե չէ կմատնվենք բոլորս,— մարտիկներին նախազգուշացնում էր հրամանատարը:

Հունանը, օգտվելով հրթիռների մարելուց, մի ըոսյե ստուգեց մարտիկների վիճակը: 15 ըոսյե տևող կատաղի գնդակոծությունը ոչ մի վնաս չէր պատճառել:

Հրամանատարը ոտքի բարձրացավ, նրա հետևից Սաքանյանը, Գրիգորյանը, Գևորգյանը և ուրիշները: Նրանք կարճ թռիչքներով և հաճախ սողալով առաջանում էին սարն ի վեր: Խավարի միջով նրանց ուղղվյալը դեռ ճարճատում էին գերմանական գնդացիրներն ու ավտոմատային կրակահերթերը: Տեղացող անձրևից լայրժուն դարձած զառիթափից հետո էին սահում մարտիկները:

Նրբ նրանք գիշերային խավարում անցնելով ականապատված դաշտերի միջով, արդեն մոտեցել էին հակառակորդի փշալարերի առաջին գծին, նորից երկինք սուրացին բազմերանգ հրթիռները, նորից կախվեցին գունավոր կանթեղները՝ լուսավորելով ռազմադաշտը: Գրոհայիններն անմիջապես պառկեցին լեռան թեք լան-

ջին, թաց գետնի վրա: Գնդակները սուլում էին նրանց գլխավերևից, սակայն տեղանքի թեքությունը պահպանում էր մարտիկներին:

Լուսադեմը մոտենում էր...

... Առավոտյան եղանակը պարզվեց: Սպիտակ մեզը կծկվեց սարի լանջերով ու հավվեց կապույտ օդի մեջ: Աշնանային արևը ողողեց ծովը, լեռներն ու անտառները, և հաճելի ջերմությամբ տաքացրեց Հունանին ու նրա կտրիճներին: Այդ անդորրության մեջ, հեռվից հատվեանտ լսվում էին փոխհրաձգության ձայներ և հեռաձիգ հրետանու համաչափ որոտներ: Արդեն սովորական դարձած այդ հրաձգությունը կարծես չէին լսում մարտիկները: Նրանք մեջքների վրա պառկած՝ դիտում էին մանուշակ երկնակամարը և ամփոփվում իրենց մտքերի մեջ:

— Սիրտս ուզում է երգել, Վասիլ, — շշնջաց Հունանը, դիտելով Վասիլի հսկա իրանը:

Վասիլը չպատասխանեց: Նա լուռ էր, մտորումների մեջ:

Հունանը մեղմորեն շարունակեց:

— Է, բարեկամ, շատ մի տխրի. ես էլ կին ունեմ, ես էլ բալիկ ունեմ, որը հիմա, մի գուցե, մոր գրկում «պապա, պապա, արի» է թոթովում: Ես էլ հարազատներ ունեմ, որոնք սպասում են իմ դարձին. բայց լսիր: Իմ ծննդավայր Ղափանում կա մի բարձր սար: Խուստուփ է կոչվում այդ սարը: Ալեհեր հերս ինձ միշտ ասում էր. «Մարդը, որ աշխարհ է եկել, սրտով պետք է բարձր լինի մեք այս Խուստուփի կատարի նման, ապրի ու մեռնի նամուսով: Զինվորի առաջին նամուսը՝ զենքն է: Որ զենքը ձեռքդ վերցրիր, այն նամուսով գործածիր... կյանքդ մի խնայիր ժողովրդի համար»:

Հունանը մի պահ լռեց: Վասիլը հուզված մտածում էր.

— Ինչպես ընկերը կոհանք իր մտքերն ու զգացումները և ինչքան իր սրտին մոտ էր խոսում նա:

— Վասիլ, — հաստատ տոնով շարունակեց Հունանը, — ես ժողովրդի սրբազան այդ պատգամը կկատարեմ թեկուզ իմ կյանքի գնով:

— Տուր ձեռքդ, Հունան քան, — հանկարծ պոռթկաց Վասիլը և ամուր սեղմեց ընկերոջ ձեռքը:

Սև սաթի նման վառվում էին նրա խոշոր, թուխ աչքերը:

Ասկա նա շփոթված շարունակեց.

— Ինչ ասեմ, Հունան ջան: Ամենանեղ մոմենտին իմացիր, որ ես քո թիկունքումն եմ կանգնած...

Հուզմունքից մշուշվել էին երկու ընկերների աչքերը:

— Միայն մի ցանկություն, ջերմ ցանկություն ունեմ, Հունան,— մրմնջում էր Վասիլը,— մենք իրար հետ ընկերացանք դաժան պայմաններում, անձրևի, ձյան ու բուքի մեջ, վառոդի ու արյան մեջ: Մենք եղբայրացանք զինվորական շինելների մեջ: Ու ես համոզվեցի, որ դու աղիզ տղա ես, կյանքի տղա: Հենց այստեղ էլ արի խոսք տուր, որ պատերազմից հետո կապրենք միասին Ստեփանավանում, մեր կողում...

— Կապրենք, Վասիլ...»:

Վաղ լուսաբացին Հունանը իր բանակայինների հետ միասին անտառապատ վայրերից աննկատելի դուրս գալով, հասնում է քարքարոտ ու լերկ Դոլգայա լեռան լանջերին, թշնամուց շատ մոտիկ, բայց նրա տեսադաշտից դուրս մի հարմար քարափի տակ տեղավորվելով՝ խորամտավորվում է, սպասելով հարձակման աղ-դանշանին:

Այդ գիշերը և նրա նախորդ օրերին մեր հրետանային նախապատրաստության ընթացքում կտրատվել էին թշնամու լարափակոցները, չարդուսիշուր էին արվել թշնամու որոշ կրակային կետերը: Ծիշտ է, բարձունքի վրա կատարած առաջին գորհների արդյունքները շատ մեծ չէին, բայց արդեն գորհային խմբերի գործողություններով սեպ էր խրված հակառակորդի ամրությունների մեջ: Նրանք ընդհուպ մոտեցել էին հակառակորդի պաշտպանության հանդուցակետերին, ԴՕՏ-երին և ԴՁՕՏ-երին:

— Տղերք, այ տղերք, տեսեք, այստեղից Սև ծովը արդեն երևում է,— ասում է Վասիլը և հիացած նայում է առավոտյան վաղորդյան մեղմ քամուց օրորվող Սև ծովի հսկա կապտավուն հայելուն:

— Նրևի քարձուներից ավելի գեղեցիկ կլինի տեսարանը:

— Այո, քարձուները մեր առաջ բացելու է Սև ծովի գեղեցիկ տեսարանը, Նովորոսիյսկի և Բամանի աղատագրման դռները,— սպասախանում է Հունանը: Լսո՞ւմ եք, մարտերն արդեն Նովորո-

սիյակ քաղաքի փողոցներում են գնում, իսկ մեր հարևան գումարտակը, որը գրոհում է Սախարնայա Դուլովկան, իրենց գրոհային խմբերով արդեն անցել են ականապատված դաշտերը, շուտով ինչպես մեզ մոտ, այնպես և նրանց մոտ թունդ մարտեր պետք է տեղի ունենան:

— Տղերք, պատրաստվեցեք ձեռնամարտի, պատրաստ պահեցեք ամտումատները, նռնակները, բահերը. խփի՛ր, ինչով կարող ես, կրակահերթով ու խզակով, բահով ու բռունցքով, մի թողնի, որ ուշքի դա թշնամին, մտար նրա խրամատը, դարձիր նրա տերը, ահա մեր լողունդը,— այդպես որ դործենք, հավատացնում եմ ձեզ, եթե ոչ այսօր, վաղը անպայման այս բարձունքը մերը կլինի:

Գնդի հրամանատարի տեղակալ մայոր Մամիկոն Խաչանյանը 1943 թ. սեպտեմբերի 16-ին դրած իր մի նամակում նկարագրելով Հունանի և գրոհային մյուս խմբերի կողմից սեպտեմբերի կեսերին Դուգայա լեռը գրոհելու դործողությունների մասին, նշում է.

«... ես կանգնած եմ մի խիստ ամրացրած սարի առաջ, սարի ամրոցը հետ չի մնում Մաներհայմի կառուցվածքներից, մեր հերոս բանակայիններն ու հրամանատարները քայլ առ քայլ սուս են գնում, հարված հարվածի հետևից են հասցնում, մի քանի օրվա մարտերից հետո մի փոքր հաջողությամբ ունեմ, խցկվել եմ մի քիչ ներս (Հունանի դասակը ներս խցկված ստորաբաժանումներից մեկն էր— Ն. Խ.), սակայն այդ փոքրիկ հաջողությունը մեծ հաղթանակի կհասցնի. շատ մեծ հույս ունեմ, ես գտնվում եմ այդ սարի լանջում, մարտի թեժ ժամանակ երբեմն ես էլ եմ նետվում հարվածող խմբակների հետ: Բանակայինները հերոս են, հերոս. իրոք որ Դավթի զավակներ են, նռնակներով նետվում, բնաջինջ են անում այդ սրիկաներին իրենց կառուցած բներում, հետաքրքիր շատ էպիզոդներ կարելի է գրել այդ քաջերի մասին»:

Մի ուրիշ նամակում քարձունքի ԴՁՕՏ-երի ուղղությամբ Հունանի խմբի կողմից կատարված գրոհի մասին խոսելով, որին ինքը անձամբ մասնակցել է որպես զորամասերի հարձակողական գործողությունների ղեկավարի, հայտնում է. «առաջին գրոհներին չնայած բարձունքը և նրա բոլոր ամրությունները մեկից չգրավ-

* Հիշեմ, գործ փոխ-գնդապետ Մամիկոն Խաչանյանի, փաստաթուղթ № 1746:

վեց, բայց 100—150 մետր մոտեցա դրան և խրամատավորվեցի։ Սակայն պատվի դործ էր, որոշեցի դոնն մի կտոր տեղ գրավեմ, ամրանամ՝ հետագայի խնդրի համար... հաջորդ օրը (սեպտեմբերի 16-ին — Ն. Խ.) մի խումբ քաջերով... անցա գրոհի ու գրավեցի այդ օղակը (3 դօտ). կարդա հոգևածում ավագ սերժանտ Հունան Ավետիսյանի անունը»,* — մատնանշում է խաչանյանը։

Խաչանյանի նամակները պարզ լույս են սփռում Հունանի գրոհային խմբի սեպտեմբերի 15-ի և 16-ի գործողությունների վրա։ Այսպես ուրեմն, հրամանատարության կողմից նշանակված հարձակման առավոտը նա իր մարտիկներով գտնվում էր թշնամու ամրություններից շատ մոտիկ տարածության վրա։

Գիշերվա փոխհրաձգություններից և հետախուզական մարտերից հետո առավոտյան մի տեսակ խորհրդավոր լուսվուն էր տիրում ռազմադաշտի վրա, անքուն գիշերների հոգնածությունից թմրած, կարծես կռվողները քնել էին մեռելային քնով... բայց այդ միայն թվում էր...

Դա փոթորկից առաջ մի «ակնթարթ» լուսվուն էր... փոթորիկ, որը շուտով պիտի ճայվեր, ահնդադու որոտներով...

Ամբողջ գիշերը գրոհային խմբերի գործողություններից բացի, զորամասերը և ստորաբաժանումները, հրամանատարներն ու մարտիկները հարձակման նախապատրաստություններ էին տեսնում։

1943 թ. սեպտեմբերի 16-ին առավոտյան ուղիղ ժամը 7-ին «կապույտ դծի» ամրությունների դեմ նրա ամբողջ երկարությամբ սկսվում են գրոհային գործողություններ։

Թե՛ մարտեր են սկսվում նովորոսիյսկում, Վերխնե-Բականսկու ռալյոնի Դոլգայա և Սախարնայա Գոլովկա լեռների բարձունքներում, որոնք ըստի առ ըստի մեծ թափով ծավալվում և կատաղի բնույթ էին ստանում։

Ահնդ և անընդմեջ որոտում են երկու կողմերից կրակվող տարբեր տրամաչափերի հարյուրավոր հրանոթները, ականանետները, գնդացիները։ Փոշու ամպերը ծածկում են տեղանքը։ Մի փոքր հետո սովետական հրետանին իր կրակը փոխադրելով թշնամու թիրկունքը, հնարավորություն է տալիս ազատ կերպով գործե-

* ՀՊՊԿ, գործ փոխ-շնչապետ Մ. Խաչանյանի, փաստաթուղթ № 3675։

չու սակրավորներին, որոնք դարձյալ առաջ անցնելով՝ խիզախորեն անցուղիներ են բաց անում հետևակի համար:

Գնդերն ու գումարտակները իրենց ստորաբաժանումներով առաջ են շարժվում դեպի թշնամու դիրքերը: Սկսված հարձակումը ընդհատում է Հունանի և նրա մարտիկների կարճատև հանգիստը: Նրանք պարզ տեսնում են ամեն կողմից գրոհող վաշտերի և մյուս ստորաբաժանումների առաջշարժումը դեպի թշնամու ամրությունները:

Հրամանի համաձայն Հունանը նույնպես թաքստոցից դուրս քերելով իր մարտիկներին, առաջ է տանում.

— Տղերք, իմ հետևից, — բացականչում է նա և առաջինը ինքն է բարձրանում լեռը, ուղղություն վերցնելով դեպի թշնամու գործող կրակակետերը:

Ցամաքից, օդից, ծովից մոլեղնում են հրետանային և ակա- նանետային խլացուցիչ համազարկերը, զնդացրային և ավտոմատային մոնոտոն կրակը, նրանց զնդակները տեղատարափ կարկուտի նման ծեծում են գետինը, խտացած մթնոլորտում արձա- քանքվում է հարձակվողների երկարականչ ռուսական խրոխտ ճուռան», «Հանուն Ստալինի», «Հանուն մայր Հայաստանի» սովե- տական մարտիկների բազմալեզու մարտակոչերը:

Կարճ ոստյուններով, սուլեսող, Հունանը առաջ է տանում իր ստորաբաժանումը: Մարտիկները մոտենալով հակառակորդի դիրքերին, նռնակներ նետելով ջարդոփշուր են անում կրակակետերը, ճիգեր են թափում ներս թափանցելու թշնամու խրամատը, բնա- ջնջելու, դուրս շարտելու նրանց այդ տեղից, բայց այդ գործողու- թյանը խիստ կերպով խանգարում է հակառակորդի ԴՁՕՏ-ից գոր- ծող հաստոցավոր զնդացրի մրրկալի կրակը: Մարտիկները Հու- նանի հրամանով ստիպված են լինում սեղմվել գետինին:

— Ինչ էլ ուզում է լինի, — մտածում է Հունանը, — պետք է լռեցնել թշնամուն, վերացնել առաջընթացը խանգարող խոչընդո- տը: Մարտի լարված մոմենտին, երբ վճռվում էր ամրությունները դրոհելու ելքը, իր վրա վերցնելով այդ պարտականությունը և ան- հրաժեշտ կարգադրություններ անելով, ապա ղգաստացնելով մար- տիկներին, փարատելով մի պահ նրանց համակած շթոփմունքը, վճռականությունն անընդհատ գոչում է.

— Առաջ, ընկերներ, հետևեցեք ինձ, մի՛ ուշացեք...

Այդ ասելով, Հունանը դառակի մարտիկներին հետ արագութեամբ նետովում են թշնամու առաջին խրամատները, ավտոմատային կրակահերթով ու սվիններով ձեռնամարտի դիմելով ոչնչանում նրանց, մնացածներին էլ փախուստի մատնում. և այսպես առաջ անցնելով, քայլ առ քայլ մաքրելով ճանապարհը, նրանք մոտենում են թշնամու ԴՁՕՏ-ին:

Չնայած մահվան ուրվականին էր կանգնել նրանցից ամեն մեկի առջև, քայց վիրավորներն անգամ չէին ցանկանում հեռանալ մարտադաշտից:

— Կկռվենք մինչև հաղթանակը, եթե մեռնելու ենք, մեռնենք միասին,— ասում էին նրանք:

— Գնա թիկունք,— կարգադրում էր Հունանը վիրավոր մարտիկներից մեկին, որը ոտքից վիրավորվել և արյունաքամ էր լինում:

— Ես առողջ եմ, ընկեր ավագ սերժանտ,— համառում է անվեհեր մարտիկը:

— Կատարիր հրամանը,— խստովյամբ ասում է Հունանը և բաժանվում իր մարտիկից: Սոսկալի ցավը զսպելով, տեղատարափ կրակի տակ վիրավորը ոտքի նլնելով վազում է և համարյա լաց լինելով ասում.

— Դե որ ասում եմ առողջ եմ, չես հավատում, տե՛ս...

Այսպիսին էին Հունանի մարտական ընկերները, որոնց հետ նա վերջին դրոշն էր գնում «կապույտ դծի» ամբողջյունների դեմ:

Մոլեղնում էր մարտը, օրհասական և ծանր էր մոմենտը. աստիճանաբար նոսրանում էին խիզախների շարքերը... գրոհը տապալման վտանգի տակ էր...

Հունանը այդ բոլորին նկատում է, որ առաջավոր դծում, սվինապատ հրացանը ձեռքին, կատաղի մարտի միջից մարտիկներին ձեռնամարտի է առաջնորդում դնդի հրամանատարի տեղակալ, ամենքի կողմից սիրված արիասիրտ մայոր Մոմիկոն խաչանշանը:

... Տղե՛րք, առա՛ջ... մեղ հետ է մայորը,— հրճվանքով բացականչում է Հունանը,— կռվեցեք Սասունցի Դավթի թոռներին արժանի, թող բոլորն իմանան, որ առաջին դասակի մարտիկները կարդարացնեն հրամանատարության վստահությունը, կմեռնեն, քայց առաջադրանքը կկատարեն:

Հունանի խոսքերը, խաչանյանի երևալը մարտիկների եռանդը բազմապատկում են:

Խաչանյանը 1943 թ. հոկտեմբերի 22-ին ընտանիքին ուղարկած իր նամակում նկարագրելով մարտի կրիտիկական այս մոմենտը, գրում է.

«... Չորս կողմը մահ էր տարածված, երբ իմ քաջերը տեսնելով ինձ հրացանը ձեռքիս, այդ օղակի մեջտեղում խրոխտ կանգնած, բղավում էին— «առաջ, մայրը մեզ հետ է»»:

Շարժվելով դասակի մարտիկներից առաջ, Հունանը իր անբաժան ընկերոջ, պարթևահասակ, թիկնեղ Սահակյանի հետ միասին տարբեր կողմերից ընդհուպ մոտենալով թշնամու ԴՁՕՏ-ին, նրանք ԴՁՕՏ-ի անցուղիների վրա և մոտքից իրար հետևից ներս են շարժվում հակառակային մի քանի նռնակներ, որից ահռելի դրդողունով ջարդուվիշուր եղած երկինք է բարձրանում ԴՁՕՏ-ը իր անձնակազմով ու գնդացիներով, բայց դժբախտաբար նույն տեղում տեղնուտեղը զոհվում է նաև ինքը, դյուցազուն Սահակյանը: Այս բոլորը առաջին մոմենտին դեռևս աննկատելի և փոշու ամպերի մեջ ծածկված է լինում, երբ ճարպիկ ոստյունով դասակը դարձյալ առաջ է շարժվում, բայց հենց նույն մոմենտին հակառակորդը նկատելով այդ, գրոհողների վրա սկսում է գնդացրային կատաղի կրակ բաց անել մի քանի տասնյակ մետր հեռավորության վրա գտնվող իր երկրորդ ԴՁՕՏ-ից: Մարտիկները հրամանի համաձայն սեղմվում են դետին, սպասելով կրակի մեղմանալուն, որպեսզի նորից առաջ շարժվեն:

Այսպես, քանի գնում սաստկանում է մարտը, բայց հայրենիքի ազատության և անկախության վեհ գաղափարը իր հոգում Հունանը չէր ընկճվում, չէր շփոթվում: Այդ ժխտում Հունանի առողջ միտքը գործում է հրաշալի ճշտությամբ, սովետական հրամանատարին հատուկ համառությամբ կողմնորոշվելով ստեղծված իրադրության համապատասխան, նա դարձյալ առաջ նետվելու կոչ անելով գրոհային խմբի մարտիկներին, հրամայում է դասակի ջոկետին օգնել իրեն, բռնկելով կայի հնթարկելու թշնամու գործող երկրորդ ԴՁՕՏ-ը, իսկ ինքը հակահետևանքային նռնակներով զինված, տեղատարափ կրակի տակով փորսոող մոտենում է նրան. բայց դեռ

* ՀԳՊԿ, գործ Մ. Խաչանյանի, փաստաթուղթ № 3675:

ԴԶՕՏ-ի ամբուստներին չհասած, ծանր վիրավորվում է, վերքից սկսում է առատորեն արյուն հոսել. դա սեպտեմբերի 16-ի առավոտյան ժամը 10-ին էր:

Նույն մոմենտին մարտի ժխորի միջից, կարծես երազում նախում է իր անունը տվող ծանոթ մի ձայն.

— Ընկեր Ավետիսյան, դուք վիրավորված եք... հայտնում է Հունանի հետևից շարժվող մարտիկը, Հունանը ոչինչ չի պատասխանում, ոչինչ չի դժու, ոչ վերքը, ոչ արյունը նրան չեն կանգնեցնում. այդ բոլորին նա միայն մի բանի մասին է մտածում՝ լռեցնել թշնամու գնդացիորը, հեռացնել գրոհի տապալման սպառնալիքը, առաջ տանել դասակը, հաղթանակի հասնել... հաղթանակ, որը այնքան մոտ էր թվում իրեն:

Աղնիվ հայրենասերը զսպելով անտանելի ցավը, շարունակելով օրհասական պայքարը, քայլ առ քայլ շրջանցում է թշնամու ԴԶՕՏ-ը:

Երբ արդեն բոլորովին մոտ էր ԴԶՕՏ-ի հրակնատին, որից թշնամին դարձյալ կրակում էր, Հունանը կանգ է առնում, կողքից ձեռքն առաջ մեկնելով՝ ամուր բռնում է սև օձի գլխի նման հրակնատից դուրս ցցված թշնամու խոշոր տրամաչափի գնդացրի փողը և մի քանի անգամ շարժում, որպեսզի խախտի տեղից, փոխի կրակի ուղղությունը, նրա կրակի տակից դուրս բերի իր դասակին, բայց ապարդյուն...

Այստեղ Հունանը նկատում է աջ ու ձախ կողմից թշնամու ավերված ԴԶՕՏ-երը շրջանցած իր անվահեր մարտիկների, վաղեմի ընկերների՝ Սահակյանի և մյուսների արյունաշաղախ գետին փռված դիակները:

— Միթե սպանվեցին նրանք... նրանք... նրա... — շշնջում է ինքըն իրեն Հունանը և արյունաքամ վրձակում ուշաթափության աստիճանի նվաղում, պտույտ է գալիս գլուխը. վերջին ուժերը հավաքելով նա ուղղվում է առողջ կողքի վրա և ակամայից ձեռքը դեպի ձախ կուրծքը տանելով շոշափում է բաբախող սրտի վրա իր գրպանում ամուր պահած Լենինյան-Ստալինյան կոմբերիտմիության անդամատոմսը, տոմսի հետ՝ պարտիայի շարքերն անցնելու դիմումը...

— Երդվում եմ ձեզանով... — կամացուկ շշնջում է նա:

Ուժ է առնում, եռ է դալիս նրա սպառալիղ արյունը, ցասում-նալի վրեժը նոր թափով բորբոքվում է նրա հոգում:

Մտքի զորեղ ասոցիացիայով կայծակնային արագությամբ նա մտաբերում է հայրենասեր կոմերիտական Ալեքսանդր Մատրոսովի դյուցազնական սխրագործությունը, որի օրինակով նա ինքը դեռ երեկ դաստիարակում, հերոսության կոչ էր անում իր բանակայիններին:

Հունանը մտածեց հարագատների մասին... Հայաստանի մասին... անպայման հաղթելու մասին... ապա թույլ ու մեծ աչքերով մի հայացք նետելով ԴՁՕՏ-ի շորս կողմում կատաղի մարտեր մղող առյուծասիրտ իր ռազմիկներին, սիրալիր ժպտալով նրանց, դողդոջուն, բայց վճռական ձայնով նա բացականչում է.

— Տղերք, ընկերներ, այլևս այս ԴՁՕՏ-ը չի գործելու: Հրամայում եմ առաջ...

Այդ ասելով՝ նա առաջ է նետվում և իր մարմնով փակում է ԴՁՕՏ-ի հրակնատը, կուրծքը դեմ տալով դնդացրի փողին, լռեցնում է այն:

Իր վրա ընդունելով թշնամու զնդացրի մահաբեր զնդակները, Հունանը կիսակենդան վիճակում հրակնատի արանքից տեսնում է հիտլերականների պարտության առաջ կանգնած սարսափահար դեմքերը, և ատելությամբ լի իր հայացքով նա վերջին անգամ ջանքելով նրանց, սեղմած ատամի արանքից մրմնջում է՝

— Օձե՛ր...

Ապա խամբելով փակում է աչքերը... հավիտյան լռում... ԴՁՕՏ-ի ներսում հիտլերականները, որոնք վերահաս ջախջախումից կորցրել էին իրենց գլուխները, Հունանի կողմից ամբրազուրի անցքը փակելուց հետո է՛լ ավելի խուճապի են մատնվում, պատեպատ զարնվելով փրկության ելք են որոնում, բայց արդեն ուշ էր...

Հունանը կրկնելով Մատրոսովի դյուցազնական անձնագործությունը, փրկում է իր մարտիկների կյանքը, ուպահովում է դասակի կողմից մարտական խնդրի կատարումը, Դուգայա լեռան թըշնամու «անառիկ» ամրությունների գրավումը:

Մինչ դադարում էր սովետական հայրենիքի համար Հունանի բաբախող սիրտը, նրա դասակը և մյուս զորամասերը, օգտվելով թշնամու կրակի դադարելուց, առաջ են անցնում: Մարտիկնե-

ըր վշտացած իրենց սիրելի հրամանատարի դուցադնական մահով, վրեժի անդուստ ցասումով լցված շեշտակի ծառս են լինում թշնամու ամբուլթյունների վրա, նունակային հարվածներով իրար հետևից օդ են ցնդեցնում ԴՁՕՏ-երը, կրակակետերը. ավտոմատային կրակահերթերով, սվիններով ոչնչացնում են խրամատներում և անցուղիներում գտնվող հիտլերականներին, անողոք և անհղ վրեժ են լուծում:

— Քարը քարին շթողենլ թշնամու ԴՁՕՏ-ից, արժանի կերպով լուծել Հունանի վրեժը,* — զայրույթով լցված հրամայում է մայոր Խաչանյանը, գրոհող զինվորների հետ քայլ առ քայլ առաջ շարժվելով:

Մարտիկները ամեն կողմից շարունակելով շմեցնող գրոհը, արհամարհելով մահը, սրընթաց առաջ ու առաջ են շարժվում: Այլևս նրանց ոչինչ չի կարողանում կանգնեցնել: Կեսօրին Մուրադյանի գումարտակն արդեն գրավում է Դոլգայա լեռը, նրա վրա Հունանի դասակի մարտիկները առաջինը քարձրացնում են հաղթանակի կարմիր դրոշը:

«Այդ օրը, — կարդում ենք Հունանի պարզեամթերթիկում՝ միավորման հրամանատարության տված ցուցանիշների մեջ, — Ավետիսյանի գասակը գրավեց 3 ԴՁՕՏ և ոչնչացրեց նրանց մեջ եղած հակառակորդի ամբողջ կենդանի ուժը»:^{**}

Դա Դոլգայա լեռան մեր կռվող զորքերի հատվածում «կասուլյա դժի» գերմանական ամբուլթյունների առաջին և կարևոր հանգույցի ճեղքումն էր. դրանով հարթված էր հաղթանակի ճանապարհը գեպի Նովորոսիյսկը, Թամանը: Հետապնդելով ջախջախված թշնամուն, սեպտեմբերի 16-ին փոխ-գնդապետ Կարապետյանի գունդը շեշտակի գրոհով գրավում է Վերխնե-Բականսկի շրջանային կենտրոնը և ուրիշներ: Վերխնե-Բականսկում ազատագրում է 5000 սովետական քաղաքացիների, նրանց մեջ նաև տեղական շատ հայ բնակիչների, որոնց հիտլերականները հավաքել էին գերության քշելու համար գեպի Դերմանիա:

Այս հաղթանակների մեջ իր արդար բաժինն ունեւր հայ ժո-

* ՀՊՊ, գործ Մ. Խաչանյանի, Ս. Եզանյանի սղագրությունը:

** ՀՊՊ, գործ Սովետական Միության հերոս Հ. Ավետիսյանի:

դովրդի անվեհեր զավակը, դյուցազնորեն իր կյանքը զոհած Հունան Ավետիսյանը:

Ցերեկվա ժամի 12-ին հարձակվող գրոհային խմբերի հետեւից Դուգայա լեռն են բարձրանում գնդի հրամանատարը մի քանի տպաների և ավտոմատչիկների ուղեկցությամբ, № 500/7 բարձունքի վրա նրանք թշնամու երկրորդ ավերված ԴՁՕՏ-ի հրակնատի վրա ընկած գտնում են Հունանի անշնչացած դիակը:

— Հանեցեք գլխարկներդ, — ասում է գնդի հրամանատարը, — ձեր առջև են գտնվում այսօրվա մարտերի հերոսներից Մատրոսովի օրինակով իր կյանքը դյուցազնաբար զոհած հայ ժողովրդի պանծալի զավակ ավագ սերժանտ Հունան Ավետիսյանը և իր մի քանի ընկերները, որոնք առաջինը գրոհեցին Դուգայա լեռը:

Այսօր առհավետ բաժանվելով մեր հերոսներից, մենք շարունակեցինք ենք հարձակումը... Հավերժ փառք մեր Հայրենիքի ազատության ու անկախության համար զոհված հերոսներին:

— Մենք լաց չենք լինի, — ասում է քաղտեղակալը, — բայց խոցված է մեր սիրտը, որովհետեւ չկա Հունանը, չկան մեր շատ խիզախ ռազմիկները...

Հունանը զոհվեց, Հունանը իր կյանքով հաղթանակ նվաճեց, այդ է իսկական հայրենասիրության օրինակը, որը զարդարում է ռազմիկ-բոլշևիկին:

Մեր, հաղթանակի պտուղները վայելող կենդանի մնացած ռազմիկներին պարտքն է կենդանի պահել Հունանի և իր զոհված ընկերների հիշատակը, նրանց օրինակով դաստիարակել մարտիկներին, որոնք կռվի մեջ լինեն անվախ և աներկյուղ, անխնա ջախջախեն թշնամուն՝ մինչև կատարյալ հաղթանակը: Այդ կլինի Հունանի և իր ընկերների հիշատակի իսկական հավերժացումը:

Մնաս բարև, Հունան, մնաք բարև, մարտական ընկերներ, Հայաստանի անվեհեր զավակներ, դուք բոլշևիկյան պարտիայի ու մեր ժողովրդի պատիվը անբիծ պահելով՝ ձեր գործով հարստացրիք նրա փառքը, մարտական տրադիցիաները:

Ավտոմատներից որոտացին սալյուտի համազարկերը, որոնք արձագանքեցին մերձակայքում տեղի ունեցող մարտերի կրակոցներին:

Թռուցիկ կերպով հարգանքի խոսք ասելով զոհված մարտիկների հիշատակին, ռազմիկների խումբը դարձյալ առաջ է անցնում

Թշնամուն հետապնդող գումարտակների հետևից: Սանիտարները սկսում են օգնություն ցույց տալ վիրավորներին, հավաքել զոհվածների դիակները:

Անմահության փառքով պսակված, հավիտենական մահը դրկած քնել էր Հունանը: Նրա դեմքի վրա դեռ դրոշմված էր Թշնամուն ուղղված վերջին զայրույթի արտահայտությունը:

Ծովի մեղմ քամին գորովադուլ մոր նման շոյում էր Հունանի արևակեղ դեմքը, բազմաթիվ գնդակներով խոցված վերքերը, կանացի զսպված խուլ հեկեկանքի նմանվող ձայնով նա սվսվում էր ամենքի ականջի տակին, կարծես ընկած հերոսների մահն էր նա ողբում: Իսկ վայրի խոտերն ու ծաղիկները հերոսի արյունով ներկված՝ Հայաստանի մայիսյան կարմիր կակաչների ու վարդերի նման զարդարել էին Հունանին, իրենց օրորվող գլխիկներով փարվում էին նրան:

Սանիտար բանակայինը խնամքով սրբելով Հունանի դեմքի փոշին, դուրս քաշելով նրա գրկում ամուր սեղմած ավտոմատը, որի դիսկում չէր մնացել ոչ մի փամփուշտ, թախծոտ հայացքով նրան նայելով ասում է.

— Յարա՛ք, ինչ էր մտածում Հունանը մահվան վերջին րոպեին:

— Հայրենիքի մասին... հաղթանակի մասին,— պատասխանում է սանիտար ընկերներից մյուսը:

Սեպտեմբերի 18-ին հրամանատարության կարգադրությամբ Հունան Ավետիսյանի և մյուս զոհված ռազմիկների մարմինները փոխադրում են Վերխնե-Բուկանսկիի խուտոր-Գայդուկ ավանի գերեզմանատունը, և այնտեղ էլ թաղում:

Նույն օրը Հունանի փաստաթղթերի մեջ պարտկաղմակերպիչը գտնում է պարտիայի շարքերն անցնելու հետևյալ ձեռագիր դիմումը.

«Ծնվել եմ 1914 թվին Ղափանի շրջանի Ծավ գյուղում, չքավոր գյուղացու ընտանիքում: Մինչև ռազմաճակատ գալս աշխատում էի Հովտեմբերյանի շրջանի Միկոյանի անվան սովխոզում որպես բրիգադիր: Կոմերիտական եմ. իմ ցանկությամբ այս գիշերը գնում եմ գրոհի: Բարձունքը անպայման կվերցնեմ: Թող հրամանատարությունը վստահ լինի դրան:

Ջերմորեն ցանկանում եմ լինել Լենինի—Ստալինի մեծ պարտիայի անդամ, այսուհետև կռվել որպես կոմունիստ և եթե հարկ լինի մեռնել որպես կոմունիստ»։*

* «Մարտիկ» № 13, փետրվարի 17, 1944 թ.։

Հունանի մարտական ընկերներից Ծերուն Գրիգորյանը հայտնել է, որ այդ դիմումը գրոհի նախորդ օրվա երեկոյան նրանք գրել են միասին, բայց Վերահաս ղեկավարի պատճառով այդպես էլ հունանին չի հաջողվում դիմումը անձամբ հանձնելու՝ պարտկազմակերպչին։ Այդ մասին տես ՀՊՊԿ, Ծ. Գրիգորյանի օղագրութունը։

ՀՈՒՆԱՆ ԱՎԵՏԻՍՅԱՆԻ ՀԻՇԱՏԱԿԻ ՀԱՎԵՐԺԱՑՈՒՄԸ

Հաղթության օրը և նրան հաջորդող օրերին Հոռնանի հերոսական մահվան լուրը արագությամբ տարածվում է հայկական միավորման բոլոր զորամասերում: Վրեժի զգացմունքով լցված ռազմիկները դեպի մարտ նետվեցին, միաժամանակ հիանում էին, թե ինչպիսի սիրտ է ունեցել հայ ժողովրդի այդ քաջարի զավակը:

«Երբ մենք իմացանք Հոռնան Ավետիսյանի զոհվելու լուրը, — ասում է Մաթևոսյանը, — ամբողջ զնդով տխրեցինք»: Իսկ ռազմիկ Սերգեյը նշում է. «Մեզ, բոլոր զինվորներիս յղևորում էին Հոռնանի օրինակով: Օրինակ ես ռոտայի կռվել Հոռնանի նման, չխնայելով իմ կյանքը սյնույես, ինչպես որ նա չխնայեց իր կյանքը սովետական Հայրենիքի համար»:

Թաղամհակատային բանակային թերթերը հավերժացնելով հերոսի անունը, սկսեցին իրար հետևից հոդվածներ տպագրել, մասսայականացնել Հոռնանի դուրացական սխրագործությունը: Նյութեր, նամակներ ուղարկեցին հայրենիք:

Միավորման հրամանատար Սաֆարյանը ճակատային թերթում հանդես գալով Կովկասի և Թամանի համար հայկական միավորման մղած հաղթական մարտերի հանրագումարային հոդվածով, խոսելով հայ ժողովրդի քաջարի զավակների, միավորման ռազմիկների, Հոռնանի և մյուսների մասին, նշում է.

«Ընդմիջտ կապահպանվի հայ ժողովրդի քաջարի զավակներ, մեր միավորման ռազմիկներ՝ Հոռնան Ավետիսյանի և Սուրեն Առաքելյանի»՝ հիշատակը:

* Այս մասին մանրամասն տեղեկություններ տես ՀԳՊԿ-ում պահվող Հոռնանի մարտական ընկերների ռազմագրություններում:

** Ս. Առաքելյանը հայկական միավորման խիղախ ռազմիկներից մեկն էր, 1943 թ. սեպտեմբերին հերոսությամբ կռվեց Նովոռոսիյսկի մոտ Կուր-

... Թշնամու ԴԶՕՏ-երի կրակը մեր ստորաբաժանումներին հնարավորություն չէր տալիս առաջ շարժվելու։ Ավագ սերժանտ Հունան Ավետիսյանը հանձն առավ ոչնչացնել Թշնամուն։ Սովետական Միության լեգենդար հերոս Մատրոսովի օրինակով՝ նա մոտեցավ հակառակորդի ԴԶՕՏ-ին և իր մարմնով փակեց ամբարշտուրդը։ Մեր հետևակն առաջ գնաց և հաջողությամբ ավարտեց գրոհը»։*

1943 թ. հոկտեմբերի սկզբներին Սովետական Բանակի մյուս միավորումների թվում հայկական միավորումը հաղթականորեն ավարտելով Կովկասի և Թամանի համար մղած մարտերը, արժանում է Գերագույն Գլխավոր Հրամանատար ընկեր Ստալինի շնորհակալությանը և սլատվավոր կոչմանը։ Բազմաթիվ սպաներ և մարտիկներ պարգևատրվում են Սովետական Միության մարտական շքանշաններով և մեդալներով։ Ցնծության օրեր էին ապրում մարտիկները։

Այդ բոլոր ուրախությունների մեջ ռազմիկները երբեք չէին մոռանում հերոսաբար զոհված իրենց ընկերներին, Հունան Ավետիսյանին և մյուսներին։

1943 թ. հոկտեմբերի 12-ին հայկական միավորմանը այցելության են գալիս Սովետական Միության մարշալ Ս. Կ. Տիմոշենկոն, ռազմաճակատի հրամանատար, բանակի գեներալ Ի. Ս. Պետրովը, բանակի հրամանատար գեներալ գնդապետ Կ. Ն. Լեսեւլիձեն, որոնք հմտորեն ղեկավարելով Թամանյան թերակղզին թըշնամուց ազատագրելու ռազմական գործողությունները, եկել էին շնորհավորելու այդ մարտերում աչքի ընկած հայկական միավորմանը։

Ընդարձակ վրանի տակ կազմակերպվում է հաղթողների հանդիսավոր ճաշկերույթ, որը վերածվում է ռազմիկների հերոսությունների և վառ հայրենասիրության մի ցուլցի։

Բաժակ բարձրացնելով սովետական ժողովրդի և Սովետական

բազմակայա գյուղի և նրա բարձունքների համար, կարմիր դրոշը ձեռքում բարձր պահած նա մարտի նետվեց և ղոհվեց բարձունքը գրավելու. Ժամանակ։ 1944 թ. մայիսին ՍՍԽՄ Գերագույն Սովետի նախագահության հրամանագրով Ս. Առաքելյանին շնորհվեց Սովետական Միության ձեռոսի կոչումը։

* «Մարտիկ» բանակային թերթ, հոկտեմբերի 17, 1943 թ.։

Բանակի հաղթանակների կազմակերպիչ ընկեր Ստալինի կենացը, Սովետական Բանակի, նրա փառապանծ հրամանատարների ու Կովկասյան ճակատի հրամանատարության կենացը, ելույթ ունեցող ռազմիկները իրենց բոցաշունչ ճառերում արձանագրում են հայ ժողովրդի, հայ ռազմիկների՝ թշնամուն ջախջախելու գործում հանդես բերած արիության ու տրագիցիոն քաջությունների բազմաթիվ փաստեր:

Երախտագիտության զգացմունքով և հպարտությամբ հիշում են Հունան Ավետիսյանի անունը, նրա դյուցազնական արարքը, Հունանին անվանում են «հայ Մատրոսով», որը հենց այդ ժամանակից էլ որպես այդպիսին մտնում է Հայրենական Մեծ պատերազմի հերոսական տարեգրության մեջ:*

Խնդիր են առաջադրում Հունան Ավետիսյանին հետմահու Սովետական Միության Հերոսի կոչման ներկայացնելու մասին:

Հաղթանակի ուրախալի լուրը հայրենիքին հաղորդելով, հոկտեմբերին ռազմաճակատի հայ մարտիկները Հայաստանի աշխատավորներին են ուղարկում իրենց հայտնի «Նամակ ռապորտը»: Պատմելով տարած փառավոր հաղթանակների, հայ ժողովրդի նակազի կատարման մասին, արժանի կերպով ընդգծում են հայրենիքի ազատության և անկախության մարտերում զոհաբեղանին բերած իրենց անմահ զոհերի՝ Հունանի և մյուսների անունները:

«Անմահ փառքով հավերժացրին իրենց հայ ռազմիկները,— գրում են նրանք,— Նովորոսիյսկը և Բամանյան թերակղզին ֆաշիստական դարչեղիններից ազատագրելու համար մղվող մարտերում:

Անմահ մարտիկ Հունան Ավետիսյանի սխրագործությունը, որն առաջինը բարձրացավ Դոլգայա լեռը, նույնակներ նետեց հակառակորդի ԴՁՕՏ-երի վրա և դարերով հավերժացված Սովետական Միության Հերոս Ալեքսանդր Մատրոսովի օրինակով իր մարմնով փակեց հակառակորդի ամբարղուրը, այդպիսով ապահովեց թշնամու ԴՁՕՏ-երի և տրանշիյների զրավումը: Հոկտեմբե-

* Այդ հանդիսավոր հանդիսվածն ու խնջույքի մասին մանրամասնությունները տես «Կարմիր Զինվոր» ռազմաճակատային բանակային թերթի 1943 թ. հոկտեմբերի 13-ի 97 համարում:

րյանի շրջանի 3-րդ սովխոզի աշխատակիցները կարող են պար-
օենալ իրենց դաստիարակած անվեհեր զավակով»։*

Նոյեմբերի սկզբին ռազմաճակատից Հայաստան են այցելում
հայկական զորամասերի պատգամավորները։ Գործարաններում և
հիմնարկներում հայրենասիրական խանդավառ ելույթներ ունենա-
լով, ռազմիկները հարազատ ժողովրդին հաշվետվություն են տա-
լիս նենգ թշնամու դեմ իրենց տարած փառավոր հաղթանակների
մասին։

Նրանք կոչ են անում թիկունքի աշխատողներին արժանի լի-
նել իրենց դաստիարակած անմահ հերոսներին, Հունան Ավետի-
սյանին և մյուսներին։

Այսպես, ամեն տեղ ամեն ժամ անմահացվում է հայ ժողո-
վրդի խիզախ զավակ Հունան Ավետիսյանի հիշատակը, նրա ա-
նունը։

Այդ օրերին Հայաստանում սովետական կարգերի հաստատ-
ման 23-րդ տարեդարձի առթիվ Անդրկովկասյան ռազմաճակատի
Քաղվարչության պետ գեներալ-մայոր Կ. Լ. Սարոկինը «Հայաս-
տանի զավակները հայրենիքի համար մղվող մարտերում» իր հոդ-
վածքում, արտահայտելով բարձր հրամանատարության կարծիքը
հայկական միավորումների և հայ ռազմիկների՝ մարտերում ցու-
ցաբերած մարտական բարձր որակի և խիզախության մասին,
դյուցազնաբար զոհված ավագ սերժանտ Հունան Ավետիսյանի
մասին, դրում է.

«... Մեր հայրենիքի գալիք սերունդները սուրբ զգացմունքով
միշտ կհիշեն հայկական Մատրոսովի՝ ավագ սերժանտ Հունան Ա-
վետիսյանի անմահ սխրագործությունը, որն իր մատաղ կյանքը
գիտակցաբար զոհաբերեց հանուն Հայրենիքի ազատության ու
սկստվի։ Նա իր մարմնով ծածկեց թշնամու ԴՁՏ-ի հրակնատը և
ապահովեց իր ստորաբաժանման հարձակումն ու հաղթանակը»։**

Հունանի մասին բաղմամբիվ թղթակցություններ գրվեցին նաև
ռուսերեն, վրացերեն, ադրբեջաներեն բանակային թերթերում,
նրա մասին լսեցին և իմացան ամենքը։

Ռազմիկները, հրամանատարներն իրենց սրտում վառ պահե-

* «Կարմիր Զինվոր» № 101, հոկտեմբեր, 1943 թ.։

** «Մարտիկ» № 88, 29 նոյեմբերի 1943 թ.։

լով զենքի ընկնորջ՝ Հունանի հիշատակը, հիշելով նրա հուզիչ անմահ սխրագործությունը, մարտերում հերոսական նորանոր քաջություններ էին կատարում, Հունանի անունը սրտերում, երգվում էին նրա պես՝ ջերմորեն սիրել հայրենիքը, իրենց կյանքը չխնայել հայրենիքի ազատության և անկախության համար։ Ներանք այդ ապայուցում էին ամենօրյա մարտական գործողությունների մեջ։

Ահա նրանցից Հունանի հետ Դուգայա բարձունքը դրոհած ձեռքի գնդացրորդ խանդավառ հայրենասեր Մերուն Գրիգորյանը, որի մասին հետագա մարտերում աչքի ընկնելու առթիվ «Կարմիր Ձինավոր» ռազմաճակատային թերթը գրում է. «... Զգիտե, թե ինչ բան է երկուսը մարտերում»։* Լ. Բաղդասարյանը «Լեռնայի է 7 ԴՁՕՏ. ֆաշիստները տասնյակներով գերեզման են գտել նրա գնդակներից»։**

Առանձնապես հուզիչ է Հունանի եղբոր, բանակային սակրավոր Հմայակ Ավետիսյանի հանդիսավոր երդումը և նրա մարտական գործերը։ Հունանի մահվան բոթն ստանալով, խորապես ցնցված, նա Ղրիմի ազատագրման համար սկսված մարտերի օրերին, թերթի միջոցով մարտիկներին և հրամանատարությանը դիմելով, հետևյալն է գրում.

«Եղբորս արյունը վրեժի է կանչում։ Սա Հունան Ավետիսյանի հարազատ եղբայրն էմ։ Հունանը հերոսի մահով ընկավ Դուգայա լեռան գլխին, հաղթանակի վառ կարոտը սրտում...

Գերմանա-ֆաշիստական զավթիչների դեմ պատերազմի սկզբից կռվում ենք հինգ եղբայրներով։ Հերոսական մահով ընկել է նաև իմ երկրորդ եղբայրը՝ Գևորգը։*** Ալեկոծվում է սիրտս, երբ հիշում եմ այդ մասին, և երբ գրում եմ այս տողերը։ Լեռնանում է սրտումս ցասումը և ատելությունը արյունաբոց թշնամու դեմ։

... Սա սակրավոր եմ. ասեցած մարտերում ոչնչացրել եմ հակառակորդի 150 ահան, այժմ ավելի եմ վարպետացել իմ գործում և տիրապետել եմ մի շարք զենքերի տեխնիկային։ Սա երդվել եմ

* «Կարմիր Ձինավոր» № 115, նոյեմբեր 1943 թ.։

** Նույն տեղում։

*** Հայրենական պատերազմում Ավետիսյան եղբայրներից զոհվել են երեք հոգի՝ Հունանը, Գևորգը և Ասատուր Ավետիսյանները։



Տկաչենկոն մարտիկներին պատմում է Հունանի սխրագործությունների մասին

այդ բոլորն ուղղել թշնամու դեմ... Արլան դիմաց արյուն, մահվան դիմաց մահ: Ահա իմ նշանաբանը»:

1944 թ. դեկտեմբերի 4-ին համառ ճակատամարտ մղվեց Կերչի համար, քաղաքիկ դեր էին կատարում այդ մարտերում դեսանտային սակրավորները, որոնք գործում էին մեր սլաշապանության առաջավոր դիժը ականապատելու, փշալարերով ցանցապատելու, իր հերթին անվտանգ դարձնելու հիտլերականների դրած ականները — անցողի բաց անելու թշնամու դիրքերի վրա գրոհող մեր հետևակի համար:

Այդ գործողությունների մեջ սակրավոր Դուլգարյանի, Կուլեչյանի, Բանդյանի, Լադոյանի հետ միասին իր խիզախությամբ աչքի ընկավ Հոնանի եղբայր Հմայակ Ավետիսյանը: Գործողությունը կատարվում էր բնական և մարտի դժվարագույն պայմաններում:

Նրանց գործողությունների ամբողջ ընթացքում ձյուն էր տեղում: Ծովից փչող ցրտաշունչ բամին թափանցում էր մարտիկների մինչև ոսկորները, սառած ավազանման ձյան հատիկները զարնվելով երեսներին և աչքերին՝ դժվարացնում էին շնչելը:

Դրա հետ մեկտեղ սակրավորները մինչև ծնկները թաղված անտանելի ցեխի և խոնավության մեջ, անթափանց խավարի և կողմնորոշվելու դժվարին պայմաններում առաջ են գնում: Հասնելով թշնամու առաջավոր գծին, 80—100 մետր հեռավորության վրա գտնվող նրանց ականադաշտերին, սկսում են ականադատել, կտրատել փշալարերը:

Թշնամին հրթիռների լույսի տակ նկատելով առաջավոր գծում տեղի ունեցող շարժումը, պնդացրային և ականանետային մորկալի կրակ է բաց անում սակրավորների վրա. «բայց խիզախները, — գրում է այդ մարտերին ականատես մայոր Ս. Նալբանդյանը, — արհամարհելով մահը, շարունակեցին իրենց գործը և հաջողությամբ դաշտը մաքրեցին ականներից:

Իր քաջագործություններով աչքի ընկավ Սովետական Միության Հերոս Հոնան Ավետիսյանի եղբայրը, սակրավոր Հմայակ Ավետիսյանը»:

* «Կարմիր Զինվոր» № 114, նոյեմբերի 16, 1943 թ.:

** «Հայ թամայիներ», ՀՍՍՌ ԳԱ հրատարակչություն, Երևան, 1947 թ., էջ 75:

Իր երդմանը հավատարիմ, Հունանի եղբայր սակրավոր Հմայակը խմբակցությանը պայմաններում մոտենալով հակառակորդի փշալարերին, վերցնում է նրանից «ռազատկա» կոչվող արգելափակիչը, շալակած բերում-հասցնում է հրամանատարական կետը, ապա պատրաստվելով նոր գործողությունների՝ նա ընկերներին դիմելով, ասում է.

— Ընկերներ, խնդրում եմ մասնակից եղեք իմ վշտին, օգնեցեք ինձ, ես պատրաստ եմ քարոզանդ անել թշնամու բոլոր արգելքները և ճանապարհ բաց անել մեր հետևակի համար, ինչքան էլ որ դա դժվար լինի:

Հմայակը մշտապես դերազանց, անձնվիրությամբ կատարելով իր առաջադրանքները, կենդանի օրինակ էր ծառայում ընկերներին: Նա սրբությամբ կատարեց իր երդումը նաև այս անգամ և ճանապարհ բաց արեց հետևակի համար:*



Հունանի հերոսության, վեհ և դուրսադնական մահվան լուրը շուտով տարածվում է ավելի հեռու մեր անծայրածիր հայրենիքով մեկ, Սովետական Բանակի բոլոր զորամասերում:

Սովետական կառավարությունը բարձր գնահատեց հերոսի մատուցած ծառայությունը: Ռազմաճակատում ֆաշիստական Գերմանիայի զորքերի դեմ մեր սոցիալիստական Հայրենիքի ազատության և անկախության համար մղված մարտերում ցուցաբերած խիզախության և անձնազոհության համար ՍՍՌՄ Գերագույն Սովետի Նախագահությունը 1944 թ. մայիսի 16-ի հրամանագրով ավագ սերժանտ Հունան Մակիչի Ավետիսյանին հետմահու շնորհեց Սովետական Միության Հերոսի կոչում: **

Սովետական կառավարության որոշումը ուրախության բուռն զգացմունքով լցրեց Հունանի մարտական ընկերների և հարազատների սրտերը: Արտադրական բուռն վերելք առաջ բերեց համագյուղացիների՝ Ծավ դյուղի կոլտոջնիկների, ինչպես նաև Հոկ-

* Հմայակ Ավետիսյանը այժմ Փառքի 3 շքանշանների ասպետ է:

** Տե՛ս «Известия» լրագիր № 116, մայիսի 17, 1944 թ.:

տեմբերյանի շրջանի Միկոյանի անվան սովխոզի աշխատողների մեջ:

Մի քանի ժամանակից հետո երախտագիտական իրենց ձայնը բարձրացրին նաև Կուբանի Վերխնե-Բականսկու ստանիցայի և Գալդուկ խուտորի աշխատավորները, որոնք իրենց սրտում ամուր պահելով Հունան Ավետիսյանի անունը, հարց բարձրացրին արժանի կերպով հավերժացնելու նրա հիշատակը:

1948 թ. մարտի 2-ին Վերխնե-Բականսկիի շրջգործկոմը, արտահայտելով շրջանի բանվորների և կոլխոզնիկների կամքը, իր նիստում որոշում ընդունեց, որի մեջ արձանագրված է հետևյալը.

«Սովետական Միության Հերոս Հունան Ավետիսյանի հիշատակը հավերժացնելու համար շրջսովետի գործկոմը որոշում է.

1. Գալդուկ ավանում Զավոդսկայա փողոցը վերանվանել Հունան Ավետիսյանի անվան:

2. Գալդուկ ավանում կանգնեցնել հուշարձան ի հիշատակ Սովետական Միության Հերոս Հունան Ավետիսյանի»:

Հունանի և մյուս զոհված ռազմիկների եղբայրական գերեզմանը ամեն ժամ, ամեն րոպե հիշեցնում է Կուբանի աշխատավորներին նրանց սրբազան պարտքը հայրենիքի և իրենց փրկողների հանդեպ:

Հունանի և իր ընկերների մղած մարտերի վայրում այժմ տեղի է ունենում սոցիալիստական ուտեղծագործ եռուն աշխատանք:

«Գերմանական օկուպացիայից հետո անցած տարիներին,— կարդում ենք 1948 թ. ապրիլի 3-ին «Սովետական Հայաստան» թերթում տպագրված Կուբանի թղթակից Ի. Մելգրոմի «Այն հողում, որտեղ զոհվել է Հունան Ավետիսյանը» վերնագիրը կրող հոդվածում,— վերականգնված է 18 կոլխոզ, ՄՏ-կայան, գործարկվել են ցեմենտի 2 գործարան: Ամբողջ երկրում հայտնի է Աբրառուդյուրսո գործարանը, որը նորից արտադրում է շամպան տիպի գինիներ»:

Խուտորի «Կոմունար» կոլխոզը արագ քայլերով առաջ է գնում, վերացնում է օկուպանտների կատարած ավերա-

* «Սովետական Հայաստան» թերթ № 79, 3 ապրիլի 1948 թ.:

** Նույն տեղում:

ծությունների հետևանքները Կոլխոզի ղեկավարները, զորացրված ռազմիկները անձնուրաց աշխատանքի օրինակներ են ցույց տալիս, որի հետևանքով վերականգնված է նախապատերազմյան ժամանակաշրջանի ցանքատարածությունը, և արտադրանքի մակարդակը գրեթե բոլոր գծերով գերազանցված է նախապատերազմյանից:

Այդ բարեբեր հողերի վրա են աշխատում նաև շատ հայ աշխատավորներ, որոնք վաղուց հալածված թուրքական դահիճներից, իրենց փրկութունը դստան Կուբանում: Հիմնվելով Կրասնոդարի երկրամասում, ռուս մեծ ժողովրդի կողմից նրանք արտակարգ հոգատարություն տեսան, դպացին հարազատ միջավայրում, իրավահավասար իրավունքների և հողի տեր դարձան, 1930 թվականին ստեղծեցին «Կարմիր էրզնջան» հայկական Կոլխոզը, սկսեցին աշխատել ու ապրել կոլեկտիվ կյանքով:

«Այդ Կոլխոզի նախագահ ընկ. Սաֆարյանը նույնպես զորացրված մարտիկ է,— շարունակում է թղթակիցը վերևում հիշած իր հոգևածի մեջ,— նրա տեղակալ Զաքար Մակարյանը ծառայել և կռվել է Հունան Ավետիսյանի հետ միասին միևնույն զորամասում: Նախկին ճակատայինը պահում է այն թերթը, որտեղ նկարագրված է իր ծառայակցի անմահ սխրագործութունը, հաճախ կոլխոզնիկներին կարդում է հուզիչ տողերը, կոչ անելով մարդկանց ստախանովյան աշխատանքով մեծարել հերոսի հիշատակը»:

... Վերածնված շրջանում կյանքը, ինչպես մինչև պատերազմը, լի է հերոսական առօրյայով, սովետական աշխատավորների հոգատարությամբ դեպի իրենց հայրենիքի բարդավաճումը, որի պատվի ու անկախության համար Հունան Ավետիսյանը զոհեց իր կյանքը»:

* * *

Այսպես անցան տարիներ, պատերազմի փոթորկոտ օրերին հաջորդեցին հաղթանակի ու խաղաղ ստեղծագործ շինարարության բերկրալի օրերը, բայց սովետական ժողովուրդը, սովետական զինված ուժերը առաջվա պես իրենց մեծ սրտում պահում են Սո-

* Սովետական Հայաստան» № 79, ապրիլի 3, 1948 թ.:

վետական Միության ականաւոր հերոսների, նրանց թվում նաև Հունան Ավետիսյանի անմահ կերպարը:

Նրա զոհվելուց 6 տարի հետո, 1949 թ. ապրիլի 22-ին հրապարակվեց ՍՍՌՄ Զինված Ուժերի մինիստր՝ Մարշալ Վասիլևսկու հրամանը Հունան Ավետիսյանի հիշատակը հավերժացնելու մասին: Այդ հրամանի մեջ կարդում ենք հետևյալը.

«1943 թ. սեպտեմբերի 16-ին դերմանացիների պաշտպանության ճեղքման և կրասնոդարի երկրամասի Վերխնե-Բականսկի ռայոնը դերմանական զավթիչներից ազատագրելու ժամանակ Ֆ հրաձգային գնդի 4-րդ հրաձգային վաշտի դասակի հրամանատարի տեղակալ ավագ սերժանտ Հ. Մ. Ավետիսյանը Դուբայա լեռան գրոհի ժամանակ փառալուրեց իրեն, ոչնչացնելով թշնամու կրակակետերը:

Հրաձգային դասակը, որի կազմումն էր գտնվում ավագ սերժանտ Հ. Մ. Ավետիսյանը, հարձակման մոմենտին ընկավ թշնամու երկու ԴՁՕՏ-երի զնդացրային ուժեղ կրակի՝ տակ: Դասակը գետնին սեղմվեց: Այդ ժամանակ ավագ սերժանտ Ավետիսյանը հասավ ԴՁՕՏ-երից մեկին և նռնակներ նետեց նրա վրա: Դասակը առաջ շարժվելով դեպի Ավետիսյանի գրաված դիրքերը, ստիպված էր կրկին երկրորդ ԴՁՕՏ-ի զնդացրային կրակի տակ դարձյալ սեղմվել գետնին: Ավագ սերժանտ Ավետիսյանը հրամայեց դասակին օդակել ԴՁՕՏ-ը, իսկ ինքը սողեսող մոտեցավ ամբրազուրին, որպեսզի նռնակներ նետի նրա վրա, բայց հենց ԴՁՕՏ-ի մոտ վիրավորվեց: Արյունաքամ լինելով, նա հասավ մինչև ամբրազուրը և մարմնով ծածկեց այն: Գնդացրային կրակը դադարեց: Օգտվելով ավագ սերժանտ Ավետիսյանի հերոսական սխրագործությունից, դասակը կատարեց իր մարտական խնդիրը:

Ավագ սերժանտ Ավետիսյանը զոհվեց հերոսի մահով:

ՍՍՌ Միության Գերագույն Սովետի Նախագահությունը 1944 թվի մայիսի 16-ի հրամանագրով ավագ սերժանտ Հ. Մ. Ավետիսյանին հետմահու շնորհեց Սովետական Միության Հերոսի կոչում:

Նրա անվերապահ նվիրվածությունը սոցիալիստական հայրենիքին և անսահման հավատարմությունը երգմանը, օրինակ պետք է ծառայեն Զինված Ուժերի ամբողջ անձնակազմի համար:

Հրամայում եմ՝

Սովետական Միության Հերոս, ավագ սերժանտ Հունան Մակիշի Ավետիսյանի անունը առհասիտ գրանցել Ռ հրաձգային գնդի առաջին հրաձգային վաշտի ցուցակում:

Հրամանը կարդալ բոլոր վաշտերում, մարտկոցներում, էսկադրոններում և էկիպաժներում»:

Այն միավորումը, որի շարքերումն էր ծառայում Հունանը, Հայրենական պատերազմի կատաղի մարտերի մեջ իր դրոշը օժեց անջնջելի փառքով՝ Կովկասի նախալեռներից հաղթանակով հասավ մինչև Բեռլին, դարձավ Կարմրագրոշ, Կարմիր Աստղի և Կուտուզովի երկրորդ աստիճանի եռակի շքանշանակիր: Նրա մարտիկները և հրամանատարները ոչ մի օր չէին մոռանում Հունանին՝ իրենց դյուցազուն ընկերոջը:

Հունանը իր հերոսական օրինակով նրանց հետ էր Սևաստոպոլի, Դրիմի, հարազատ Ուկրաինայի և եղբայրական Լեհաստանի ազատագրման մարտերին, թշնամու հողում, Բեռլինի փողոցներում Սովետական Բանակի մղած ավարտական կռիվներին: Հունանը քայլում էր նրանց հետ նաև պարտված Բեռլինի պողոտայով անցնող սովետական հաղթանակած զորքերի շքերթի պողպատակուռ շարքերում... Նա միավորման մարտիկների հետ է նաև այսօր, խաղաղ ուսման ու շինարարության մեջ, ամեն տեղ, ամեն ժամ: Հունանի անունն ու սխրագործությունները անջնջելի կերպով մտավ նրանց փառապանծ զորամասի մարտական տրադիցիաների մեջ:

Երբ Ռ զորամասի ռազմիկները լսեցին, որ Սովետական Միության Հերոս Հունան Ավետիսյանի անունը ՍՍՄ Զինված Ուժերի մինիստրի հրամանով առհասիտ գրանցված է իրենց ստորաբաժանման ցուցակում, համակիցեցին բուռն ուրախությամբ:

Ամենուրեք խանդավառ միտինգներ ու հայրենասիրական հավաքույթներ կազմակերպվեցին: Հունանի վաղեմի ընկերներ հիւլյթ ունեցող սպաները, համագնդեցի սերժանտները, մարտիկները հանդիսավոր խոսք տվին ծառայել հայրենիքին այնպիսի նվիրվածությամբ ու աղնվությամբ, ինչպիսի իրենց զորամասի նախկին ռազմիկ Հունան Ավետիսյանն է ծառայել:

*ՀՊՊԿ, փաստաթուղթ № 5076:

Գլխարդիայի ավագ լեյտենանտ Ն. Հովսեփյանի ստորաբաժանման մարտիկները ավագ Բ. Մելքոնյանի ղեկավարությամբ կարգի բերելով զորանոցը և տոնական տեսք տալով նրան, պատուհանի մոտ դրեցին կոկիկ կահավորված մի գեղեցիկ մահճակալ՝ հարդարված Հունան Ավետիսյանի անկողնով: Մահճակալի գլխավերևում փակցրին հերոսի մեծադիր նկարը, նրա շուրջը ամրացրին ՍՍՌՄ Զինված Ուժերի մինիստրի հրամանը, ինչպես նաև Վերխնե-Բականսկու շրջսովետի աշխատավորների դեպուտատների գործկոմի որոշումը՝ Սովետական Միության Հերոս Հունան Ավետիսյանի հիշատակը հավերժացնելու մասին:

Ռազմիկները ամեն օր թարմ ծաղկեփունջ են դնում Հունանի անկողնու կողքի սեղանի վրա, յուրաքանչյուրը խոր ակնածանքով մոտենալով այդ խորհրդավոր անկողնուն, սրտի խորքից լուռ շշնջում է հերոսի մահճակալի գլխավերևում փակցված խոսքերը.

— Դու մեզ հետ ես, դու մեր շարքերումն ես, սիրելի Հունան...

Հրամանի լուրը ստանալու հետևյալ օրը տեղի է ունենում ստորաբաժանման ԼԿՆՄ կազմակերպության դռնքաց ժողովը, որի օրակարգն է լինում «Հայրենիքին ծառայել աշնպես, ինչպես ծառայեց Սովետական Միության Հերոս Հունան Ավետիսյանը»:

Ժողովը բաց է անում կոմերիտմիության կազմակերպության բարտուղար ավագ լեյտենանտ Մելքումյանը: Զեկուցող սպան, Հայրենական պատերազմի մասնակից Հունանի ռազմիկ ընկերներից մեկը լինելով, հանգամանորեն պատմում է Ավետիսյանի մարտական գործերի և սխրագործությունների մասին: Նշում է, որ նրա հերոսական օրինակը ինչպես Հայրենական պատերազմի օրերին, նույնպես և այժմ, խաղաղ ուսման պայմաններում «ոգեկորում է ստորաբաժանման մարտիկներին՝ պատվով կատարել իրենց զինվորական պարտքը Հայրենիքի նկատմամբ: Զոկի հրամանատարներ Արշակյանը, Սարգսյանը, Միրաքյանը, Կիրակոսյանը և ուրիշները, ամենուրեք գործում են ավագ սերժանտ Հունան Ավետիսյանի օրինակով», — ասում է նա:

«Երբ հերոսական մահով զոհվեց Հունանը, — ասում է Վանյան, — մենք երգվեցինք մինչև վերջին շունչը հարազատ լինել Հայրենիքին և անարգ թշնամուց վրեժ լուծել մեր մարտական ընկերոջ արյան փոխարեն: Դուգայա բարձունքից մինչև

էլբա գետը, ուր ամենուրեք թեժ մարտեր էին մղվում, անմահ Հունանի կերպարը ողևորում էր մեզ և նոր ուժ էր տալիս մեր բազուկներին»։*

Մարտական ջերմ հայրենասիրական ելույթներ են ունենում նաև Սոցիալիստական Աշխատանքի Հերոս շարքային ղինվոր խոսրովյանը, սերժանտ Նազարյանը և ուրիշները։

Ժողովը երախտագիտական խոր զգացմունքով լի, կոմերիտական մարտիկների անունից սրտառուչ նամակ է ուղարկում հերոսի մորը՝ խանում Ավետիսյանին։

Մի քանի օրից հետո մի խումբ մարտիկներ սպաների ու միավորման հրամանատարի հետ միասին այցելում են Հոկտեմբերյանի շրջանի Միկոյանի անվան սովխոզը, Հունան Ավետիսյանի մորը, մեր Հայրենիքի ազատության ու անկախության համար մղած մարտերում հերոսաբար զոհված 4 դյուցազունների մորը — խանում Ավետիսյանին։

Սովխոզի բնակիչները անմիջապես շրջապատում են ավտոններից իջնող թանկագին հյուրերին, որոնց սովխոզի պարտկազմակերպության քարտուղարը առաջնորդում է դեպի Հունանենց տունը։

— Ահա և խանում մայրիկի բնակարանը, — ասում է նա, ներս մտնելով կահավորված լուսավոր երկհարկանի շենքի սենյակներից մեկը։

— Խնդրեմ, բալեք ջան, ներս եկեք, — հուզմունքից դողացող ձայնով ասում է ալեհեր խանումը և գրկաբաց ընդունում է իր որդու մարտական բարեկամներին։ Նրանցից Տկաչենկոյին, Ֆարմանյանին և ուրիշներին խանումը վաղուց գիտեր. նրանք արդեն մի քանի անգամ եղել էին այդ տանը, որպես Հունանի սրտակից ընկերներ։

Հյուրերը իրենց հետ բերել էին ծաղիկներ, մարտիկների գրած նամակը, քաղցրավենիներ և նվերներ Հունանի որդուն՝ Հենզելիկի համար։

Այդ հանդիսավոր իրադրության մեջ, ստորաբաժանման կոմերիտական կազմակերպության քարտուղար ավագ լեյտենանտ Մեկքումյանը խանումին հանձնում է ստորաբաժանման մարտիկների գրած նամակը։

* «Լենինյան Դրոշ» № 62, մայիսի 22, 1949 թ.։



Համազնգեցիները մի խումբ հունանի մայր՝ Խանում Ավետիսյանի մոտ

հանումը շնորհակալություն հայտնելով նամակի համար, ա-
վագ որդուն հանձնելով լայն, խնդրում է բարձրաձայն կարգալ իր
համար:

— Տեսնենք ինչ են դրել բալետ,— ասում է նա:

«Բանկադին մայր, — բարձրաձայն ընթերցել է սկսում նամա-
կը Հունանի մեծ եղբայրը,— ձեր որդի՝ Սովետական Միու-
թյան Հերոս Հունան Ավետիսյանի հիշատակը հավերժացնելու հա-
մար ՍՍՌՄ Զինված Ուժերի մինիստրի հրամանով նրա անունը
առհավետ դրանցված է մեր ստորաբաժանման ցուցակում: Սիրելի
մայր, մենք, սովետական ռազմիկներս խորին շնորհակալություն
ենք հայտնում Զեզ, որ նման հայրենասեր, լենինի—Ստալինի
գործին հավատարիմ զավակ եք դաստիարակել: Մենք խոսք ենք
տալիս զինվորական ծառայությունը կատարել այնպես, ինչ-
պես Հունանը, Հայրենիքի թշնամիներին ատել այնպես, ինչպես
Հունանը:

Որդիական ջերմ բարևներով Ռ ստորաբաժանման մարտիկ-
ներ»:

— Շնորհակալ եմ բալետ... Հունանս ծովի պես սիրտ ուներ,
զազան Հիտլերը սպանեց որդուս,— այս ասելով հանումը սկսեց
լուռ հեկեկալ... նրա թոշնած ալտերի վրայով ցած գլորվեցին
մայրական վշտի արցունքները...

Մի բոպե քար լուրջություն է տիրում, ամենքին համակում է
վիշտը: Մարտիկներն ու հարազատները սիրտ են տալիս, հաս-
կացնում են, որ այս պատերազմում շատ շատերն են զոհվել, որ
Հունանը իր հերոսական գործով անմահության է հասել:

Այդ խոսքերից զգաստացած, հերոսի մայրը գլուխը վեր
բարձրացնելով, նայում է Հունանի ընկերներին և ապա իր խրոխտ
հայացքը նետում է պատուհանից դուրս, դեպի սովխոզի դաշտերն
ու անծայրածիր այգիները, դեպի հայ ժողովրդի դարավոր մաքա-
ռումների սլամուլթյան վկային, վեհանիստ Արարատին: Այնու-
հետև կանգ առնելով սենյակի պատից կախ տված Հունանի նկա-
րի առջև, թախծոտ ու հանդարտ տոնով հատ-հատ խոսքերով ա-
սում է.

— Այո, շատ մայրերի սրտեր սևացան,— և մի բոպե լռելուց

* «Լենինյան Դրոշ» № 62, մայիսի 22, 1949 թ.:

հետո դարձյալ շարունակում է,— իմ որդին չկա, բայց դուք իմ որդիներն եք, քանի որ հիշում եք նրան...

Հունանի մարտական ընկերներին, համագլուղացիներին ու տեղի պարտիական ու սովետական ղեկավար աշխատողներին այդ խումբը սենյակից դուրս են դալիս տան բակը։ Բակում սեղանի շուրջը նստելով, ջերմ հուշեր են սկսում պատմել Հունանի մանկութունից, ռազմաճակատի էպիզոդներից, սոցիալիստական աշխատանքի ու շինարարության նրա ամենօրյա օրերից։

Այդ ջերմ զրույցի ժամանակ մանկական ուրախ ժպիտը երեսին տատի մոտ է վազում փոքրիկ Հենդելիկը, Հունանի որդին, որին ամենքը անմիջապես ճանաչում են։ Գնե՛րալը հարազատորեն դրկում է Հենդելիկին և հայրաբար համբուրում ու զրուցում է նրա հետ։ Հունանի մարտական ընկերները Հենդելիկին հյուրասիրում են, նվերներ են տալիս։

— Շնորհակալ եմ,— հազիվ լսելի ձայնով ասում է Հենդելիկը, նվերները վերցնելով, և իր սև ու մեծ աչքերով մանրամասն զննում է իրենց տունը եկած այդքան բազմաթիվ և հետաքրքիր հյուրերին։

— Իսկական հայրն է,— Հունանիս միակ հիշատակը սա է։ Սրանով եմ մխիթարում 4 որդիներ կորցրած վիրավոր մայրական սիրտս,— ասում է խանումը և կուշտ-կուշտ համբուրում է թոռան՝ Հենդելիկի արևակեղ թշիկները։ Իր գիրկը առնելով նրան, տխրամած օրորվում է։

Այնուհետև պատասխանելով ռազմիկների բազմաթիվ հարցերին, խանում մայրիկը պատմում է Հունանի մանկության և արկածներով լի պատանեկության օրերի, Մավ դյուղում կոլխոզ կազմակերպելու, Հոկտեմբերյանի սովխոզում երջանիկ կյանքի ուղին բռնած իրենց ընտանիքի մասին, ու ռազմաճակատից Հունանի դրած հաղթանակի հավատով լի բազմաթիվ նամակների, և ուրիշ շատ դեպքերի մասին։

Նույն օրը սովխոզի ակումբում կազմակերպվում է Սովետական Միության Հերոս Հունան Ավետիսյանին նվիրված անկյունը։ Իսկ 1949 թ. հունիսին Հոկտեմբերյանի շրջանի Միկոյանի անվան սովխոզի դիրեկտորը հասուկ հրաման է տալիս սովխոզի նախկին բանվոր Սովետական Միության Հերոս Հունան Ավետիսյանի հիշատակը հավերժացնելու համար։ Այդ հրամանում ասված է՝

«1. Սովխոզի № 5 ագրոմասի № 17 բրիգադան, որտեղ աշխատել է Հունան Ավետիսյանը, այսուհետև անվանել Հունան Ավետիսյանի անվան բրիգադա:

2. Առաջարկել բոլոր ցեխերի վարիչներին մինչև հունիսի 10-ը հրավիրել ցեխային արտադրական խորհրդակցություն և մասսայականացնել սույն հրամանը»:

Ոգեշնչված Սովետական Կառավարության և Զինված Ուժերի մինիստրության արտակարգ ուղադրությունից դեպի Հունանի հիշատակը, հպարտ որդու դուցազնական փառքով՝ խանում մայրիկը հայրենասիրական մի նսմակով տիմում է Անդրկովկասյան զինվորական օկրուգի բոլոր ռազմիկներին:

Համառոտակի նկարագրելով Հունանի կյանքը և մարտական գործունեությունը, անցած ուղին, հերոսի մայրը կոչ է անում Սովետական Միության հարավային սահմանների պաշտպաններին է՛լ ավելի լավ տիրապետել մարտական և քաղաքական գիտելիքներին, լինել համարձակ, անվախ, մինչև հոգու խորքը ատել թըշնամոն, հավատարիմ մնալ զինվորական երդմանը, Լենինի—Ստալինի բոլշևիկյան պարտիային, մեր սքանչելի սոցիալիստական Հայրենիքին:

«Անդրկովկասի զինվորական օկրուգի թանկագին ռազմիկներ, իմ զավակներ,— գրում է հերոսի մայրը վերևում հիշած իր նամակում:

— Մոտ վեց տարի է անցել այն օրից, երբ հերոսաբար զոհվեց իմ որդի Հունանը: Բայց նրա լուսավոր բարի հիշատակը մշտապես ապրում է իմ մայրական սրտում: Օրերս ինձ հաղորդեցին, որ Սովետական Միության Զինված Ուժերի մինիստրի հրամանով Հունանի անունը առհավետ գրանցված է № զորամասի ցուցակում: Այդ լուրը հուզեց ինձ: Միայն մեր երկրումն է իրագործվում այդպիսի վերաբերմունք դեպի մարտերում ընկած հերոսը:

Սրանից մի քանի օր առաջ այն զորամասից, որտեղ ծառայել է իմ Հունանը, պատվիրակներ եկան ինձ մոտ: Ռազմիկները իրենց ուղադրությամբ և գուրգուրանքով մխիթարեցին ինձ:

... Ինձ համար թանկ են ռազմիկների այդ ջերմ ու հոգեցունց

* Հ. Գ. Կ., գործ Հունան Ավետիսյանի:

խոսքերը... Նվեք համարձակ, ուժեղ, դիմացկուն: Սովորեցեք ատել մեր Հայրենիքի թշնամիներին: Ազնվորեն պաշտպանեցեք մեր սովետական ժողովրդի, կոմունիզմ կառուցող ժողովրդի, Լենինի—Ստալինի պարտիայի ղեկավարութեամբ դեպի կոմունիզմ ընթացող ժողովրդի շահերը»:

Խանումի նամակը արտաստավում է հայերեն, ռուսերեն, վրացերեն և ադրբեջաներեն լեզուներով լույս տեսնող բանակային թերթերում, լայն տարածում է ստանում Անդրկովկասի ղինվորական օկրուգի զորքերի մեջ:

Զինվորները ամենահեռավոր վայրերից անգամ բովանդակալից պատասխան-նամակներ են սկսում ուղարկել Հունանի մորը՝ Խանումին: Խոստանում են ռազմական և քաղաքական պատրաստութեան մեջ լինել գերազանցիկ, Հունանի նման հայրենասեր: Նամակները ռազմիկները գրում են անհատորեն, խմբովին և երբեմն նաև ամբողջ ստորաբաժանման անունից:

«Թանկադի՛ն և սիրելի՛ մամա,— գրում է սահմանապահ շարքային ղինվոր Ֆեդիշին Նիկոլայ Ստեպանովիչը,— կարգալով մեզ, ռազմիկներուս, գրած Ձեր դիմումը, ես որոշեցի հայտնել Ձեզ, որ մենք, ռազմիկներս, գտնվելով մեր սիրելի հայրենիքի սահմանների վրա, Ձեր սիրելի որդու նման մենք նույնպիսի ազնվորեն ու բարեխղճութեամբ կպաշտպանենք մեր հայրենիքը, չխնայելով մեր կյանքը...

Թանկադի՛ն և սիրելի՛ մայրիկ, ես այս նամակը գրելով՝ ցանկանում եմ շնորհակալութեամբ հայտնել Ձեզ՝ այդպիսի որդի դաստիարակելու համար: Ես ինքս ուկրաինացի եմ, կարգալով Ձեր մայրական ուղեպիսի ջերմ խոսքերը, ցանկանում եմ հայտնել Ձեզ, որ ես մարտական և քաղաքական պատրաստութեանից ունեմ գերազանց դնահատական և խոսք եմ տալիս Ձեզ, որ հետագայում ես կսովորեմ միայն գերազանց, իսկ եթե պահանջի Հայրենիքը, կհետևեմ Ձեր սիրելի որդու՝ Հունանի օրինակին»:

Մի ուրիշ նամակում, որը գրել են մի խումբ բանակայիններ, հանդիսավոր խոսք են տալիս բարձրացնելու իրենց ռազմական գիտելիքների մակարդակը, թախանձագին փնդրում են տեղեկացնել

* «Լենինյան Դրոշ» № 62, մայիսի 22, 1949 թ.:

** ՀԳՊԿ, դրոշ Հ. Ավետիսյանի, շարքային ղինվոր Ֆեդիշինի նամակից:

իրենց՝ Հայաստանում կատարվող սոցիալիստական շինարարության աշխատանքների մասին: Նամակի վերջում գրում են. «Մի անգամ ևս շնորհակալություն հայտնելով Ձեր նամակի համար, սպասում ենք պատասխանին»:

Ստորաբաժանման անունից գրած նամակների թվին է պատկանում մի զորամասի մարտիկների ներքոհիշյալ նամակը.

«Բանկագի՛ն մայրիկ,— գրում են մարտիկները,— այսօր մենք քախտ ունեցանք կարգալու մեր թերթում Ձեր որդու՝ Հունասնի մարտական սխրագործությանների մասին և Ձեր կոչն ուղղված մեզ՝ անդրկովկասյան ռազմիկներին:

... Բանկագի՛ն մայրիկ, Ձեր նամակին կարճազանքենք ավելի լավ սովորելով և արժանի կլինենք Ձեր որդի՝ Հունասնին: Իսկ Ձեզ, սիրելի մայրիկ, ցանկանում ենք լավ առողջություն և հաջողություններ Ձեր աշխատանքում: Ջերմ բարևներ մեր ստորաբաժանման բոլոր մարտիկներին»:

Չնայած Հունանը չկա, բայց նրա անչափ նվիրվածությունը սոցիալիստական Հայրենիքին, անսահման հավատարմությունը հրդմանը, Սովետական Միության մյուս հերոսների օրինակի նման, հենց այսօր էլ մեծ ազդեցություն է գործում, ամենալավագույն օրինակն է ծառայում սովետական հայրենասերների, ռազմիկների ու հրամանատարների դաստիարակության համար: Ահա դրանցից մի երկուսը: Տ՝ զորամասի ջոկի մարտիկները տակտիկական պարապմունքի ժամանակ դաշտում հորդ անձրևի հանդիպելով, ամբողջապես թրջվում են. նրանք այդ ժամանակ պետք է դիմեին գրոհի և հաղթահարելով անանցանելի կաշուն ու ծանր ցեխը, հարյուր մետր տարածություն կտրելով պիտի գրավեին «հակառակորդի» ԴՁՕՏ-ը: Հրամանատարը, որը Հունանի մարտական ընկերներից մեկն է լինում, հարձակումից առաջ մարտիկներին հավաքելով պատմում է Հունանի անձնագոհ հերոսության, խնամուն հաղթելու նրա համառության ու տոկունության մասին: Հունանի օրինակով ոգեշնչելով նրանց՝ օժանդակում է ստորաբաժանմանը կատարելու մարտական առաջադրանքը: Բանակային թերթում իր այդ պարապմունքի մասին «Հերոսական օրինակի ուժը» վերնագրով թղթակցու-

* ՀՊԳ, գործ Հ. Ավետիսյանի:

** Նույն անդում:

Բյան մեջ հրամանատարը պատմում է հետևյալ մանրամասնությունները.

«Մեր ջոկերը գտնվելով խրամատներում, սպասում էին գրոհի աղդանշանին: Իմ կողքին էր գտնվում ձեռքի զնդացրորդ Եժասը, որը ցրտից կապտել էր:

Մինչև գրոհը մնացել էր մի քանի րոպե: Ես օգտագործելով այդ ժամանակը, մարտիկներին պատմեցի, թե ինչպես մեր գրնդեցի Հունան Ավետիսյանը գրոհի նետվելով թշնամու ԴՅՕՏ-ի վրա, իր կրծքով փակեց հրակնատը, և որ նա Հունանի հետ միասին կռվել են և լավ ծանոթ են նրա հերոսությանն ու անվաստությանը: Կոմերիտական ռազմիկ Ավետիսյանը շատ անգամ հետախուզությունների ու գրոհների էր գնում հենց նույնպիսի փոթորիկներին ու ցրտերին, ամբողջապես թրջված՝ նա համարձակորեն առաջ էր շարժվում և ոչ մի անգամ կանգ չէր առնում դժվարությունների առաջ:

Զինվորները իմ պատմությունը լսում էին ուշադրությամբ: Հերոսի կերպարը կենդանի կանգնեց նրանցից ամեն մեկի առջև. և երբ հրաման տրվեց «Հարձակում, առաջ», նրանք խրամատից շտապ դուրս գալով, ուշադրություն չդարձնելով ցեխին, չզգալով ցուրտը և հողնածությունը, անդուսպ թռիչքով նետվեց առաջ և հաղթահարելով հարյուր մետր տարածությունը, երեք կողմից շեշտակի գրոհելով գրավեց «հակառակորդի» ԴՅՕՏ-ը:

Զորամասի հրամանատարը այնպես հիացած էր մարտիկների գործողություններից, որ չսպասելով «մարտի» վերջանալուն, հենց նույն տեղում շնորհակալություն հայտարարեց բոլորին:

Հերոսական օրինակի ուժը ինձ օգնում է,— գրում է ստորաբաժանման հրամանատարը,— դաստիարակել ամեն մի զինվորի մեջ կամքի ուժ:

... Մենք սրբությամբ ենք պահպանում հերոս Հունանի հիշատակը: Այդ բանի հրաշալի ապացույցն է հանդիսանում ուսման մեջ մեր հաջողությունները»:

Կրտսեր հրամանատար Սերգեյը պատմում է Հունանի կողմից իրեն հաղորդած դեղնեղիկ մոքերը՝ պատերազմից հետո Գյուղատնտեսական Ինստիտուտում սովորելու ցանկությունը, ժողովրդի լա-

* „Боевая Звезда“ № 55, 6 մարտի 1948 թ.

վագույն ապագայի, նոր և ավելի երջանիկ կյանքով ապրելու մասին:

Հունանի հիշատակին նվիրված «Սխրագործությունը ոգեշնչում է» հոդվածում նկարագրելով իր ծառայության ընթացքում մարտիկների դաստիարակության գործում Հունանի հերոսական օրինակի ունեցած ազդեցության մասին, գրում է հետևյալը. «Ընկերոջս հիշատակը մշտապես յապրում է իմ սրտում, նրա պայծառ կերպարը ոգեշնչում է ինձ ամեն մի քայլափոխում և պարտադրում է ինձ ազնվորեն ու բարեխղճորեն կատարելու իմ զինվորական պարտքը, բայց զոհված հերոսի հիշատակը միայն ես չեմ որ սրբությամբ եմ պահում: Մի անգամ շարքային Կիրակոսյանը կարգապահության խախտում կատարեց: Ես կանչեցի զինվորին ու հարցրի նրան.

— Դու գիտե՞ս արդյոք, ով է Հունան Ավետիսյանը:

— Մարտում Հայրենիքի համար զոհված Սովետական Միության Հերոս է,— պատասխանեց զինվորը:

— Հունանը նույնպես ջոկի հրամանատար էր, իսկ հետո դասակի հրամանատարի տեղակալ: Նա մարտի էր տանում իր զինվորներին, նրանք սիրում էին նրան քաջության, հմտության համար և ոչ մի անգամ նա կարգապահությունը չէր խանգարում: Կիրակոսյանը լռում էր: Նա ամաչեց և կարմրեց: Այս խոսակցությունը Կիրակոսյանի վրա մեծ ազդեցություն գործեց: Մի քանի ժամանակ անց նա ինձ մոտ եկավ, հետը բերելով Հունանի նկարը, և խնդրեց պատմել նրա մասին բոլորը, ինչ որ ես գիտեմ: Այժմ Կիրակոսյանը սկսել է բոլորովին այլ ձևով նայել ծառայության վրա: Նա անճանաչելի է դարձել: Դա կորովի զինվոր է, ձգված, մաքուր զգեստավորված, ստորաբաժանման մեջ կարգ ու կանոնի համար պայքարողներից առաջինն է:

Եվ ոչ միայն Կիրակոսյանը, մեր վաշտի շատ ուրիշ զինվորներ ջանում են իրենց ուսման մեջ նմանվել հերոս Հունանին... Սերժանտ Թադևոսյանը և Օհանյանը ռազմաճակատում չեն եղել: Նրանց հետ ունեցած իմ զրույցներում ես մանրամասն պատմել եմ Հունանի ջոկի, նրա հրամանատարական հմտության մասին: Սերժանտներ Թադևոսյանը և Օհանյանը հաճախ ինձ դիմելով հարցեր են տալիս. «Ի՞նչպես էր այդ բանը Հունանի մոտ», «Ի՞նչ կանոնը Հունանը այսպիսի դեպքում»: Նրանք իրենց զինվորներին սովոր-

րեցնում են այնպես, ինչպես սովորեցնում էր Հունանը իր ենթականերին, և բոլոր ուժերով ջանում են պահպանել կրտսեր հրամանատարի պատիվն ու արժանիքները, որն այնպես բարձր էր պահում Հունանը:

... Այսպես, աշխատանքում և թե ուսման մեջ մեր ռազմիկները սրբությամբ մեծարում են անմահ հերոսի հիշատակը»^{*}

Անմաս շմնաց այս բոլորից նաև հերոսի ծննդավայրը՝ Ղափանի Ծավ գյուղը, որտեղ անց է կացրել իր մանկությունն ու պատանեկությունը Հունան Ավետիսյանը, որտեղ նա առաջին անգամ մտավ կոլեկտիվ տնտեսության մեջ:

Գյուղը և նրա մարդիկ այժմ բոլորովին փոխվել են աննախընթաց կերպով: Առաջ են գնացել նրանք:

Հունանի մանկության ընկերները, նրա հետ ռազմաճակատում ծառայած համագյուղացիները, որոնք այժմ զորացրվել և տուն են վերադարձել, ամեն կերպ ձգտում են իրենց գործերով, ազնիվ աշխատանքով նմանվել Հունանին և միշտ վառ պահել նրա անմահ հիշատակը:

Գյուղի կոլտնտեսության ղեկավարներից ռազմաճակատում Հունանի հետ միևնույն զորամասում մարտնչած սրտակից ընկեր, Հայրենական պատերազմի վիրավոր Շամալոն Ավետիսյանը, ուրախությամբ տեղեկանալով Հունանի անմահ փառքի ու նրա հիշատակի արժանի հավերժացման հրամանի ու որոշումների մասին, ասում է.

— Իմ ընկերը անմահացավ: Նրա մասին գրքեր են գրում, երգեր են հորինում... Մենք՝ նրա հայրենակիցներս նույնպես միշտ բարձր կպահանք մեր սիրելի Հունանի անունը:^{**}

Նրանք գյուղի յոթնամյա դպրոցը վերանվանեցին Հունանի անունով: Հերոսի մեծադիր նկարը կախ տվին գյուղի կոլտնտեսության գրասենյակի պատին, որն իր համարձակ և արծվային հայացքով ամեն օր հիշեցնում է կոլտնտեսականներին սովետական հայրենասիրության և սոցիալիստական ազնիվ աշխատանքի մասին:

Նրանում Քաղսովետը մանկական ներկայություն գեղեցկատեսիլ պարկում կառուցել է Հունան Ավետիսյանի անվան աղբյուր-

^{*} „Боевая Звезда“ № 55, 6 մարտի 1948 թ.:

^{**} Տես «Լենինյան Դրոշ» № 62, մայիսի 22, 1949 թ.:



*Մտորարածմանն ավարտվելուց ատուգման ժամանակ մարտիկները ցուցակում
առաջինը կարգում է Մովսեսյան Մխիթյան Հերոս Հունան Ավետիսյանի անունը*

հուշարձան: Նրա անունով են կոչվում Հայաստանի պիոներական շատ դրուժինաներ և ակումբներ:

* * *

ՍՍՌՄ Զինված Ուժերի մինիստր Սովետական Միության Մարշալ Վասիլևսկու հրամանը՝ Հունանի անունը առհավետ № ստորաբաժանման ցուցակում դրանցելու մասին փաստաթուղթը մտավ Սովետական Բանակի փառապանծ տարեգրության մեջ:

Այդ հրամանը կարդացվեց Սովետական Բանակի հետևակային զորքերի վաշտերում, հրետանավորների մարտկոցներում, հեծյալների էսկադրոններում, ծովային, օդային, զրահատանկային ուժերի էկիպաժներում և զորքերի մյուս բոլոր տեսակների ստորաբաժանումներում: Հայ ժողովրդի անվեհեր զավակ Հունան Ավետիսյանը Ալեքսանդր Մատրոսովի նման մեծարվեց, համաժողովրդական հերոսի փառքի հասավ:

Այն զորամասի վաշտում, որտեղ ծառայում էր Հունանը, ամեն օր, երբ շեփորահարը հպարտորեն ազդարարում է երեկոյան ստուգականը, դասակի զինվորները, ստուգման համար շարքի են կանգնում և սպասում են վաշտի ալագին:

Տրվում է «զգաստ» հրամանը, զորանոցում անցուդարձը դադարում է, մի պահ քար չոռվյուն է տիրում ամեն տեղ. բանակայինները երկու շարք կանգնած մտաբերում են իրենց զոհված համազնդեցու՝ Հունանի նվիրական կերպարը:

Այդ խորհրդավոր ու վեհ մոմենտին վաշտի ավագը խրոխտ ձայնով արտասանում է վաշտի մարտիկների ցուցակի առաջին սիրելի անունը.

— Սովետական Միության Հերոս ավագ սերժանտ Հունան Մակիչի Ավետիսյան...

Խորը չռության միջից հնչում է առաջին շարքի աջ թևում կանգնած դասակի հրամանատարի օգնական, ուսման գերազանցիկ կոմերիտական սերժանտի հուզիչ, պարզ և հատ-հատ արտասանվող պատասխանը.

— Սովետական Միության Հերոս ավագ սերժանտ Հունան Մակիչի Ավետիսյանը ընկավ քաջի մահով մեր Հայրենիքի ազատության ու անկախության համար մղած մարտում:

Մի ակնթարթում սարսուռ է անցնում ամենքի մարմնով: Այսպես, շնայած Հունանը չկա, բայց նրա հերոսական կերպարը ապրում է զորամասի ամեն մի մարտիկի մեջ, որն ազնվորեն կատարում է Հայրենիքին տված իր սրբազան երդումը: Նա ապրում է իր հայրենակիցների, ամեն մի աշխատավորի հոգում, որն ամենօրյա արդար աշխատանքով իր ավանդն է մտցնում մեր սոցիալիստական մեծ Հայրենիքի պաշտպանության ամրապնդման, կուլտուրայի ու ներջանիկ կյանքի բարգավաճման ընդհանուր գործի մեջ, որի համար էլ իր ջահել կյանքը զոհեց, հայրենիքի շահը ավելի բարձր դասեց անմոռանալի Հունանը:

Ահա, որպիսի հերոսով են պարծենում և պետք է պարծենան հայ ռազմիկները, հայ ժողովուրդը:

Կանցնեն տարիներ թավալվոր իրար հետևից... Կանցնեն դարեր... բայց Հունանի փառքը կապրի անվերջ ու անթառամ: Սերունդները կշարունակեն նրա մասին երգեր հորինել, կոթողներ կառուցել: Նրանք սրտի սրբազան դողով ու երախտագիտությամբ կարտասանեն Հայրենական Մեծ պատերազմում դյուցազնորեն զոհված համեստ աշխատավոր Սովետական Միության Հերոս, հայ ժողովրդի պանծալի դավալ՝ Հունան Ավետիսյանի անունը:

Փ Ա Ս Տ Ա Թ Ղ Թ Ե Ր



ՀԵՐՈՍԱԿԱՆ ՍԽՐԱԳՈՐԾՈՒԹՅՈՒՆ

Մարտը գնում էր մի կարևոր բնագծի համար: Մեր մարտիկները համառությամբ պրոհում էին հակառակորդի դիրքերի վրա:

Թշնամին սկսեց կատաղի կրակ վարել իր ԴՁՕՏ-երից մեկից և արգելք հանդիսանալ դասակի առաջխաղացմանը:

Այդ միջոցին դասակի հրամանատարի տեղակալ ավագ սերժանտ Հունան Մակիչի Ավետիսյանը, որը բազմիցս աչքի է ընկել խիզախ սխրագործություններով, արհամարհելով մահը, վճռեց, կյանքի գնով էլ լինի՝ լռեցնել ֆաշիստական կրակակետը: Նա սողալով մոտեցավ Թշնամու ԴՁՕՏ-ին և իր մարմնով փակեց կրակակետի ամբրազուրը:

Հակառակորդի գնդացիրը դադարեց գործելուց, դասակը սկսեց առաջ շարժվել:

Այսպիսով, անձնագոհ ռազմիկը իր հերոսական մահով հնարավորություն ստեղծեց դասակի համար իր մարտական առաջադրանքը կատարելու գերազանց կերպով:

«Կարմիր Զինվոր» № 91, 30 սեպտեմբերի 1943 թ.

ՀԱՅ ՄԱՏՐՈՍՈՎ ՀՈՒՆԱՆ ԱՎԵՏԻՍՅԱՆ

Երբ սկսվեց Հայրենական Մեծ պատերազմը գերմանական զավթիչների դեմ, կոմերիտական Հունան Ավետիսյանը աշխատում էր Հայաստանի Հոկտեմբերյան շրջանի 3-րդ սովխոզում որպես բրիգադիր։ Սակայն նա չէր բավարարվում թիկունքում կատարած իր անձնադոճ աշխատանքով։ Հունանը ձգտում էր ռազմաճակատ, այնտեղ, ուր հազարավոր հայրենասերներ զենքը ձեռքներին վրձնում էին մեր Հայրենիքի բախտը։

Այդ 1943 թվականի սեպտեմբերին էր։ Հերոսական Սովետական Բանակի զորագնդերը կատաղի կռիվներ էին մղում Նովորոսիյսկի ազատագրման համար։ Նովորոսիյսկը գրոհող զորամասերից մեկի առաջ խնդիր էր դրված՝ գրավել քաղաքի մատույցները փակող Դոլգայա լեռը և դրանով իսկ հնարավորություն տալ մեր զորքերին մտնել Նովորոսիյսկ։ Դոլգայա լեռը գրոհող զորամասի մեջ էր գտնվում նաև ավագ սերժանտ Հունան Ավետիսյանը...

... Գիշերը Հունանն իր ջոկով սկսեց Ռ բարձունքի գրոհը։ Թշնամին լուսավորելով ռազմաճակատը, կատաղի կրակ էր տեղում բարձունքը գրոհող ռազմիկների վրա։ Սակայն ռազմիկների հարձակողական թափը ընկճել չէր կարելի։ Կարճ ուսյուններով ու փոքր ուժով ռազմիկները մոտեցան բարձունքի լանջերին գտնվող ԴՁՕՏ-երին, հասել էր գրոհի ամենամեծ ռական մոմենտը։ Հենց այդ ժամանակ ձախակողմյան ԴՁՕՏ-ից թշնամին ուժեղ հնդացրային կրակ բաց արեց գրոհողների վրա։ Նկատելով այդ, Հունանը մի ուսյունով սլացավ դեպի ԴՁՕՏ-ը և իրար հետևից մի քանի նոնակ նետեց ԴՁՕՏ-ի վրա։ Սակայն գնդացիքը չէր լուռ։ Բարձունքի գրոհին ձախողում էր սպառնում։ Մի պահ ետ նայելով՝ Հունանը տեսավ արյունաշաղախ գետին ընկած իր մարտիկներին։ Հունանի առջև նենդ ու գազանաբարո թշնամին էր, նրա ոտքերի տակ իր

եղբայրների արյամբ ներկված հայրենի հողը, նրա սրտում սովե-
տական երկրի չերմ սերը:

— Ինչ գնով էլ լինի պետք է կատարել հրամանատարության
առաջադրանքը, — մտածեց Հովնանը և նետվելով դեպի ԴՁՕՏ-ը,
իր երիտառարդ կրծքով փակեց նրա հրակնատը: Գնդակները ծա-
կեցին հերոսի մարմինը: Գնդացիները լռեց: Վրեժխնդիր ու անզուսպ
ռազմիկները առաջ նետվելով՝ գրավեցին ԴՁՕՏ-ը և ոչնչացրին
այնտեղ գտնված հիտլերականներին: Դուգայա լեռան № 137 բար-
ձունքի գրոհը հաջողությամբ պսակվեց: Մեր զորքերը շարժվեցին
դեպի Նովոռոսիյսկ:

Սովետական Կառավարությունը բարձր գնահատելով հայ ժո-
ղովրդի դյուցազուն զավակ Հովնան Ավետիսյանի սխրագործու-
թյունը, նրան շնորհեց Սովետական Միության Հերոսի կոչում:

«Մարտիկ» № 64, 29 մայիսի 1945 թ.

ԵՂՐԱՅՐԵՆԵՐԻՍ ԱՐՅՈՒՆԸ ՎՐԵԺԻ Է ԿԱՆՉՈՒՄ

Ես Հունան Ավետիսյանի հարազատ եղբայրն եմ: Հունանը հերոսի մահով ընկավ Դուգայա լեռան գլխին: Հաղթանակի վառ կարոտը սրտում, կոլի վճռական մոմենտին նա իր ջահել մարմնով փակեց թշնամու ամբարազուրը, իր սրտի մեջ ընդունեց նենդ թշնամու գնդակները, և իր մահով հաղթանակի ճանապարհ բաց արեց ստորաբաժանման համար:

Գերմանա-ֆաշիստական զավթիչների դեմ պատերազմի սկզբներից կռվում ենք հինգ եղբայրներով:

Հերոսական մահով ընկել է նաև իմ երկրորդ եղբայրը՝ Գևորգը: Ալեկոծվում է սիրտս, երբ հիշում եմ այդ մասին և երբ գրում եմ այս տուները: Լեռնանում է սրտումս ցասումը և ատելությունը արյունաբքու թշնամու դեմ: Այդ ատելությունը արդարացիորեն կսլաքի թշնամու գլխին որպես մի ահեղի ումբ:

Ես սակրավոր եմ: Անցած մարտերում ոչնչացրել եմ հակառակորդի հարյուր հիսուն ական: Այժմ ես ավելի եմ վարպետացել իմ գործում և տիրապետել եմ մի շարք ղենքերի տեխնիկային:

Ես երգվել եմ այդ բոլորն ուղղել թշնամու դեմ, որպեսզի թափեմ նրա արյունը՝ կրկնակի վրիժառու լինեմ եղբայրներիս արյան համար:

Արյան դիմաց արյուն, մահվան դիմաց մահ: Ահա՛ իմ նշանաբանը:

Կարմիրբանակային՝ Հմայակ Ավետիսյան

«Կարմիր Զինվոր» № 114, 16 նոյեմբերի 1943 թ.

ՀՈՒՆԱՆ ԱՎԵՏԻՍՅԱՆԻ ՀԻՇԱՏԱԿԻՆ

Հայրենական Մեծ պատերազմում հայ ժողովրդի ծոցից դուրս եկած հերոսներից մեկն է Ավետիսյան Հունանը:

Հունանի հերոսությունը պատահական մի երևույթ չէր, որովհետև նա իր մեջ մշակել և ներշնչել էր այնպիսի ռազմիկի հատկություններ, ինչպիսին են՝ բարձր կարգապահությունը, դիմացկունությունը, հոստատակամությունը: Նա սիրում էր ռազմական գործը, անձամբ ղեաղվում էր թշնամու հետախուզությամբ: Մըշտական ղգաստ, սրբություն միայն չէր, որովհետև նա մեծ Հայրենիքը, համերադարությամբ հաղթահարում էր պատերազմի բոլոր դժվարությունները. դրանք էլ հենց կանխորոշեցին նրա հերոսությունը:

Հունանը որպես կրտսեր հրամանատարի, անձամբ ղեաղվում էր դասակի մարտական պատրաստականությամբ: Նա աշխատանքի բոլոր ասպարեզներում աչքի էր ընկնում իր լավագույն օրինակով և դասակի հետ միասին պատրաստ էր լուծելու ամենադժվար մարտական խնդիրը: Նրա ես սեպտեմբերի 16-ի գրոհից առաջ շրջում էի ստորաբաժանումները, մոտենալով ամենակարևոր նշանակություն ունեցող Դուգայա բարձունքի հյուսիսային լանջի պաշտպանության գծին, որտեղ թշնամին ուներ ուժեղ ամրություններ, հարցրի վաշտի հրամանատարին, թե ո՞ր գրոհային խումբն է գործելու այս ուղղությամբ: Նա պատասխանեց. «Ամենաուժեղ գրոհային խումբը դասակի հրամանատարի տեղակալ ավագ սերժանտ Ավետիսյանի ղեկավարությամբ»: Եվ նրան ներկայացրեց ինձ: Դա Ավետիսյան Հունանն էր... Նա ինձ վրա բացառիկ հերոսի և ուժեղ կամքի տեր մարտնչողի տպավորություն թողեց: Նա լավագույն կերպով իմանում էր թշնամու դասավորությունը և իր մարտական բոլոր խնդիրները:

Սեպտեմբերի 10—16-ի կատաղի մարտերում Հունանը իր

գրոհիչ խմբով անընդհատ մարտերով հետախուզում էր Դոլգայա քարձունքի վրա գտնվող թշնամու «Լապույտ դիծ» կոչվող, «անառիկ» համարվող պաշտպանության հենակետի ԴՕՏ-երն ու ԴՁՕՏ-երը։ Հոռնանը, որ վայելում էր հրամանատարության վստահությանը, գրոհեց պաշտպանության այդ դժվարին հենակետը և ամենամեծ պատվով կատարեց իր վրա դրված մարտական խնդիրը, արժանանալով Սովետական Միության Հերոսի կոչման։

Հոռնանը թշնամու դիրքերը գրոհելու ժամանակ, ընկնելով նրա ԴՕՏ-երի խաչածեղ կրակի տակ, ծանր վիրավորվելով՝ գործադրում է հերոսական ջանքեր այդ ԴՕՏ-երը ոչնչացնելու համար։ Իր գրոհող խմբով, երբ թշնամու ԴՕՏ-ը պատճառում է մեծ կորուստներ մեր հարձակվող միավորներին, նա գործադրում է հերոսության ամենաբարձր ձևը՝ սողալով և վերջին նռնակները նետելով թշնամու կրակակետին, իր մարմնով, հետեւելով Մատրոսովի օրինակին, փակում է ԴՕՏ-ի ամբարազուրը, ապահովելով մարտական խնդրի հաջող կատարումը։

Հ. Ավետիսյանը իր անմահ սխրագործությանը մեր նոր սերունդին թողեց հայրենասեր ռազմիկի այնպիսի մի պատմություն, որը մեծ նշանակություն ունի մեր երիտասարդության մարտական դաստիարակության համար։ Ուստի, ուսումնասիրել և իմանալ Հոռնանի սխրագործությունները, նշանակում է մի գլխով բարձր լինել որպես հերոս ռազմիկի։

Գեներալ-մայոր Ն. Սաֆարյան

20 օգոստոսի 1949 թ.

ՊԱՐԳԵՎԱՏՐՄԱՆ ԹԵՐԹԻԿ

1. Ազգանուն, անուն և հայրանուն— Ավետիսյան Հունան Մակիչի:

2. Կոչումը— Ավագ սերժանտ:

3. Պաշտոն և զորամաս— Ռ դիվիզիայի Ռ գնդի 1-ին հրա-
ձգային վաշտի դասակի հրամանատարի տեղակալ:

4. Ծննդյան թիվը— 1914 թ.:

5. Ազգությունը— Հայ:

6. Պարտիականությունը— ՀԼԿԵՄ անդամ:

7. Երբևից է Կարմիր Բանակում— 1941 թ.:

8. Մասնակցությունը քաղաքացիական կռիվներում: ՍՍՌՄ-ի
պաշտպանության հետագա մարտական գործողություններում և
Հայրենական պատերազմում— 1942—1943 թ. թ. Հյուսիսային
Կովկասի ռազմականատում:

9. Վերավորվե՞լ է, կանտուզիա ստացե՞լ է— Սպանվել է
Հայրենական պատերազմում:

10. Ո՞ր շրջանային զինկոմիսարիատի կողմից է կանչվել—
Հայկական ՍՍՌ Հոկտեմբերյանի շրջանային զինկոմիսարիատի:

11. Տնային հասցեն— Հայկական ՍՍՌ Հոկտեմբերյանի շրջան,
№ 3-րդ սովխոզ:

1943 թ. սեպտեմբերի 16-ին, Դուրգայա լեռը գրավելիս, ընկեր
Հունան Ավետիսյանը բացառիկ քաջություն ցուցաբերեց, տանելով
իր հետևից մնացած մարտիկներին՝ գերմանացիների խիստ ամ-
բացված հենակետը վերցնելու համար: Նա սողալով մոտեցավ հա-
կառակորդի առաջին ԴՁՕՏ-ին, անձամբ մի քանի նռնակ նետեց
ԴՁՕՏ-ի մուտքը և իր դասակով ներխուժեց ԴՁՕՏ-ը:

Այդ ժամանակ հակառակորդը գնդացրային կրակ բացեց երկ-
րորդ ԴՁՕՏ-ից: Ընկ. Ավետիսյանը իր դասակին հրամայեց շրջա-
պատել ԴՁՕՏ-ը, իսկ ինքը սողեսող մոտեցավ հրանքին, որպեսզի

նունակներ տեղա ԴՁՕՏ-ի վրա: Գնդացրային կրակը սաստիկ խան-
գարում էր մարտիկների առաջ շարժվելուն: Ընկ. Ավետիսյանը սո-
ղալով մոտեցավ հրանցքին և հենց ԴՁՕՏ-ի մոտ վերավորվեց: Նա
սլառկելով ձգվեց մինչև հրանցքը, և, արյունաքամ լինելով, իր
մարմնով, Սովետական Միության Հերոս Մատրոսովի օրինակով,
ծածկեց ԴՁՕՏ-ի հրանցքը, և դրանով հնարավորութունն առավ
գրավելու նաև 2-րդ ԴՁՕՏ-ը:

Այդ օրը Ավետիսյանի դասակը գրավեց երեք ԴՁՕՏ և ոչնչաց-
րեց նրանց մեջ գտնվող հակառակորդի կենդանի ուժը:

Ընկ. Ավետիսյանն արժանի է Սովետական Միության Հերոսի
կոչման:

Հրաձգային դիվիզիայի հրամանատար
գնդապետ (ստորագրողը),

20 հոկտեմբերի 1943 թ.

ՔԱՂՎԱԾՔ

ՍՍՌՄ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ 1944 Թ. ՄԱՅԻՍԻ
16-Ի ՀՐԱՄԱՆԱԳՐԻՅ

Գերմանական զավթիչների դեմ մղվող պայքարի ռազմաճակատում Հրամանատարության մարտական առաջադրանքներն օրինակելիորեն կատարելու և այդ ժամանակ ցուցաբերած խիզախության ու հերոսության համար Սովետական Միության Հերոսի կոչում շնորհել, հանձնելով Լենինի շքանշան և «Ոսկե աստղ» մեդալ.

1. Ավագ սերժանտ Հունան Մակիշի Ավետիսյանին:

ՍՍՌՄ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ

ՆԱԽԱԳԱՀ՝ Մ. ԿԱԼԻՆԻՆ

ՍՍՌՄ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ

ՔԱՐՏՈՒՂԱՐ՝ Ա. ԳՈՐԿԻՆ

Մոսկվա, Կրեմլ, 16 մայիսի 1944 թ.

ՍՈՎԵՏԱԿԱՆ ՄԻՈՒԹՅԱՆ ՀԵՐՈՍ ՀՈՒՆԱՆ ԱՎԵՏԻՍՅԱՆ

Ազատութեան փրկարար փոթորիկը Սովետական Բանակի հզոր շնչով քշեց Կովկասյան լեռներում կռտակալած սև ամպերը: Երկինքը սլաքծառացաւ և նորից փայլեցին էլքրուաի ձյունապատ բարձունքները:

Կովկասյան քաջակորով ժողովուրդների հերոս զավակները ոռւս մեծ ժողովրդի գլխավորութեամբ, Սովետական Միութեան բոլոր ժողովուրդների զավակների հետ ուս-ուսի մարտնչեցին գերմանական դադաւած հորդանների դեմ, կանգնեցին այդ հորդանների առաջխաղացումը Կովկասում, ոչնչացրին թշնամուն և պաշտպանական ծանր մարտերից անցան հարձակման: Մարտիկների շարքումն էր և զավգ սերժանտ Հունան Ավետիսյանը: Ահա նա կանգնել է նովորոսիյսկի մատուցներում մարտիկների շարքերում: Հրամանատարութեանը նրան վստահում է մի դժվարագույն առաջադրանք՝ գրոհային փոքրիկ խմբով գրոհել Դուգայա լեռան գերմանական ամրութիւնների վրա, ճեղքել թշնամու անառիկ համարվող այդ պաշտպանագիծը:

Ավետիսյանն իր հերոս ընկերների՝ Վասիլ Սաքանյանի, Ծերուն Դրիգորյանի և մյուսների հետ գիշերն առաջ էր շարժվում ականապատած դաշտերի միջով: Թշնամու գնդակները սողում էին նրանց գլխավերեւից, բայց մարտիկները Հունանի գլխավորութեամբ առաջ էին շարժվում դեպի թշնամու փշալարերը:

Հաղթահարելով թշնամու կրակը, գրոհայինները մոտեցան թշնամու ԴՁՕՏ-երին: Հասաւ ԴՁՕՏ-երի վրա անմիջապէս գրոհելու մոմենտը: Սակայն թշնամու մի ԴՁՕՏ-ից արձակվող կրակահերթերը թույլ չէին տալիս մարտիկներին գետնից բարձրանալու, իսկ մի քանի մարտիկներ էլ վիրավորվել էին: Գրոհը ձախողվելու

վրա էր: Ավետիսյանը նկատեց մարտիկներին սպառնացող այդ վտանգը:

— Տղե՛րք, դողողաց նրա ձայնը, — այլևս այս ԴԶՕՏ-ը չի գործելու: Հրամայում եմ առաջ...

Նա նետվեց դեպի ԴԶՕՏ-ը և իր կրծքով ծածկեց հրակնատը...

Գնդակները ծակծկեցին հերոսի կուրծքը, բայց գնդացիները լռեց: Վրեժով այրվող սրտով նրա մարտիկները առաջ նետվեցին և գրավեցին ԴԶՕՏ-երը: Գրոհը հաղթանակով պսակվեց:

Դյուցազնաբար զոհվեց Հունան Ավետիսյանը: Բարձր գնահատելով հերոսի մատուցած մարտական ծառայությունները, ՍՍՌՄ Գերագույն Սովետի Նախագահության 1944 թ. մայիսի 16-ի Հրամանագրով նրան շնորհվեց Սովետական Միության Հերոսի կոչում:

Հավերժ փառք անմահ հերոսին, հայ ժողովրդի արժանավոր զավակին:

«Բոլշևիկյան Տեմպով» № 19, 5 հունիսի 1944 թ.

Հ Ր Ա Մ Ա Ն
ՍՍՌ ՄԻՈՒԹՅԱՆ ԶԻՆՎԱԾ ՈՒԺԵՐԻ ՄԻՆԻՍՏՐԻ
№ 30

22 ապրիլի 1949 թ.

ք. Մոսկվա

Սովետական Միության Հեռուստառադիոյի և Կինոյի նախարարության հրամանով հրաժարվելու մասին

1943 թ. սեպտեմբերի 16-ին դերմանացիների պաշտպանության հեղձման և Կրասնոդարի երկրամասի վերխնդ-հակահակի ռաշոնը դերմանական ղալթիչներից ազատագրելու ժամանակ Ռ հրաձգային դնդի 4-րդ հրաձգային վաշտի դասակի հրամանատարի տեղակալ ավագ սերժանտ Հունան Ավետիսյանը Դուդայա լեռան գրոհի ժամանակ փառավորեց իրեն, ոչնչացնելով թշնամու կրակակետերը:

Հրաձգային դասակը, որի կազմում էր գտնվում ավագ սերժանտ Հ. Մ. Ավետիսյանը, հարձակման մոմենտին ընկավ թշնամու երկու ԴՁՕՏ-երի դնդացրային ուժեղ կրակի տակ: Դասակը գետնին սեղմվեց: Այդ ժամանակ ավագ սերժանտ Ավետիսյանը հասավ դեպի ԴՁՕՏ-երից մեկը և նռնակներ նետեց նրա վրա: Դասակը առաջ շարժվելով դեպի Ավետիսյանի գրաված դիրքերը, ըստիսոված էր կրկին երկրորդ ԴՁՕՏ-ի դնդացրային կրակի տակ դարձյալ սեղմվել գետնին: Ավագ սերժանտ Ավետիսյանը հրամայեց դասակին օղակել ԴՁՕՏ-ը, իսկ ինքը սողեսող մոտեցավ ամբարազուրին, որպեսզի նռնակներ նետի նրա վրա, բայց հենց ԴՁՕՏ-ի մոտ վիրավորվեց: Արյունաքամ լինելով, նա հասավ մինչև ամբարազուրը և իր մարմնով ծածկեց այն: Դնդացրային կրակը դադարեց: Օգտվելով ավագ սերժանտ Ավետիսյանի հերոսական սխրագործությունից, դասակը կատարեց իր մարտական խնդիրը:

Ավագ սերժանտ Ավետիսյանը զոհվեց հերոսի մահով:

ՍՍՌ Միության Դերագույն Սովետի նախագահությունը 1944 թվի մայիսի 16-ի Հրամանագրով ավագ սերժանտ Հ. Մ. Ավետիսյանին հետմահու շնորհեց Սովետական Միության Հերոսի կոչում:

Նրա անվերապահ նվիրվածությունը սոցիալիստական Հայրենիքին և անսահման հավատարմությունը երդմանը, օրինակ պետք է ծառայեն Զինված Ուժերի ամբողջ անձնակազմի համար:

Հրամայում եմ՝

Սովետական Միության Հերոս, ավագ սերժանտ Հունան Մակիշի Ավետիսյանի անունը առհավետ գրանցել № հրաձգային գնդի 1-ին հրաձգային վաշտի ցուցակում:

Հրամանը կարգալ բոլոր վաշտերում, մարտկոցներում, էսկադրոններում և էկիպաժներում:

ՍՍՌ Զինված Ուժերի մինիստր

Սովետական Միության Մարշալ Վասիլևսկի

ՍՈՎԵՏԱԿԱՆ ՀԱՅՐԵՆԱՍԵՐԻ ՍԽՐԱԳՈՐԾՈՒԹՅՈՒՆԸ

Սովետական Միության Հերոս, ավագ սերժանտ Հունան Ավետիսյանը առնավետ գրանցված է № զորամասի ցուցակում

№ զորամասի ռադիկները սրբություններ են մեծարում Հայրենիքի համար մղված մարտերում հերոսի մահով զոհված իրենց խիզախ համագնդեցի Հունան Ավետիսյանի հիշատակը: Նրա անձնվեր նվիրվածությունը սոցիալիստական Հայրենիքին և անսահման հավատարմությունը երդմանը օրինակ է ծառայում զինվորների, սերժանտների և օֆիցերների համար:

Վերջերս ՍՍՌ Միության Զինված Ուժերի մինիստրի հրամանով, Սովետական Միության Հերոս, ավագ սերժանտ Հ. Մ. Ավետիսյանի անունը առհավետ գրանցվեց № զորամասի ցուցակում:

Ինչո՞վ փառավորեց իրեն սովետական հայրենասերը:

1943 թվականի սեպտեմբերին մեր զորքերը հարձակողական մարտեր էին մղում Կրասնոդարի երկրամասը հիտլերականներից ազատագրելու համար: Դասակը, որում ծառայում էր Հ. Մ. Ավետիսյանը, մասնակցում էր Վերխնե-Բականսկի շրջանի Դուբայա լեռան գրոհին, որտեղ գերմանացիները կառուցել էին ուժեղ պաշտպանություն:

Դասակը առաջ շարժվելով ընկավ հակառակորդի երկու ԴՁՏ-երի կրակի տակ: Մարտիկները գետնին սեղմվեցին: Ինչ գնով էլ ուզում էր լինել, պետք էր ստիպել թշնամուն դադարեցնել կրակը: Այդ խնդիրը իր վրա վերցրեց կոմերիտական ավագ սերժանտ Հունան Ավետիսյանը:

Նա համեմատաբար երիտասարդ ռադիկներիցն էր: 1941 թ. Ավետիսյանը, թողնելով հարազատ Հայաստանը, մտնում է Սովետական Բանակի շարքերը: Հայրենակիցները նրան պատվիրեցին անձնավիրաբար պաշտպանել Հայրենիքը: Եվ նա կատարեց նրանց

պատվերը: Մարտի լարված մոմենտին, երբ վճռվում էր ԴԶՕՏ-երի գրոհման ելքը, կոմերիտական Ավետիսյանը սողեսող մոտենալով նրանցից մեկին, նրա ամբրազուրի վրա նետեց նռնակներ: Դասակը հնարավորություն է ստանում առաջ շարժվելու, բայց շուտով ստիպված է լինում դարձյալ սեղմվել դետնին,— ֆաշիստները կրակ են բաց անում երկրորդ ԴԶՕՏ-ից: Այդ ժամանակ դասակի հրամանատարի տեղակալ, ավագ սերժանտ Ավետիսյանը հրամայում է մարտիկներին շրջապատել ԴԶՕՏ-ը, իսկ ինքը սողեսող մոտենում է ամբրազուրին, որպեսզի նրա վրա նռնակներ նետի: Նա արդեն լուրջորովին մոտ էր ԴԶՕՏ-ին, երբ դեպք սուր ցավ— նա վիրավորված էր: Անվեհեր ռազմիկը, Լենինյան Կոմերիտմոլթյան հավատարիմ զավակը արյունաքամ լինելով՝ հավաքում է իր մնացած վերջին ուժերը ու հասնելով ամբրազուրին՝ այն ծածկեց իր մարմնով: Այսպես Հոնան Ավետիսյանը կրկնեց Ալեքսանդր Մատրոսովի անմահ սխրագործությունը:

Գնդացրային կրակը դադարեց: Մարտիկները սրընթաց նետվեցին առաջ, դասակը պատվով կատարեց իր մարտական վանդիրը:

Կոմերիտական Հոնան Ավետիսյանը զոհվեց հերոսի մահով, բայց նրա փառքը, նրա սխրագործությունը անմահ է: Ժողովուրդը ընդմիշտ կպահի իր զավակի հիշատակը:

ՍՍՏՄ Գերագույն Սովետի Նախագահության Հրամանագրով ավագ սերժանտ Հոնան Ավետիսյանին հետմահու շնորհվեց Սովետական Միության Հերոսի բարձր կոչում: Իսկ այժմ նրա անունը առհավետ մտցված է հրաձգային № զորամասի ստորաբաժանման ցուցակում:

Երեկոյան ստուգմանը, երբ ավագը արտասանում է ավագ սերժանտ Հոնան Ավետիսյանի անունը, նրան հետևում է պատասխան.

— Սովետական Միության Հերոս ավագ սերժանտ Հոնան Ավետիսյանը զոհվեց հերոսի մահով մեր Հայրենիքի ազատության և անկախության համար մղած մարտում:

«Կրասնայա Զվեզդա» № 107, 8 մայիսի 1949 թ.

ՀԵՐՈՍԻ ՄՈՐ ՆԱՄԱԿԸ

Անդրդինօկրուգի թանկագին ռազմիկներ: Ի՞մ զավակներ:

Մոտ յլեց տարի է անցել այն օրից, երբ հերոսաբար զոհվեց իմ որդի Հունանը: Բայց նրա լուսավոր և բարի հիշատակը մշտապես ապրում է իմ մայրական սրտում:

Օրերս ինձ հաղորդեցին, որ Սովետական Միության Զինված Ուժերի մինիստրի հրամանով Հունանի անունն ատհավետ գրանցված է Ք ղորամասի ցուցակում: Այդ լուրը հուզեց ինձ: Միայն մեր երկրումն է իրագործվում այդպիսի վերաբերմունք դեպի մարտում ընկած հերոսը:

Այս նամակում, իմ թանկագին զավակներ, մեր Հայրենիքի հարավային սահմանների հավատարիմ պաշտպաններ, ես ուզում եմ համառոտ կերպով պատմել Հունանի կյանքի մասին:

Հունանը ծնվել է 1914 թվականին լեռնային Զանգեզուրի՝ Ղափանի շրջանի Ծալ գյուղում: Հունանը միշտ իրեն նվիրում էր Հայրենիքին ծառայելու գործին: Նա սիրում էր աշխատանքը և աշխատում էր հարազատ կուխողում: Դեռ միտքը հասակից Հունանը սիրում էր զինվորական գործը:

1939 թվականին մեր ընտանիքը տեղափոխվեց Միկոյանի անվան սովխոզը: Այստեղ Հունանը նշանակվեց բրիգադիր: Նա աշխատում էր մեծ խանդավառությամբ, իսկ նրա բրիգադան համարվում էր ամենաառաջավորը: Հայրենական Մեծ պատերազմի հենց առաջին օրը իմ սիրելի Հունանը մտավ Սովետական Բանակի շարքերը:

«Իմ մասին չմտածես, մայրիկ: Ես լեռնային Զանգեզուրի զավակ եմ, ինձ սովորեցրել ու դաստիարակել է Սովետական Միությունը, բուլճերիկների պարտիան: Իմ հայրենասիրական պարտքը ես պատվով կկատարեմ», — գրում էր նա:

Ես հաճախ էի Հունանից նամակ ստանում. «Մի մտածիր, սիրելի մայրիկ,-- գրում էր նա,-- ճիշտ է, լինում են դժվար երթեր, տաք կռիվներ, բայց այն միտքը, որ մենք կռվում ենք սովետական Հայրենիքի համար, մոռացնել է տալիս այդ բոլոր զրկանքները: Մենք ջոխջախում ենք ատելի թշնամուն: Ես արդեն սպանել եմ 25 ֆաշիստ»:

Սրանից մի քանի օր առաջ այն զորամասից, որտեղ ծառայել է իմ Հունանը, պատվիրակներ եկան ինձ մոտ: Ռազմիկներն իրենց ուշադրությունը և գուրգուրանքներով ոգևորեցին ինձ: Նրանց ջերմ նամակները իմ սիրտը լցնում են անսահման հպարտությամբ: Ահա թե ինչ են գրում նրանք.

«Թանկագին և սիրելի մայրիկ: Մեր զորամասի անձնակազմը խոսք է տվել ձեզ՝ տիրապետել ռազմական ու քաղաքական գիտելիքներին այնպես, ինչպես մեր ջերմորեն սիրված Հունանը: Մեր պարտքը Հայրենիքի նկատմամբ ազնվորեն կկատարենք: Մենք հիշում ենք Հունանին, նա մեզ հետ է, հավերժ կապրի մեր սրտերում»: Ինձ համար թանկ են ռազմիկների այդ ջերմ ու հոգեցունց խոսքերը:

Եղե՛ք համարձակ, ուժեղ, դիմացկուն: Սովորեցեք ատել մեր Հայրենիքի թշնամիներին: Ազնվորեն պաշտպանեցեք մեր սովետական ժողովրդի, կոմունիզմ կառուցող ժողովրդի՝ Լենինի—Ստալինի պարտիայի ղեկավարությամբ դեպի կոմունիզմ ընթացող ժողովրդի շահերը:

Խաճաճ Ավետիսի Առաքելյան

Հայկական ՍՍՌ Հոկտեմբերյան շրջանի Միկոյանի անվան սովխոզ

«Լենինյան Դրոշ» № 62, 22 մայիսի, 1949 թ.

**ՍՈՎԵՏԱԿԱՆ ՄԻՈՒԹՅԱՆ ՀԵՐՈՍ
ՀՈՒՆԱՆ ԱՎԵՏԻՍՅԱՆԻ ՀԻՇԱՏԱԿԸ ՀԱՎԵՐԺԱՅՆԵԼՈՒ ՄԱՍԻՆ**

Կրասնոդարի երկրամասի աշխատավորների դեպուտատների վերխ-
.նե-Ֆականսկի շրջանային Սովետի Գործադիր կոմիտեի որոշումը

1943 թվականի սեպտեմբերի 16-ին Վերխնե-Ֆականսկի շրջա-
նը գերմանա-ֆաշիստական զավթիչներից ազատագրելու համար
մղված մարտերում հերոսաբար զոհվեց Հայկական ՍՍՌ Ղափանի
շրջանի բնակիչ, 1914 թվի ծնված, ավագ սերժանտ Հունան Ավետի-
սյանը, որը Գայդուկ բնակավայրի շրջանում, Դուգայա լեռան վրա
իր կրծքով ծածկեց թշնամու կրակակետը, որը խանգարում էր
Վերխնե-Ֆականսկի վրա հարձակվող մեր զորքերի առաջխաղաց-
մանը:

Ի նշան Սովետական Միության Հերոս Հունան Ավետիսյանի
հիշատակի հավերժացման, շրջանային Սովետի գործկոմը որո-
շում է.

1. Գայդուկ բնակավայրի «Զավոդսկայա» փողոցը վերանվա-
նել Հունան Ավետիսյանի անվան փողոց:

2. Գայդուկ բնակավայրում կանգնեցնել Սովետական Միու-
թյան Հերոս Հունան Ավետիսյանի հուշարձանը:

3. Սովետական Միության Հերոս Հունան Ավետիսյանի հու-
շարձանի կառուցումը հանձնարարել շրջսովետի դեպուտատ ընկ.
Կոզլենկովին և գյուղական Սովետի նախագահ ընկ. Կորիշեին:
Հուշարձանի կառուցումն ավարտել 1948 թվականի մայիսի մեկին:

Վերխնե-Ֆականսկի շրջգործկոմի նախագահ՝ Կոլիչեվ
Վերխնե-Ֆականսկի շրջգործկոմի քարտուղար՝ Պերեվորոչև

2 մարտի 1948 թ.

«Լենինյան Դրոշ» № 62, 22 մայիսի 1949 թ.

ԹԱՆԿԱԳԻՆ ԵՎ ՍԻՐԵԼԻ ՄԱՅՐԻԿ

Կարդալով ռազմիկներու գրած Ձեր դիմումը, ես որոշեցի հայտնել Ձեզ, որ մենք՝ ռազմիկներս, գտնվելով մեր սիրելի Հայրենիքի սահմանների վրա, Ձեր սիրելի որդու նման մենք նույնպիսի ազնվությամբ և բարեխղճությամբ կապաշտականենք մեր Հայրենիքը, չխնայելով մեր կյանքը: Սիրելի՛ մայրիկ, ծանր կորուստ եք տենեցել Դուք, բայց իմացեք, որ Ձեր տղան՝ Հունանը կենդանի է և Կապրի որպես օրինակ մեր սերնդի համար:

Թանկագի՛ն և սիրելի՛ մայրիկ, ես այս նամակը գրելով՝ ցանկանում եմ շնորհակալություն հայտնել Ձեզ՝ այդպիսի որդի դաստիարակելու համար: Ես ինքս ուկրաինացի եմ, և կարդալով Ձեր մայրական այդպիսի ջերմ խոսքերը՝ ցանկանում եմ հայտնել, որ ես մարտական ու քաղաքական պատրաստությունից ունեմ դերադանց դնահատական և խոսք եմ տալիս Ձեզ, որ հետագայում ևս կսովորեմ միայն դերադանց, իսկ եթե պահանջի Հայրենիքը, կհետեմ Ձեր սիրելի որդուն՝ Հունանի օրինակին:

Թանկագի՛ն մայրիկ, ցանկանում եմ Ձեզ քաջառողջություն և երկար կյանք: Թանկագի՛ն մայրիկ, շատ կուզենայի զրուցել Ձեզ հետ, որպեսզի ծանոթացնեիք ինձ Ձեր որդուն՝ Սովետական Միության Հերոս Հունանի կյանքի հետ. իսկ դա մեծ պատիվ կլիներ ինձ համար:

Թանկագի՛ն, սիրելի՛ մայրիկ, խնդրում եմ իմ այս նամակը հանձնեք զինվորական թերթի խմբագրությանը, դա օրինակ կլինի մյուս ռազմիկների համար: Ես Ձեզ պես թանկագին մայրիկին հավերժ չեմ մոռանա:

Ցտեսություն:

Հարգային Ֆեդիշին Նիկոլայ Ստեպանովիչ

25 մայիսի 1949 թ.

Բ Ա Ր Ի Օ Ր

Բարև՝ Ձեզ, հարգելի՛ խանութ Առաքելովնա, սրտագին ցանկաթյուններ Ձեզ անդրկովկասյան ռազմիկներից:

Թանկագի՛ն մայրիկ, այսօր մենք բախտ ունեցանք կարգալու մեր թերթում Ձեր որդու՝ Հունանի մարտական սխրագործությունների մասին և Ձեր կոչը ուղղված մեզ, անդրկովկասյան ռազմիկներին:

Մեծ հարգանքով կարդացինք Ձեր նամակը և որոշեցինք շնորհակալություն հայտնել մեր հանդեպ Ձեզ ունեցած վերաբերմունքի համար: Թանկագի՛ն մայրիկ, Ձեր նամակին մենք պատասխանում ենք է՛լ ավելի լավ սովորելով և արժանի կլինենք Ձեր որդի Հունանին, իսկ Ձեզ, սիրելի՛ մայրիկ, ցանկանում ենք լավ առողջություն և հաջողություններ Ձեր աշխատանքում:

Ձերմ բարևներ մեր ստորաբաժանման բոլոր մարտիկներից: Խնդրում ենք պատասխանը գրեք:

Պոռիվաև Իվան Վասիլևիչի անունով:

25 մայիսի, 1949 թ.



Ք Ա Ղ Վ Ա Մ Ք

№ 336 հրամանից, 8 հունիսի 1949 թ. Հոկտեմբերյան

1941—1945 թ. թ. Հայրենական պատերազմում անօրինակ քաջադործություններ կատարած, թշնամու հրականատը իր կրճքով ծածկած, Սովետական Միության Հերոս, մեր սովխոզի նախկին բանվոր Հունան Ավետիսյանի հիշատակը հավերժացնելու համար
Հրամայում եմ՝

1. Սովխոզի № 5 ագրոմասի № 17 բրիգադան, որտեղ աշխատել է Հունան Ավետիսյանը, այսուհետև անվանել Հունան Ավետիսյանի անվան բրիգադա:

2. Առաջարկել բոլոր ցեխերի վարիչներին մինչև ս. թ. հունիսի 10-ը հրավիրել ցեխային արտադրական խորհրդակցություն և մասսայականացնել սույն հրամանը:

Հոկտեմբերյանի III սովխոզի ղիրեկտոր (ստորագրություն)

Բ Ո Վ Ա Ն Դ Ա Կ Ո Ի Թ Ո Ի Ն

	Էջ
1. Հունան Ավետիսյան 1911—1913 թ.	7
2. Հունան Ավետիսյանի հիշատակի հավերժացումը	60
3. Փաստաթղթեր	83

Տպագրվում է Հայկական ՍՍԻ ԳԱ
 Խմբագրական-Հրատարակչական Խորհրդի
 օրոշմամբ

Խմբագիր՝ Ա.Ր. ՄԱՅԱԿԱՆՅԱՆ

Տեխ. խմբագիր՝ Վ. ՄԱՆՈՒԿՅԱՆ

Կոնտրոլ սրբագրել՝ Վ. ՊԱՐՈՆԻԿՅԱՆ

ԳԱ ԽՀԽ № 40

ՎՖ 05146

Հանձնված է արտադրության 13/V 1950 թ., ստորագրված է տպագրության
 26/VIII 1950 թ., սկսվել է 230, հրատ. 716, տնրատ 2000, 63/4 տպ. մամուլ,
 մեկ մամուլում 36.000 տպ. նիշ:


Հայկական ՍՍԻ ԳԱ տպարան, Երևան, Արտվյան 124

ԳԱՆ Հիմնարար Գիտ. Գրադ.



FL0014276

7161 ~~404~~. 404.



11864